

WANTOK

NIUSPEPA BILONG YUMI OL PAPAUA NIUGINI STRETI 30 YIA NAU

32 pes

Namba 1,378

Wik i stat long Fonde Novemba 23, 2000

70t

INSAIT

Oi Palamen ripot

pes 2

Putim ol ritrens lain long provins

pes 3

Agiwa na Tomiape sutim tok long Anderson

pes 7



6 pes Spesel skul saplimen

pes 11 - 16

Waiko tok skul saplai hevi em asua bilong em

VERONICA HATUTASI i raitim

EDUKESAN Minista Dokta John Waiko i tok em i asua bilong em na planti skul insait long kantri i no kisim ol skul saplai bilong ol long dispela yia.

Em i tok tu olsem ol dispela skul we i putim gutpela ripot long rot ol i yusim saplai mani bai kisim kesmani long peim ol skul saplai long neks yia.

Long skruim ol toktok long dispela samting, Praim Minista Sir Mekere Morauta i tok Palamen bai lukluk long kirapim wanpela komiti long lukluk long dispela hevi.

Wantaim tripela wik moa long 2000 skul yia i pinis, hevi i stap yet long planti skul tru long kantri i no kisim yet ol skul saplai bilong ol. Dispela em ol samting olsem ol buk, pensil, rula, sok, ol teks buk na ol arapela samting moa we ol sumatin na tisa i yusim long olgeta de long skul bilong ol.

Dokta Waiko i bin kisim planti tok kros long ol memba insait long palamen long dispela wik. Long aste Kwesten i nogat toksave taim long Palamen, planti askim na toktok i bin kamap long ol hevi i sut long ol skul insait long kantri i no kisim ol skul saplai long dispela yia, na wanem samting bai kamap long neks yia na tu husat i asua na dispela hevi i kamap.

Ialibu/Pangia memba Roy Yaki i bin putim tripela askim i go long Dokta Waiko olsem husat tru long Edukesan Ministri level i go daun long Edukesan Dipatmen bai kisim tok long dispela ehvi i kamap.

Mista Yaki i bin singaut tu long senisim bek i go long olpra sistem dispela nupela sistem we long las yia tasol ol bin kamapim long sentrelaisim wok long givim skul saplai i go long han bilong ol kontrakta long baim, redim na trenspotim ol skul saplai i go long

ol wan wan provins na skul yet.. Em i laikim bai wok i go bek gen long ol Provinsel Gavman bikos nogat hevi olsem we i kamap nau i save kamap. Nau ol wok paul i kamap na ol pikinini i bungim hevi.

"Yu luksave tu olsem dispela disisen we yupela i wokim em i karim bikpela asua?"

"Kikbek bilong en em ol skul i no kisim ol saplai bilong dispela yia na ol sumatin i bungim bikpela hevi.

"Olsem minista, inap yu larim samting i go bek long olpela sistem we i bin stap pastaim?"

"Bai yu givim ol saplai o kesmani long baim ol dispela samting?" Mista Yaki i bin laik save.

Dokta Waiko i bekim olsem "Ol hevi i pundaun long mi.

"Mi wokim olgeta samting long ol skul i kisim ol saplai bilong ol tasol samting i no wok gut.

"Etwais long gavman em long peim kesmani i go long ol skul we i givim gutpela na ful ripot long rot we ol i yusim mani long en.

Sentri Bogenvil Memba Sam Akoitai i bin askim wanem samting bai gavman i mekim bihainim ol ripot olsem ol kontrakta bilong redim, stretim na kisim ol skul saplai i no kisim mani i kam long Edukesan Minista, dipatmen na gavman.

Na ol pablik, ol papamama na ol sumatin husat inap benefit long ol skul saplai i kisim taim nogut long en.

Em i laikim Minista Waiko i sanap long ai bilong Palamen Privilej Komiti.

Sir Mekere i tok Minista i givim tok kila pinis na em i luksave long dispela tasol em bai kirapim wanpela komiti long lukluk long dispela samting.

Long ol saplai bilong dispela yia we ol i no givim na dispela bilong neks yia, Dokta Waiko i bin tok ol bai yusim ol balus na helikopta bilong ami long trenspotim ol i go long ol provins na ol skul long en.



• Praim Minista Sir Mekere Morauta i sanap wantaim ol pikinini Simbu bihain long em i opim Erima bris long Tunde dispela wik. Foto: PMS Media Unit.

PEA i laik helpim Gavman wantaim praivetaisesen

LYNNE MINIRU i raitim

PABLIK Emplois Asosiesen (PEA) i tok em i amamas long Nesanel Gavman i askim em long wok wantaim ol long stretim rot bilong Praivetaisesen o pasin bilong salim ol bisnis bilong gavman tasol PEA i askim Gavman wai na em i kisim longpela taim tru long askim ol.

Nesanel Presiden bilong PEA, Napoleon Liosi i bin mekim dispela toktok long namba 30 Bai-Eniel Kongres bilong PEA we Praim Minista, Sir Mekere Morauta i bin

opim long Pot Mosbi aste.

Mista Liosi i tok as tingting bilong dispela Kongres em long luksave na welkamim nupela yia we bai i gat planti ol nupela senis na tu long bilip long God.

Mista Liosi i tok PEA bai wok hat wantaim gavman long dispela praivetaisesen wok tasol ol i laik bai gavman i larim ol long wok long laik bilong ol yet we ol i ken kisim ol narapela lain olsem ol pablik sekta yunion husat em ol stek holda long wok wantaim ol.

I go moa long pes 3

Nestlé MILO IKEN WOKIM GUTPELA SAMTING LONG YU

Ol Palamen sion wantaim YAKAM KELO

PLIS RIPO**Sauten Hailans:**

Plis long Mendi i givim tok lukaut long ol trabel man olsem ol bai givim bikipela mekim save i go long ol lain husat i bagarapim na kisim ol samting long ol ka i bruk daun long Hailans Haiwe.

Provinsel Plis Komanda long Sauten Hailans Glossi Labi i bin wokim dispela singaut bihain long ol pleslain i kisim ol samting long ol kampani trak we i bagarap na ol i lusim ol i stap long sait bilong rot namel long Kagul na Mendi na hap rot i joinim Mendi na Hagen.

Mista Labi i tok dispela pasin i kamap na planti kampani long Hagen i lusim bikipela mani tumas. Em i tok ol liklik lain i wokim bikhet pasin na i salim strongpela toktok olsem sapos plis i kisim ol dispela, ol bai givim bikipela mekim save i go long ol.

Mista Labi i askim ol komyuniti lida long Kagua distrik long wokim samting bilong helpim kisim bek ol samting bilong wokim fens o banis long Kagua ragbi lig fil we ol bin stilim long haiwe.

Em i tok ol kaunsila bai lusim medal bilong ol sapos ol no helpim long kisim bek ol dispela samting we sampela lain long komyuniti i stilim.

Lae, Morobe:

Plis long Bulolo i holim pasim tupela saspek husat ol i bilip olsem i stap insait long trabel bilong kilim dai wanpela man long las Mande.

Ol plis ripot tok sampela raskol lain i bin sutim dai Michael Pokana na plis i no pain aut yet as long dispela birua.

Long wankain taim, wanpela fainol yia sumatin long Lae Yunitek i wok long kamap orait long Angau Haus sik bihain long sampela lain i bin sutim em long las Sande nait.

Ol ripot i tok dispela i kamap bihainim kros pait taim sampela sumatin i dringim ol strongpela dring. Plis i karimaut ol wok painim long dispela samting.

Sauten Hailans:

Pasin we hevi bilong lo na oda i kamap bikipela long sampela hap bilong Hailans haiwe em bikos long pilai politiks na singaut i go long gavman bilong daunim ol hevi long dispela samting.

Gavana bilong Sauten Hailans wantaim nogat pawa em Anderson Agiru i tok ol raskol i bin stilim pinis sevenpela trak long hap haiwe rot long Tidom Hil i go long Nipa.

Em i tok pasin bilong bagarapim meri, kamapim bagarap long ol arapela na stilim ol samting bilong ol man na kampani i kamap bikipela.

Em i tok em i harim olsem ol dispela hevi i kamap bikos ol politisen i mekim ol giaman promis na ol i no kampim kaikai long en.

Rabaul, Is Nu Briten:

Plis long Is Nu Briten provins i putim strongpela tok luakut olsem ol bai sasim ol lain aninit long Samari Ofenses Ekt sapos ol i lukim ol i wokim pasin i no stret long bai ileksen we i stap nau long provins na we bai pinis long Sarere Desemba 2 bilong makim gavana na Pomoi open memba.

Plis stesen komanda long Rabaul Iaimo Asi i tok plis bai i wok na patrol i stap long taim bilong ileksen.

Pemen bilong skul saplai i no go long kamapni

EDUKESEN Minista Dokta John Waiko i tok Gavman i peim K4 milien bilong baim ol skul saplai bilong neks yia tasol ol dispela saplai i no kam yet long kantri.

Tasol Edukesen Seketeri Peter Baki i tokaut olsem Edukesen dipatmen i no baim dispela K4 milien i go long tupela kontrak kampani bilong baim ol skul saplai i kam long ovasis. Olsem na nogat skul saplai i kam long PNG yet.

Tupela kampani husat i gat nem aninit

long kontrak long kisim ol dispela saplai i kam long PNG em Spring International na PNG Stationary Supplies. Tasol bosman bilong tupela kampani wantaim i tokaut olsem ol i no bin kisim wanpela pemen bilong Gavman long mekim dispela oda bilong ol skul saplai i kam long ovasis.

Edukesen Minista Dokta John Waiko i mekim ol dispela toktok bihain long memba bilong Huon Galp Tukape Masani i askim bilong wanem na ol skul saplai i

no kam yet long kantri bilong go long ol skul taim Gavman i peim K4 milien pinis.

Mista Masani i tok ol skul saplai i mas kamap long kantri nau bikos klostu bai krismas na ol studen bai go holide na kam bek long nupela yia long statim nupela skul yia.

Dokta Waiko i tok i gat sampela asua insait long sait bilong givim kontrak o tenda olsem na ol i bungim liklik hevi wantaim PNG Stationary Supplies.



Lukautim ol bus na diwai bilong yumi

• Nesenel Fores Atoriti i wok long surukim wok bilong planim ol pikinini diwai long Laipepeigu long Isten Hailans Provins. (Ilephan) Thomas Nen, Menesing Dairekta bilong NFA i lukluk raun long dispela plentesen wantaim Peter Barin, rijinel menesa bilong hailans. Foto: JOE KANEKANE

Sir Mekere i tok Kina bai drip yet

STRONG bilong mani (Kina) bai i no inap kamap strong yet bikos em i bin drip tasol i kam tude, Praim Minista Sir Mekere i tok.

Sir Mekere i tok strong bilong Kina bai drip i go yet inap sampela taim bihain tasol wok bilong Gavman em long traim kontrolim dispela muv we Kina i wok long drip bihainim. Dispela i min olsem Gavman i mas menesim gut olgeta wok na ekonomoni bilong kantri gut long daunim isi dispela hevi bilong drip mani.

Praim Minista Sir Mekere Morauta i mekim dispela tok-tok bihainim askim bilong memba bilong Wapenamanda Masket langalio. Mista langalio i bin askim sapos Praim Minista i luksave olsem strong bilong mani (Kina) i

wok long pundaun i go daun olgeta taim na wanem eksen em Gavman i traim long kamap wantaim long traim holim dispela hevi long i noken pundaun go nogut olgeta.

Mista langalio i tok taim dispela hevi i kamap long strong bilong Kina, dispela bai kisim sampela taim bihain long pulim strong bilong Kina i kam bek antap.

Olsem na Praim Minista Sir Mekere Morauta i tokaut olsem wanpela bikipela samting Gavman i mas mekim em long kontrolim gut na menesim gut ekonomoni bilong kantri long daunim dispela hevi long i no ken kamap bikipela.

Mista langalio i askim Praim Minista tu sapos em i save olsem bikipela kopi kampani, Angco i pundaun long wok bis-

nis bilong em pinis o nogat. Na olgeta mani bilong Angco i go we na em i bungim dispela hevi.

Mista langalio i tok Angco i gat samting olsem 30 pesen (%) sea mani bilong Investment Corporation PNG (ICPNG) i stap long bisnis ya. Olsem na i gutpela long Gavman i kisim bek dispela sea bilong ol manmeri bilong Papua Niugini husat i gat sea wantaim ICPNG.

Bikos planti ol kopi kampani husat i save baim kopi na salim long ovasis em ol ovasis kampani tasol na i nogat wanpela em PNG kampani.

Praim Minista Sir Mekere Morauta i tok em i klia olsem Angco kampani i bungim hevi long wok bisnis bilong em bikos Angco i bin kisim bikipela

dinau tru long mekim wok bilong em wantaim na olsem em i gat hevi long stretim ol dispela dinau bikos long bikipela reit bilong peim bek dinau.

Sir Mekere i tok ol bikipela kampani olsem i kamap bikos ol i stap long mekim isi long ol manmeri i ken salim kopi bilong ol. Na ol dispela kampani i ken salim i go gen long ol ovasis maket.

Em i tok i gat bikipela hevi o salens i stap insait long wok bilong ol PNG bisnis lain yet i go pas long kamapim kopi baia bisnis bilong baim na salim kopi long ovasis maket. Tasol sapos ol PNG i gat mani na i gat ol saveman wantaim eksperiens tru bilong mekim dispela wok, ol i ken go het na kamapim.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea



Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

Acting General Manager and
Group Editor in Chief:
Anna Solomon.
Acting Advertising Manager:
Jocko Oberleutner
Editor of Wantok:
Yakam Kelo

Papers distributed by air
throughout PNG.
Available by air mail
subscription within
Papua New Guinea
and overseas
Email address:
word@global.net.pg

Advertising deadlines. Display bookings: Tuesday midday. Camera ready copy: Wednesday midday. Classified Advertising: Wednesday 5pm.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.

Ol Bogevil lida i tekov bipo long miting i pinis

LYNNE MINIRU i raitim

BIKPELA miting namel long ol man makim nesanel gavman na Bogenvil i pinis hariap taim ol lain bilong Bogenvil i bin kirap na lusim miting taim miting i no pinis yet.

Minista bilong Bogenvil afes na siaman bilong Nesanel Komiti long Bogenvil, Sir Michael Somare i tok deligesen bilong em i no bin amamas taim ol lida bilong Bogenvil i lusim rum bilong miting na go.

Sir Michael i tok lain bilong en wantaim ol Bogenvil lain i bin toktok na mekim sampela gutpela samting long ol de i go pinis.

Het bilong Yunaitet Nesen obseva

misin long Bogenvil, Noel Sinclair i bin opim dispela miting long fanksen rum bilong Palamen.

"Mi wantaim ol deligesen bilong mi i laik tok klia olsem mipela i laik bai tupela lida bilong Bogenvil deligesen, John Momis wantaim Presiden bilong Bogenvil Pipel Kongres, Joseph Kabui long tupela mas toktok wantaim mipela hariap na mipela bai i no inap westim taim moa," Sir Michael i tok.

Em i tok ol Bogenvil lida i mas kirapim tingting bilong ol pipel bilong Bogenvil long bihainim na no ken brukim Linkon Agrimen we i bin stap na helpim mipela long stretim toktok long bringim pis o bel isi i kam insait long Bogenvil long tripela yia i go pinis nau.

PEA i laik helpim gavman wantaim praivetaisesen

i kam long pes 1

"Olgeta manmeri i laik lukim Gavman bilong yu na ol nara-pela gavman husat bai kam bihain long yu long traim long bung na stretim toktok long ples klia wantaim olgeta stek holda we PEA tu i wanpela bilong ol husat i gat ol saveman bilong kantri we ol tu i save tingting na skelim gut ol bikpela samting i kamap long kantri," Mista Liosi i bin tokim Praim Minista olsem.

Sir Mekere i bekim na i tok em i laik harim ol tingting bilong PEA na tok em i amamas long PEA bai wok wantaim gavman bilong en long stretim rot bilong praivetaisesen.

Sir Mekere i tok planti bilong ol dispela ogenaisesen gavman bai salim bai rausim planti ol wokman we sampela bilong ol i memba bilong PEA.

Tasol em i tok praivetaisesen bai bringim planti ol nupela wok na gutpela rot bilong ol wokman.

"Praivetaisesen Komisn i wok yet long painim gutpela we bilong kantri long kisim helpim na was gut long intres bilong ol pablik," Sir Mekere i tok.

"I tru olsem ol dispela entaprais bilong gavman i nogat mani long ron gut na gavman i nogat mani tu long helpim olsem na ol dispela entaprais bai i no inap long wok gut long givim ol gutpela sevis na prais bai go antap yet olsem na praivetaisesen em long stretim ol dispela ogenaisesen long givim gutpela sevis long ol pipel," em i tok.

Sir Mekere i tok sapos dispela praivetaisesen i no wok stret, em bai stopim.

Em i toktok strong olsem gavman i no laik westim taim long ronim ol bisnis olsem ol beng na balus bilong wanem em i laik givim ol gutpela sevis we ol pipel i nidim stret olsem helt, edukesen, stretim ol rot na bris na mekim isi long ol manmeri long wokim mani bilong ol long helpim ol yet.

Palamen oraitim bil bilong senisim Minerel Risos Stabilaisesen Ekt

DEPUTI Oposisen lida na memba bilong Imbonggu Peter Peipul i laikim bai gavman i putim ol ekstra mani we kantri i kisim long maining na petrolum indastri long wanpela tras fan akaun we bai i seif na nogat paul pasin bai kamap long en.

Planti ol arapela memba tu olsem Maprik memba Sir Peter Lus i bin givim sapot bilong ol long dispela tingting.

Mist Peipul i autim dispela tingting taim Praim Minista Sir Mekere Morauta i bin mekim toktok long rausim lo long Minerel Risos Stabilaisesen Fan Ekt (MRSF) na Amenmen o senis long Pablik Fainens na Menesmen Ekt.

Sir Mekere i tok tingting long

rausim MRSF fan lo em bikos stat long taim ol i kirapim, em i no akrim kaikai na olsem gavman i tingting long rausim na glasim na senisim Pablik Fainens na Menesmen Ekt we i hap long dispela lo.

Em bin tok gavman i laikim bai ol mani long dispela MRSF bihinim senis bai i go long Konsolidetet Revenyu long Waigani pablik Akaun.

Na em i tok gavman bai yusim dispela mani long sapotim anuel baset na ol arapela developmen projek.

Mista Peipul i bin tok i gutpela long putim mani ya insait long wanpela tras akaun na Praim Minista i mas tokaut klia olsem nogat wok paul na pasin bilong bagarapim na yusim mani bai kamap.

Putim ol ritrens pablik sevan long wok long ol provins

PROVINSEL na Lokol Level Gavman i ken yusim save na ol sevis bilong sampela ol ritrens pablik sevan, Kokopo Palamen memba Sir Rabbie Namaliu i tok.

Sir Rabbie i bin wokim dispela toktok taim em i givim sapot bilong em long Bil bilong Resenelaisim o kamapim senis long Pablik Sevis fiansens na ektiviti na katim sais bilong wok manmeri we Palamen i bin tok oraitim long dispela wik.

Pablik Sevis long PNG i gat moa long 600,000 wok manmeri long en. Na long olgeta yia, gavman i save tromoim moa long K700 milien bilong peim ol.

Stat yet long 1995 bihainim singaut bilong Wol Beng long kamapim Strkserel Atjamen Program (SAP), gavman i bin statim wok long pinisim sampela

pablik sevan long olgeta yia. Tasol antap long dispela, hevi i kamap gen long mani i sot long peim ful ritrens o pinis pe bilong ol.

Bikpela sapot i bin kamap long tok oraitim senis o amenmen i kamap long dispela bil.

Wanpela long ol senis we Bil i karamapim em long daunim takis long pinis pe bilong ol pablik sevan bikos nau yet, ol i katim bikpela mak long takis long ol pe.

Na ol ritrens pablik sevan bai i no kisim gutpela mani mak taim bikpela hap mani em ol i katim long taski. Na aninit long dispela nupela bil, ol bai ino inap katim takis long ol pablik sevan we pe bilong ol i stap aninit long K5,000 mak long wanpela yia na 15 pesen long ol dispela i kisim antap long K20,000 long wan-

pela yia.

Sir Rabbie taim em i sapotim Bil ya i tok i gutpela long putim ol sampela ritrens lain i wok long Province na LLLG level bikos ol i nitim ol dispela saveman long skruim wok na long wankain taim tu, trenim ol arapela woklain long dispela level.

Em i tokmi gat ol target posisen olsem long enjiniaring na plening eria na ol arapela eria moa we ol provinsel gavman na LLG i ken kisim gutpela helpim long yusim save na sevis bilong ol dispela ritrens pablik sevan.


Deputi Oposisen lida na memba bilong Imbonggu Peter Peipul taim em i sapotim Bil i tok i moabeta long glasim gut ol samting na givim gutpela ritrens pe long ol opisa we ol i laik pinisim ol.




Erima bris i op...

• Praim Minista Sir Mekere Morauta i katim ribon bilong opim nupela Erima bris. Long raithan em provinsel Afeas Minista laro Lasaro na long lephan em Ekting Siti Menesa Mista Bernard Kipt. Ol manmeri i bin bilas tumbuna na planti arapela i kam long lukim dispela bung. Long Opening, Sir Mekere i promisim ol pipel olsem planti ol projek olsem bris, rot, haus sik na arapela samting kamap insait long siti. Em i tok planti tok man i tok mani i sot tasol mani bilong wokim ol dispela wok i stap. Erima bris i bin pinis na ol i opim long dispela wik Tunde. Pacific Tutts Heavy Lift i bin wokim dispela bris. Kos bilong dispela bris em inap long K3.5 milien. Ekting siti menesa Bernard Kipt i tok i gat planti plen bilong nupela projek olsem insait long siti. Em tok em bai tok aut long ol wik i kam long wanem ol nupela projek bai kamap.





NIUGINI AILAN NIUS



Planti samting i bagarap tasol nogat man i dai long bikpela Rabaul guria

VERONICA HATUTASI i raitim

OL ATORITI i wok long redim ripot bilong ol bagarap samting i kamap bihainim bikpela guria we i bin kamap long Is Nu Briten na tu karamapim Nu Ailan, We Nu Briten na Bogenvil long las wik Fonde Novemba 16.

Ol ripot i kam long Rabaul i tok Provinsel Disasta Komiti long dispela wik i bung logng glasim na skelim ol samting na ol i ken helpim ol pipel we birua ya i kisim ol nogut.

Nogat man i bin dai long tripela bikpela guria we i bin kamap long Is Nu Briten provins long las Fonde apinun.

Namba wan em bikpela tru we mak long bikpela bilong em long Rikta Skel, masin we ol i save skelim hevi bilong guria, i bin kamap olsem 7.1 poin. Namba tu long en we mak long hevi inap long 7 poin na namba tri we hevi inap long 6.8 poin i bin kamap long Sarere moning.

Jiofisikel Obseveteri opis long Mosbi we i save lukautim ol wok bilong ol maunten paia i tok namba wan guria i bin kamap aninit long solwara namel long Rabaul na Namatanai long Nu Ailan long wes bilong provins. Namba tu i bin kamap namel long namel bilong Solomon Si na namba tri long Pomoria.

Ol ripot i kam long Rabaul i tok ol guria i wok long kamap planti stat long las Fonde, Fraide i go long Sarere, Sande na Mande. Stat long Tunde, mak long ol guria i go daun tasol provins i wok long pilim yet ol liklik guria.

Ol ripot i tok Provinsel Disasta Komiti bai kisim ful ripot long ol bagarap na autim ol samting long en long tude o tumora.

Komiti bai givim ol tent o selhaus, ol tauneng na ol rilif kaikai saplai i go long ol Duk ov Yok ailan pipel we hevi i kisim ol nogut. Tasol i kam inap nau, ol ripot i tok 27 haus long Duk ov Yok Ailan i bin go daun long solwara insait long dispela guria.


Planti eria long Is Nu Briten i bin kisim hevi long bikpela solwara,

graun i bruk na sampela rot i pas, sampela haus i pondaun, sampela teng wara i bruk na ol bagarap moa olsem i kamap.

Ripot i kam long Duk ov Yok Ailan i tok planti pipel long dispela ailan i bin stap long kraus haus bilong wan-

pela man i dai na ol ples i no bin gat man long en taim hevi long bikpela guria i kamap.

Ripot i tok taim bikpela guria i kamap, solwara i bin solapi go bikpela inap long 20 mita i go antap.



• Moa long ol Is Nu Briten pipel we maunten paia i bagarapim ol na ol i stap long kea senta. Foto: PHIL CASS.

Guria bagarapim klostu 40 haus long wes kos Bogenvil

PROVINSEL Disasta Komiti long Bogenvil i wok long kisim ripot long ol bagarap bilong bikpela guria we i bin karamapim Is Nu Briten, Nu Ailan na Bogenvil long las Fonde.

Ol ripot i kam long Bogenvil i tok wes kos eria olsem Torokina, Kuraio, Kunua na Sipai i bin kisim bagarap na planti haus i pondaun long solwara. Bikpela solwara i bin kamap na bagarapim ol dispela eria.

Ripot i tok bikpela solwara i bin karim wanpela lek bruk man tasol laki long en sampela yangpela man i bin sevim em.

Long ol ripot, 34 ples haus i bin bagarap na tupela pemanen haus. Long Kuraio, wanpeal haus bilong ol Katolik Sister na foapela arapela haus moa i bin pondaun.

Bikpela solwara i bin karamapim ol arapela liklik ailan long wes kos Buka olsem Sapos, taiof na Petats na bagarapim ol sampela klasrum.

Ol disasta opis lain i kisim yet ripot na ful ripot long en bai kamap tude o tumora.

Long Kunua eria, moa long 400 pipel i nogat haus na ol i wok long painim ples long longwe hap bihain long solwara we bikpela guria i kamapim i bagarapim ol haus bilong ol.

Long Taiof Ailan wanpela klasrum i bin bagarap taim bikpela solwara i karamapim ples i go 10-pela mita long skul graun.

Long Petats Ailan, wara i bin karamapim bikpela eria na planti pipel long hap we birua i kamap long en i lusim ples na go painim hap long stap long en wantaim ol haus lain.

Bikos long komyunikesen hevi, nogat ripot yet i kam long ol arapela liklik ailan bilong Bogenvil olsem Katerets, Motlok, Tasman na Nuguria.

Long wankain taim, Redio Bogenvil i wok long karimaut ol aweanes tok-save long mekim klia long ol pipel long ol naturel disasta o hevi olsem guria, solwara i solap o sunami, graun i bruk na ol arapela hevi moa olsem na wanem samting ol i mas mekim long taim ol dispela birua i kamap.

Provinsel Disasta Komiti long Manus karimaut pablik aweanes long abrusim birua

PROVINSEL Disasta opis long Manus i wok long karimaut wanpela awa aweanes program long provinsel redio stesen Redio Manus bilong tokaut long pablik long wanem samting ol bai mekim sapos hevi olsem guria, bikpela solwara, graun i brul, bikpela win na ren na ol kain samting olsem i kamap.

Kodineta bilong Provinsel Disasta komiti Poruan Sapulai i

tok Manus provins i no bin kisim bagarap long bikpela guria we i kamap long las Fonde na kamapim bagarap long Is na Wes Nu Briten, Nu Ailan na Bogenvil.

Em i tok Manus i save gat haiwara long mun Novemba na dispela i wok long kamap nau bihainim notwes win tasol i no hap long hevi bilong guria.

Tasol em i tok pablik i kisim ol toktok long was gut na dispela wan awa redio aweanes program we em i putim kamap long olgeta Tunde nait long 8 inap long 9 kilok i bilong tok klia long ol man long lukaut long ol waning mak long ol naturel birua i laik kamap na wanem samting ol bai mekim long taim bilong hevi.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA
YIA 52 NIUSPEPA

| PLES | AIR |
|-----------------------|-----------|
| PNG | K 68.00 |
| Ostrelia na Nu Silan | US\$46.00 |
| Esia Pasifik na Japan | US\$55.00 |
| Amerika na Yurop | US\$95.00 |



Bogenvil holim bung long glasim ol wok developmen


BOGENVIL Developmen Samit i bin stat long dispela wik Mande na bai pinis long tumora Fraide.

Bung we i wok long kamap long Hutjena Hai Skul hol i bungim wantaim klostu 200 Bogenvil lida bilong olgeta hap long kantri i kamap wantaim na toktok long ol samting we ol i ken mekim long developim provins i bin stap long hevi moa long 10-pela krismas.


Ripot i tok 20 Bogenvil bikman i kam long Mosbi, seven long Lae na ol arapela long Rabaul, Goroka na klostu 80 bikman long olgeta hap bilong Bogenvil yet.

Sampela long ol ki spika long samit em ol biknem Bogenvil lain olsem Sief Ombusmen Simon Pentanu, Foma Bogenvil primia Leo Hannet, Gavana John Momis na ol arapela moa.

Ol dona ejensi olsem AusAID, Yuropien Yunien, Nu Silan Ovasis Developmen Ejensi na ol arapela we i givim bikpela mani helpim na sapot long stretim bek Bogenvil na kamapim gutpela sindaun i bin stap tu long bung.



SEPIK NIUS



Pipel sutim tok long ol palamen memba brukim provins

SANDAUN provins nau i bruk bikos ol memba bilong Nesenel Palamen i bringim politikel pati pawa gem i go daun long provins. Ripot i tok piksa bilong dispela bruk i kamap long floa bilong Sandaun Asembli long 10 Novemba long taim bilong makim nupela Gavana bilong Sandaun provins.

Chawech Assin bilong Aitape i givim bikipela sapat long toktok bilong tupela LLG Presiden, Martin Negai (Walsa LLG) na Tom Inoha (Green LLG). Husat long tupela i tokim Asembli olsem muv ol Sandaun memba bilong palamen i kisim long brukim ol LLG presiden long taim bilong lobi long makim nupela Gavana bilong provins i soim trupela kala bilong ol memba bilong palamen. Long kam long provins long taim bilong ileksen na kisim pawa. Tasol bihain ol i no save soim pes long provins inap long taim bilong ileksen.

"Wanem toktok tupela LLG presiden ya i toktok long en em trupela toktok, na mipela olgeta pipel bilong Sandaun i sapatim. Mipela i save husat memba bilong Sandaun insait long palamen i trupela lida na i man bilong pipel. Mipela i save husat em i kusai na giaman man. Planti i bagarapim gutnem bilong wanpela na narapela memba. Tasol ol i mekim ol kain tok olsem long mekim ol pipel i kisim gutpela tingting long ol, tasol trupela long en husat memba i mekim

ol kain toktok olsem, em i kusai na giaman lida. Em i mekim dispela tok long mekim pipel i ting olsem en tasol i gutpela lida na ol narapela i nogut," Mista Tasig i tok.

Long dispela taim ol sapota bilong Vanimo Green memba, Micah Wes, i tokim Wantok olsem. Ol i harim planti toktok egensim lida bilong ol long i no givim mani long kirapim ol projek insait long ilektoret bilong em long Vanimo Green. Ol i tok dispela kain tok ol birua i tromoi long bagarapim tasol gutnem bilong memba i no gutpela. Na dispela kain ol toktok inap kirapim tabel.

Samuel Tasig i tokaut olsem i gat planti samting Micah Wes i mekim long bipo taim em i stap long palamen. Bihain em i lusim i go long han bilong narapela memba, tasol dispela memba i no skruim wok Mista Wes i bin kirapim. Ol dispela wok i bin slip inap em i winim ileksen ken.

Mista Assin i tokaut olsem: "Mista Wes i givim K104,800.00, K20,000.00 i go long helpim ol wok kamap na ol disebel husat i stap long Disebel Senta long Waromo, K60,000.00 i go long Redio Sandaun long helpim wok bilong givim aut infomesen sevis i go long Sandaun pipel. Mista Wes tu i givim K4,000.00 i go long helpim ol wok kamap bilong Is Tawa Elementri Skul em lotu Sevende Edventis i ronim na planti narapela ol wok projek.

Aitape holim ai na yau woksop

LYNNE MINIRU i raitim

Sista Elizabeth Cubis bilong Dotes ov Aua Ladi ov da Sekret Hat oda long Goroka i bin holim wanpela woksop trening bilong ol helt wokas long rot bilong luksave na stretim ol hevi bilong ai.

Dispela tu wik woksop i bin kamap long Pater Antonine Senta bilong ol Disebol Pipel long Aitape long Sandaun Provins.

Kalan Sevises bilong Wewak i bin ranim dispela woksop wantaim helpim bilong ol Kristen Brata na Kristen Blain Misin Intanesinol aninit long RESIS program.

RESIS i min olsem Rurol Ai na lau Sevis, Is Sepik.

Sista Elizabeth i tok ol i bin surukim dispela program i go long olgeta hap bilong kantri.

Dispela tu wik woksop i bin toktok long imejensi pes eid bilong ai, glasim ol kainkain hevi bilong ai na luksave long wanem kain hevi i stap long ai na sapos ol i ken kisim opere- sen long ai o nogat.

"Las yia mipela ronim wan wik cos long long Aitape na mi painim olsem dispela wan wik i no bin longpela tumas olsem na dispela em sans bilong ol sem lain husat i bin kam pastaim long kam gen," Sista Elizabeth i tok.

Insait long tupela wiks yu i no inap komyuniketim olgeta samting gut

tasol 90 pe sen bilong ol sikman yu lukim em i inap, em i tok.

Sista Elizabeth i tok moa olsem Kalan Sevises save makim ol lokol manmeri bilong ol liklik helt senta long ol bus ples we bai ol i ken givim ai na iau program long ol.

"Goroka em i ai senta stret bilong ol Kalan Sevises program na Wewak em i iau senta tasol mipela wok long traim long setim ap ol liklik ol ai na iau senta we ol pipel i ken kam sekim ai na iau bilong ol na tu bai mipela i helpim ol sapos ol i gat problem," Sista Elizabeth i tok.

Em tok ol pipel long bus bai inap kisim stret toksave gut long wanem kain ol glas long werim long ai bilong ol.

Em tok nau ol pipel i save baim ol glas bilong ol long bokis na sampela taim i save gat hevi long ai na ol pipel i no save na ol ken go bek na baim strongpela glas bilong ai.

Sista i tok as tingting bilong dispela program em long sekim ol ai bilong ol pipel na redim ol na sapos wanpela ai dokta i kam bai dispela i ken wokim wok bilong en i isi.

"Long dispela taim yet mipela i gat hevi long salim ol sikman i go long Goroka long lukim ol ai dokta long hap na tu ol kos bilong opere- sen i bikipela tumas."

Sista Elizabeth i tok em i bin ranim pinis ol woksop long Vanimo, Kavieng, Rabaul na em i gat plen long go lukim Buka, Madang na Westen Provins long neks yia.

Sekim Aitape Lumi LLG opis Lida i tok

OL Lida bilong Aitape i singautim Sandaun Gavman na Edministresen long hariap na karim aut wanpela investigesen, i go insait long ol fans bilong Aitape Lumi LLG. Na painimaut sapos i gat paul long ol LLG fans o nogat.


Pipel bilong Aitape Lumi LLG eria i gat strongpela tingting long lukim olsem i gat ol wok painimaut i go insait long ol fans bilong Aitape Lumi LLG. Bikos insait long 33 mun LLG bilong Aitape Lumi i bin pasim opis, bihainim ol toktok pait bilong ileksen i stap long kot. Na insait long dispela longpela taim i tru olsem bai planti samting wantaim tu fans bilong Aitape Lumi LLG i ken gat asua long ol.

Lawrance Paul bilong Aitape i tokaut olsem i gat wanpela ripot i toktok long sampela tausien kina bilong Aitape Lumi LLG i paul namel long mun

Ogas na Desemba, 1998.

"Na mi bilip tu olsem Sandaun Edministresen i kisim pinis sampela pepa i kwestenim bilong wanem na 4-pela opisa i ken putim kleim bilong ol na kisim moa long K30,000.00 olsem Travelling alawens bilong ol. I gat strongpela bilip olsem, opis bilong Aitape Lumi LLG i bin pasim opis long dispela taim. Na wanem rot ol dispela opisa i kisim tokorait na yusim LLG mani, mipela pipel i paul tru long dispela", Lawrance Paul i tokaut.

Wanpela gavman opis bilong Sandaun i tokaut olsem Gavman i kisim pinis ol pepa i toktok long dispela hevi bilong Aitape Lumi LLG. Na Sandaun Edministresen i go het pinis long investigetim dispela ripot. Na painim aut sapos rot ol opisa i bihainim long kisim dispela mani i stret o nogat.



Helpim yu yet

• Wokmeri bilong UNDP na ol wok manmeri bilong em i amamas long givim helpim i go long wanpela komyuniti projek long Is Sepik provins.

Robert Sakias i nupela Gavana bilong Sandaun

Gavana bilong Sandaun provins John Tekwie i lusim sia bilong em long kamap Minista bilong Tred na Indastri bihain long Kabinet i mekim sampela senis long las mun. Memba bilong Telefomin Robert Sakias nau i kisim dispela sia olsem Gavana bilong Sandaun.

Long Fonde las wik planti pipel bilong provins i kirap nogut long harim olsem Mista Sakias i winim memba bilong Vanimo Grin Micah Wes long sia bilong Gavana Mista Wes i bin kisim 9-pela vot na Mista Sakias i win long 12-pela vot.

Wanpela opisa long Vanimo i tok olsem Eddie Saweni i bin gat bikipela laik olsem em bai resis long sia bilong Gavana. Laik na tingting bilong Mista Saweni i popaia taim wanpela memba i no makim em long resis. Ating dispela i kamap long wanem Mista Wes i no bin mekim klia

interes o laik bilong em long wanpela bilong ol asembli memba long nominetim em.


Long taim bilong vot, Mista Saweni i no bin bihainim pati lain. Em i bin lusim Mista Wes, poroman bilong em long PNG Edvens Pati na givim vot bilong em long Mista Sakias, memba bilong Pipels Demokretik Muvmen (PDM). Mista Wes i bin kisim 6-pela vot long ilektoret bilong em, 3-pela long Aitape Lumi. Tasol long narapela sait, Mista Sakias i kisim ful sapat long sait bilong Telefomin na Nuku membas.

Planti ol sapota bilong Mista Wes i tokaut olsem ol i no bin amamas tumas long ol wok Mista John Tekwie wokim na soim em yet olsem lidaman. Wanpela opisa long opis bilong Mista Wes i tok olsem Mista Tekwie i bin giamanim Micah Wes. Dispela opisa i tok tu olsem

Wes na Tekwie i bin pasim tok long ai bilong APP lida John Pundari olsem Mista Wes bai lusim Ministri bilong em na givim we long Tekwie i kisim nupela Ministri. Opisa ya i tok, dispela i kamap long interes bilong pati.

Mista Wes husat i gutpela sapota bilong Tekwie, tasol em i no bin save gut olsem John Tekwie bai lus lain long em. Mista Wes i ting tasol olsem Tekwie bai holim yet promis bilong em. Opisa ya i tok olsem olpela CIS Minista i no bin save long wanem Tekwie i bin vot long taim bilong ileksen. Taim Tekwie i no givim vot em i bin brukim tru wanbel bilong Mista Wes.


Wantok i luksave olsem PAP lida i bin mekim sampela toktok na salim Mista Tekwie long go long Vanimo long Tunde na stretim toktok wantaim Wes, tasol dispela i no bin kamap. John Tekwie bin flai long Fonde.



SAUTEN



RIJON



Ol komyuniti i mekim wok bilong helpim ol yet

BRETT PIERCE i raitim

Insait long ol setelmen bilong Mosbi Notis ilektoret ol komyuniti i wok long lukim sampela gupela senis i kamap namel long ol.

World Vision i mekim sampela wok wantaim ol komyuniti long daunim planti bilong ol hevi i wok long stap insait long ol setelmen.

Boy Bersales em Wol Visen Operesen Manesa i tok ol hevi olsem pasin raskol na pasin bilong simukim spak brus na pasin bilong paitim meri em ol sain tasol. I gat as bilong ol dispela kain pasin i stap we yumi mas luksave na stretim.

Wok bilong Wol Visen long helpim dispela Mosbi Notis setelmen i stap long Moitaka, 8-Mile Ridge, Nine Mile, Morata, Makana na Erima. Wantaim helpim bilong Wol Visen ol komyuniti i bin traim

long painim helpim long gupela helt, literesi, edukesen, wara saplai, wok bilong ol meri na wei bilong kisim mani na kirapim lidasip wok.

Wanpela pasto bilong 4 Square sios long Makana, Pasto Jack Salum i bilip olsem ki tru bilong kamapim gupela sindaun insait long eria bilong em I olsem Wol Visen em I laik long go wok wanem hap ol i sindaun long en.

"Pasin bilong Wol Visen i gat bilip long ol komyuniti em i bikpela samting tru. Ol i kam insait long hap we gavman i no bin kam na helpim ol pipel long gras ruts stret. Mi lukim tu kain pasin insait long ol arapela ples we em i hat tumas long wanpela man i go insait," Pasto Jack I tok.

"World Vision i bilip strong olsem bikpela senis i save kamap taim komyuniti i kamap papa long wanem

wok developmen i wok long kamap insait long ples bilong ol."

"Dvelopim komyuniti em I wankain olsem komyuniti ol yet I wokim samting long helpim ol yet", Mista. Bersales bilong Wol Visen I tok olsem.

Wol Visen na ol komyuniti I luk save olsem I no gat isipela rot bilong stretim ol hevi i stap long ol setelmen. Dispela projek we Wol Visen Australia i wok long helpim em bai I stop long dispela yia tasol Wol Visen long Papua Niugini bai I wok yet long painim arapela rot bilong kisim mani bilong go het wantaim dispela ol projek wantaim wanpela wok bilong lukluk long lo na oda problem.

"Olgeta samting mipela I bin mekim em bilong statim wok tasol," Mista. Bersales I tok. "Tasol ating wanpela man I mas statim sampela wok laga."

Makana i wok hat long redim skul fi

Jennifer Sopi i no save yet tasol dispela kakaruk em i soim laip bilong em long bihain.

Planti pikinini olsem Jennifer i no nap long go long skul bikos papamama bilong ol i no nap long peim skul fi bilong ol. Mama biling Jennifer is save tingting planti long laip bilong pikinini bilong

em long bihain. Planti pikinini long Makana bai bihainim pasin bikhet sapos ol i nogat samting long mekim. Em I bikpela hevi tasol ol papamama bai mekim wanem taim ol i nogat mani.

Ol papamama insait long dispela Mosbi Notis eria nau I wok long mekim samting long helpim ol

yet. Wantaim helpim bilong World Vision ol I stat long lukautim ol kakaruk bilong salim na kisim mani bilong helpim sku fi long yia bihain. Tasol Jennifer i no wari long dispela. Long nau em Jennifer i amamas tasol long lukim ol dispela naispela ol pikinini kakaruk.

8 Mail setelmen kisim wara saplai wantaim helpim bilong Wol Visen

8-Mail Rij em i wanpela eria we sindaun bilong ol lain insait i wok long kamap gut. Ol famili nau i no nap go longwe long painim wara. Ol i kisim wara saplai klostu tasol long haus bikos Wol Visen i bin helpim ol long bringim wara i kam klostu.

Pastaim i no bin gat skul insait long dispela eria. Ol pikinini i mas wakabaut go longwe tru long go long skul. Em i kain olsem ol man ausait i lus tingting pinis long dispela ples. Sampela taim i go pinis nau sindaun bilong ol lain long eit mail setelmen i wok long kamap gut. Ol dispela lain i luksave olsem wara em i wan-

pela bikpela smaitng ol i nidim olsem na wantaim helpim bilong Wol Visen i bringim wara samplai in go long eria bilong ol. Ol komyuniti yet i mekim wok long putim ol paip na tep.

Nau I gat wara saplai na dispela komyuniti i redi tasol long wokim wanpela gupela haus bilong ol elementeri skul insait long eria bilong ol. Wol Visen i helpim ol long peim olgeta material bilong wokim haus skul. Long dispela taim yet ol pikinini i save skul aninit long wanpela sel tasol klostu nau bai ol i gat wanpela gupela haus.

Planti famili bungim hevi long baim marasin

Tupela taim insait long yia i go pinis Herson Kimbe husat i gat 10-pela krismas tasol i bin kisim bikpela sik. Nambawan taim em i bin kisim bikpela sik malaria. Nau i no longtaim i go pinis em i go long skul long wanpela Tunde na i em i no pilim gut insait long bel bilong en na em i go bek long haus. Tasol dispela sik i no lusim em na i go bikpela olgeta del. Long Sarere ol papa mama bilong em i kisim em i go long hausik. Ol dokta i lukim olsem em i gat sampela kain sik na numonia wantaim.

Planti famili i save gat bikpela hevi long taim bilong baim marasin. Gupela marasin i kosim bikpela mani na taim pikini-

ni i kisim bikpela sik em ol i save gat bikpela wari.

Bai ol i mekim wanem sapos ol i no nap long peim marasin? Hereso i bin stap long sponsasip program bilong Wol Visen olsem na dispela tupela taim em i bin inap long kisim helpim. Dispela helpim i bin mekim papa na mama bilong em i amamas tru.

"Wol Visen i bin helpim mipela gut long taim mipela i no bin gat wok," John i tok. Tasol Wol Visen i ting olsem i gat planti bikpela nid moa i stap long dispela hap. Ol nid olsem gupela wara saplai na save blong gupela helt, na pasin bilong stap klin na helti.

Wanpela wokman bilong Wol Visen James Wapa em i tok olsem. "Sampela bilong hevi bilong helt i stap insait long komyuniti bem olsem insiat long Erima Setelmen taim i nogat wara, ol pikinini i save waswas na pilai insait long ol doti wara long ol baret. Ol dispela wara i no kam long ol wara tep nogat. Dispela em ol wara i kam long ol toilet na ol doti bilong o haus long Mosbi siti."

Mr Wapa i bilip olsim dispela kain ol bikpela hevi bai kam daun sapos yumi skulim moa yet ol pipel long pasin bilong stapim ol sik na givim ol helt edukesen. Dispela bai daunim tru ol bikpela hevi long sait bilong helt program insait long eria.

Ol papa mama i helpim Moitaka Praimeri skul

Betty Ari em i wanpela meri insait long 8-Mile setelmen. Betty i gat tripela pikinini na ol i save kalap long tripela bas i go long ol skul insait long siti. Olsem na Betty i gat wok bilong baim skul yunifom, ol skul fi na tu em i mas painim bas fi bilong kisim ol i go long skul olgeta de.

Man bilong em i save wok sampela taim olsem plama tasol mani em i kisim i no inap long helpim ol wantaim olgeta nid bilong ol. Olsem na Betty i mas wok long gaden olgeta de na salim kumu bilong kisim mani bilong helpim ol pikinini bilong en.

"Mipela save ting olsem gavman bai helpim mipela insait long ol setelmen bilong mipela tasol nogat," Betty i tok olsem.

Taim Wol Visen i helpim komyuniti long kamapim Moitaka Praimeri skul insait yet long 8-Mile Betty wantaim man bilong em na ol

arapela memba bilong komyuniti i bin amamas tru long helpim ol wok long skul. Ol i givim han long katim gras na kilinim ples bilong sanapim skul. Man bilong em i helpim long ol toilet na wara samting.

"Taim i gat nid long digim ol toilet o wokim gaden long skul mipela i sambai tasol long helpim," Betty I tok.

Moitaka skul nau i gat 500 sumatin na ol i rejistaim pinis wantaim Edukesen Dipatmen. Wol Visen bai donetim olgeta skul haus i go long Edukesen Dipatmen. Planti ol fida elementeri skul olsem Ela Makana, 8-Mail Rij na 8-Mail Luteran no laik bung wantaim long kisim registresen long go het wantaim ol dispela skul.

Taim dispela skul i stap klostu Betty i gat bikpela belisi tru olsem las pikinini boi bilong em Rata bai inap long go skul klostu.

Krismas FOODWORLD Spesols!

| | | |
|--|---|--|
| <ul style="list-style-type: none"> Zenag Kaikai 900gr K3.98 Beef Sausages K4.95 kg Maggi Noodles 85gr K0.50t Rosella Tomato Sauce 300ml K2.32 Globe Comed Beef Taper 340gr K2.59 Zenag Eggs per doz 55gr K2.78 | <h2 style="font-size: 1.5em;">Supa Spesol Prais!</h2> | <ul style="list-style-type: none"> Gravox Asst. 200gr K2.09 Wopa Biscuit 125gr K0.50 Roots Rice 1kg K1.55 Tartan Loose Soap 75gr K0.30 Suncrush Cordial 750ml K1.98 King Cooking Oil 250ml K0.99 |
|--|---|--|

Selebretim Krismas long Boroko Foodworld Supa Krismas Spesol!

Planti moa kaikai prais i go daun long en!
 Ph: 325 7566, 325 0863 Fax: 325 7096

EXTENDED TRADING HOURS
 Monday to Wednesday - 8.00am to 7.30pm
 Thursday / Friday - 8.00am to 8.00pm
 Saturday / Sunday - 8.00am to



HAILANS



NIUS



Giregire kisim 2000 betde medol bilong kwin

BRADLEY NAVI i raitim

Moa long 60 manmeri i kisim 2000 Betde Awod bilong Kwin long Gavman Haus long Mosbi long 16 Novemba. Insait long seremoni Gavana Jenerel, Sir Silas Atopare i bin makim Kwin na givim dispela ol awod o medol. Ol dispela lain i kisim ol awod long kainkain sevis ol bin givim olsem long komyuniti, helt, edukesen, politiks, sios na ol arapela.

Wantaim ol dispela lain husat i kisim awod em Sinake Giregire. Aninit long Most Excellence Order bilong Britis Empaiya, Mista Sinake Girigirei bin kisim awod C.B.E M.B.E. Dispela awad i makim memba (M.B.E) na komanda (C.B.E) bilong sivel divisin bilong Britis Empaiya. Mista Giregire i kisim dispela awad long sevis em i bin givim long komyuniti.

Mama i karim Mista Giregire long Gimiseve, Asaro, Istan Halans provins long 1938. Giregire i marit wantaim 5-pela pikinini, tupela man na 3-pela meri. Em i bin skul long Asaroka Luteran skul na Dregahaffen Luteran skul. Sik i bin bungim Giregire na edukesen bilong em pinis long stendet 8 long 1950's. Dispela skul na save bilong em long standet 8 i bringim planti senis long laip bilong em long ol pipel bilong em long Isten Hailans na Papua Niugini.

Yumi ken kaunim planti wok na sevis Mista Giregire i givim long ikonimik, politiks na sosel developmen bilong kantri bilong yumi, Papua Niugini. Insait long planti ol buk bilong PNG Politiks, Bisnis developmen na Histori, yumi ken painim nem Sinake Giregire.

Long wok bisnis na ikonimiks, Mista Giregire i bin mekim planti samting. Mista Giregire i namba wan lokol man long wokim bikpela kopi plentesen na ronim komesel gaden faming long Goroka veli. Long 1962, em i bin kirapim Hailans Komoditi Eksens Ltd wantaim Jon Wells. Em i wanpela bilong ol namba wan lain man long PNG long kamapim wanpela kampani, Yanowa Plentesen Pty Ltd aninit long Kampani Ekt bilong 1961. Em i wanpela bilong ol nama-ba wan PNG man husat i kamap eksekutiv bilong hailans famas we planti bilong ol fama ol waitman; em i bin wanpela bilong ol namba wan lain go long Australia na Japan long paitim toktok long stretim prais bilong kopi. Giregire i namba wan hailans long toktok pait long ikonimik divel-

opmen bilong rurel populesin.

Mista Sinake Giregire i bin mekim planti wok politiks long helpim ol pipel na kantri. Long 1959, Mista Giregire i bin namba wan Presiden bilong Asaro Watabung Lokal Gavman kaunsel. Long 1964 em i bin kamap memba bilong Goroka. Long namba wan Haus bilong Asembli em i bin anda seketeri bilong Seketeri long Edministrativ Sevis; em i bin memba bilong Selek Komiti long Politikal edvensmen; em i bin mekim planti trip insait long kantri na mekim ripot long politikal edvensmen. Long 1968 ileksen, Mista Giregire i winim Daulo open sit na i kamap ministeriel memba bilong Post na Telegrafs. Long 1969, Giregire i bin fomim Kompas Pati long Minj na kamap Vais Siaman bilong Pati nau ol i kolim Yunaitet Pati. Long 1972 ileksen em i bin kamap namba tu pati lida bilong Yunaitet Pati. Long 1974, Mista Giregire i bin kamapim nupela politikal pati long divelopim na kamapim wok bisnis na ikonimik bilong rurel populesin. Em i kolim dispela pati Kantri Pati bilong PNG. Em yet i bin lida wantaim 16 arapela memba. Long 1977 ileksen, Mista Giregire i bin givim ful taim long ol ausait wok na bihain em i lusim sia bilong em olsem memba.

Mista Giregire i amamas tru na tok tenkyu long dispela luksave bilong Kwin long ol hat wok na sevis em i bin givim long komyuniti. Em i tok olsem mi inap long kisim dispela awod long 20 yia i go pinis tasol em i orait Papua Niugini i go bek long histori long bringim kamap ol hat wok na samting we mipela i ken luksave na amamas. Mi pinis long politiks tasol mi save putim was gut long ron bilong kantri long olgeta de. Long taim mi go raun long planti hap bilong kantri na lukim sampela infrastraksa na etablimen (sevis na ol wok) i bagarap mi save filim sori. Gavman i no givim helpim long stretim ol dispela samting.

Mista Giregire i bilip long wok Agrikalsa. Em i tok olsem agrikalsa i ki bilong divelopim Papua Niugini na wanpela ansa bilong helpim planti bilong ol rurel populesin. Papua Niugini mas divelopim ol graun bilong en na planim planti kes krops long strongim maket bilong en. Em i tok tu olsem yumi ken yusim tred agrimen na liberalaisesin polisi long salim ol lokal prodius bilong yumi go ovasis. Papua Niugini bai i gat gutpela indastri na kamapim planti ol arapela prodak long wok agrikalsa.

Maibawa lusim PPP na joinim Pangu

MEMBA bilong Okapa Castan Maibawa i lusim Pipels Progres Pati (PPP) na kalap joinim Pangu Pati long dispela wik.

Mista Maibawa em wanpela olpela memba bilong Palamen na i bin holim wok Minista long olpela Gavman bipo na em i wanpela eksperiens na sinia politiks man insait long kantri.

Mista Maibawa i tok em i mekim dispela disisen long go joinim Pangu Pati bikos long las mun taim PPP i bin kamapim sampela kain salens long Palamen, pati i no bin sanap strong moa. Tasol long 1997 i kam tu, pati i bin guria guria tu taim olpela Praim Minista Sir Julius Chan i bin lus long ileksen na lusim PPP, em i tok.

Mista Maibawa i tok em i gat gutpela wok bung na poroman wantaim Pangu Pati long bipo i kam olsem na em i mekim dispela disisen long go joinim Pangu Pati. Pangu em i olsem wanpela olpela pati long kantri na mi no painim wanpela samting i nupela o i hat long join wantaim Pangu, em i tok.

Lida bilong Pangu Pati Chris Haiveta i tok pati i

amamas na welkamim Mista Maibawa long kam joinim ol.

Pangu i amamas bikos Mista Maibawa em olpela memba na sinia stetmen na Minista long olpela Gavman taim Pangu i bin holim Deputi Praim Minista long olpela Gavman bilong Sir Julius Chan.

Mista Haiveta i tok Pangu i no inap pulim o grisim ol memba long givim ol wanpela wok Ministri o samting olsem. Bikos Pangu em junia grup insait long Gavman bilong Mekere tude. Tasol sapos Praim Minista yet i gat luksave na wanbel bilong em long ol lida, em yet i ken givim luksave long ol.

Deputi lida bilong Pangu Samson Napo tu i mekim welkam long memba bilong Okapa na i tok ol i amamas long bung wantaim na wok klostu wantaim insait long Pangu pati.

Pangu i gat 10-pela memba long haus palamen. Ol memba em, Sir Rabbie Namaliu, Ian Ling Stuckey, Samson Napo, Daniel Kapi, Castan Maibawa, Sir Pita Lus, Chris Haiveta, Ridler Kimave, Sir Tom Koraea na Peter Arul.

Agiwa na Tomiape askim Agiru long noken sutim tok

TUPELA memba bilong Sauten Hailans provins, Herowa Agiwa memba bilong Koroba Leik Kopiago na Minista bilong Envaromen na Konsevesen wantaim Tom Tomiape memba bilong Tari Pori i tokaut olsem Gavana bilong Sauten Hailans Anderson Agiru yet i as bilong ol trabel na asua namel long ol Nipa na Huli pipel.

Em i mas sutim tok long em yet na i no ol arapela lain, tupela lida ya i tok.

Tupela lida ya i tok ol i kros tru na egensim tru ol raskol pasin olsem stil, bagarapim ol meri na hensapim ol ka na manmeri bilong Huli long Nipa Rot.


Tasol dispela i no wanpela samting tupela i sapatim o pusim bel bilong ol raskol lain long mekim.

Ol hevi na trabel we i kamap long provins i sut long risal bilong ileksen namel long Mista Agiru na olpela Gavana leit Dick Mune, tupela lida ya i tok.

Tupela i tok Mista Agiru yet i bin laik kamapim bung bilong stretim wanbel na bung wantaim leit Dick Mune taim em i bin stap laip yet.

Tasol em i no bin laik stretim dispela birua na kamapim wanbel namel long tupela, Mista Agiwa na Tomiape i tokaut.

Tupela lida ya i tok olsem moa hevi i kamap bihain taim Dick Mune i dai na ol lida bilong




• Mista Agiwa.

Sauten Hailans i bin sanap wantaim long traim stretim dispela samting.

Tasol Gavana Agiru i no laik bung wantaim ol na toktok wantaim ol bai ol i ken kamapim wantaim sampela gutpela rot bilong daunim hevi bilong provins.

Tupela palamen lida ya i tok planti Tari Pori pipel na Leik Kopiago pipel i kisim planti hevi tru na sampela i lusim laip bilong ol. Tasol Gavana i no mekim wanpela samting long daunim ol dispela trabel na birua we i wok long kamap. Em i wok long stap hait tasol isi long biksiti bilong Mosbi na kontrolim Sauten Hailans provins long masin (rimot kontrol).

Tupela lida ya i tok dispela masin o rimot kontrol em Nesenei Gavman i rausim pinis



• Mista Tomiape.

long em tasol em i stap yet Gavana olsem na em inap long daunim em yet nau na kam bung wantaim ol long stretim ol hevi na bagarap we i stap pinis long provins.

Taim i no sot yet. Mipela i askim brata Gavana bilong mipela long stopim dispela kain pasin bilong ol manki long sutim tok long mipela na traim karim hevi bilong em stret, Mista Agiwa na Mista Tomiape i tok.

Mista Tomiape i laik autim dispela toktok long Palamen haus long dispela wik tasol Spika Bernard Narokobi i tokim em olsem dispela em wari bilong

Mista Tomiape wantaim Gavana Anderson Agiru na ol Sauten Hailans lida long stretim ausait long sindaun bilong ol yet. Na i no long floa bilong Palamen.

always hit the spot!

Arrow Beef



MADANG NUIS



Gubag askim long daunim skul fi

MEMBA bilong Sumkar Mathew Gubag i bin askim Edukesen Minista Dokta John Waiko sapos Edukesen Dipatmen i ken daunim skul fi long neks yia long ol skul pikinini we ol i save kisim strong long kopra bisnis.

Mista Gubag i mekim dispela askim bikos planti lain bilong em long Sumkar open i save wok kopra. Tasol long las mun i kam, sek mani bilong ol i no bin wok bikos taim ol i go long beng, beng i tok i nogat mani. Sek i bauns bek.

Mista Gubag i tok dispela bai givim bikipela hevi tru long ol papamama husat i save kisim strong long kopra long baim skul fi bilong ol pikinini bilong ol.

Tasol Edukesen Minista Dokta John Waiko i tok i nogat wanpela rot em inap kamapim long mekim gut long sampela pikinini na abrusim sampela.

Dokta Waiko i tok long save bilong em, bai skul fi bilong olgeta level bilong skul long neks yia bai i go antap na i no inap wankain olsem skul fi mak bilong dispela yia.

Mista Gubag i mekim dispela singaut i bihainim hevi ol kopra groa i wok long bungim long Madang provins, Finsafen long Morobe, Buka na Rabaul long Niugini Ailan provins we sek bilong ol i no wok long beng. Dispela i min olsem Kopra Marketing Bod (CMB) i nogat mani long beng we inap oraitim ol dispela sek long kisim mani stret.

Wama laikim Gavman sapot long CODE skul

MEMBA bilong Madang Jacob Wama i askim gavman long sapotim na strongim skul bilong Koles ov Distens Edukesen (CODE) long neks yia. Long bekim bilong em Edukesen Minista i tok baset bilong edukesen long neks yia bai sut moa long ol skul we i save kisim ol sumatin husat i feil long gret 6 na 10 olsem ol vokesenel skul, Koles ov Distent Edukesen na arapela trening skul.

Edukesen Minista Dokta John Waiko i tokaut olsem dispela taim nau i gat planti sumatin husat i wok long kisim namba tu sans long surukim save na skul bilong ol i go moa long ol kain trening skul olsem. Olsem na

Gavman i luksave long dispela na i laik sapotim dispela rot we ol studen i wok long surukim ol yet wantaim narapela sans gen long ol trening skul bihain long ol bin feil long gret 6, gret 8 na gret 10.

Dokta Waiko i tok bai ol trening skul olsem Koles ov Distent Edukesen tu bai surukim skul mak bilong ol i go moa long gret 11 na 12. Bikos long nau yet ol i wok long mekim tasol gret 7 i go long gret 10 kos. Long gret 11 na 12 kos tu, bai ol i traim long skulim save bilong kompyuta i go tu long ol sumatin.

Dokta Waiko i tok dispela senis bai i kamap wantaim tu ol sapot na helpim bilong Gavman wantaim ol skul saplai na ol

samting bilong ol dispela kain trening skul i ken yusim long surukim save bilong ol studen i go moa.

Dokta Waiko i mekim dispela toktok long bekim askim bilong memba bilong Madang Jacob Wama long wanem as na Gavman i no givim gutpela helpim long ol trening skul olsem Koles ov Distent Edukesen insait long kantri.

Mista Wama i tok tu olsem insait long het opis bilong dispela koles, i gat bikipela wantok sistem pasin i stap na i givim hevi long planti yangpela long go kisim gut trening long surukim save na edukesen bilong ol i go moa.



I gat taim bilong belhevi na amamas wantaim

• (Antap) Open memba bilong Madang Jacob Wama i opim Dogia dabol klasrum long Madang las mun. Planti manmeri i bin amamas na kamap long lukim. (Daunbilo) Ol kristen manmeri bilong Bunabum Kongrigesen long Madang i tok gutbai long bodi bilong brata Ludwig Ambuk.

Praim Minista i sainim Ramu Nikel agrimen

LAS saining bilong ol wanbel pepa long Ramu Nikel maining long Palamen haus las wik Fraide i bungim sampela bikipela salens tru taim memba bilong Madang Jacob Wama i pretim ol lain long em bai lusim bung na go ausait.

Mista Wama i holim bek wok bilong sainim agrimen pepa taim em i askim long inap em i lukim dispela agrimen pepa pastaim. Sapos nogat bai em i no inap putim signesa bilong em antap long dispela agrimen pepa.

Ekting Madang Gavana Pengau Nengo i tok dispela projek i kamap pinis long mak we i noken gat moa samting bilong holim projek i go bek gen.

Mista Nengo i tok hevi namel long ol kaunsil na provinsal gavman i orait pinis na olgeta i kamap nau long sainim agrimen pepa wantaim nesenel gavman. Em i no amamas tru long ol nesenel lida sapos ol bai blokim rot bilong ol kaunsil presiden long stap insait long dispela bung na autim toktok na tingting bilong ol tu. Em i tok long lusim bung na go ausait na i no inap sainim agrimen pepa.

Sir Michael Somare i bin Maining

Minista dispela taim na i tok sapos husat lida o memba i no amamas long dispela agrimen pepa, ol i ken lusim opis na go ausait bikos em i no inap westim taim.

Em i laikim dispela projek i mas go het nau na i no ken westim wanpela taim moa.

Siaman bilong Kurumbukari Lenonas Asosiesen David Tigavu i bel kros tu long eksen we Mista Wama i mekim na i holim bek ol tokto na wok bilong sainim pepa. Em i tok ol pipel i laikim tru bai Praim Minista i mas sainim dispela pepa. Mista Tigavu i tok dispela em wanpela bikipela samting tru.

Tasol memba bilong Madang Jacob Wama i tok em bai i no inap sainim dispela pepa na em i opim dua na go ausait taim Praim Minista Sir Mekere Morauta i wokabaut i kam insait long bung.

Sir Mekere i tok sainim bilong pepa namel long ol wanwan grup olsem papagraun, provinsal na, lokol gavman na nesenel gavman i makim agrimen we olgeta lain i pasim wantaim na i laik sanap strong wantaim long mekim dispela wanbel i wok tru.



PNG TEACHERS SAVINGS AND LOAN SOCIETY LTD.

TOKSAVE I GO LONG OLGETA FAINENSEL MEMBA

Olgeta fainensel memba i mas kisim dispela toksave olsem, long 31 Oktoba, 2000 ol dispela samting bai i kamap.

- (i) **Ol bikipela lon aplikesen bai i pas (olgeta wok)**
Olgeta bikipela lon aplikesen i pas long taim bisnis i pas long 31 Oktoba, 2000. Dispela em long oraitim ol arapela lon.
- (ii) **Oraitim ol skul fi aplikesen**
Long dispela de tu, ol skul fi aplikesen em i orait. Tasol em i bikipela samting long olgeta skul fi lon aplikesen i **MAS** gat ol pepa bilong sapotim ol skul fi aplikesen. Bai ol i skelim aplike sen bilong famili bilong yu stret pastaim. Skul fi peimen bai i go stret long nem bilong skul.
- (iii) **Mak bilong ol arapela lon - K300.00**
Mipela bai go het yet long oraitim ol arapela askim long lon we mak bilong ol bai istap long K300.00. Tasol ol fainensel memba i mas tingim gut long wanem kain lon ol i askim nau inap givim hevi long skul fi lon yu inap askim long Desemba na Januari 2001. Tingim, skul fi lon i mas go pastaim long ol arapela askim bilong yu.

Plis lukim dispela toksave na bihainim gut.

IVAN KEROWA

Siaman - National Loans Committee

Lae Nius

Noken bagarapim ol kampani long provins, Masani i tok

Memba bilong Huon Galp na Minista bilong Agrikalsa bipo Tukape Masani i tok strong long ol lida bilong Morobe long noken bagarapim nating ol kampani tasol ol i mas traim na wok bung wantaim ol.

Mista Masani i bin mekim dispela toktok long Provinsal Asembli miting tupela wik i go pinis.

Toktok bilong em i bin kamap long bekim toktok bilong Gavana bilong Morobe Luther Wenge husat i bin tok strong olsem sampela kampani i no wok strong long lukluk long helpim ol manmeri long ples long planim na kamapim wok bilong rais insait long provins.

Mista Masani i tok dispela kain toktok i no gutpela na Gavman i mas wok klostu wantaim ol dispela kampani long kirapim wok bilong rais insait long Morobe long wanem ol dispela lain i gat bikpela save long

dispela wok na tu ol bin putim pinis bikpela mani i go insait long wok bilong Agrikalsa long kantri.

Em i tok i luk olsem gavman bilong Morobe i no tingting strong tumas long rot bilong kirapim rais projek insait lokng provins olsem na ol i no bin wokim sampela wok long baim masin na wok wantaim ol lain husat i bin laik kam kamapim wok bilong rais long Makam Veli na Morobe provins olgeta.

Kampani bilong Tailan i bin laik bai Gavman i baim masin orait ol bai i kam wok tasol dispela i no kamap yet.

Gavana Luther Wenge i bin tok strong tu long dispela kibung olsem wok bilong planim rais we i save kamap long drai graun i mas kamap bikpela long provins na i gat plen pinis bilong kirapim mil o fektori bilong mekim rais bilong yumi yet.

Morobe i gat plen long planim rais

ELLEN VAVITAN TIAMU i raitim

MEMBA bilong Finsafen Alfred Pogo i mekim wanpela singaut i go long Gavana bilong Morobe provins Luther Wenge long lukluk long wok bilong planim rais na biknem agrikalsa wok insait long Morobe provins.

Em i bin mekim dispela toktok long bung bilong Tutumang o Provinsal Asembli tupela wik i go pinis long Lae.

Mista Pogo i askim Gavana

long wanem samting nau i wok long kamap long wok bilong kamapim rais olsem wanpela kes krop (salim na kisim mani) bihain long em i bin go lukluk raun long Tailan samting olsem tupela krismas i go pinis.

Dispela taim wanpela kampani bilong kantri long Esia long Tailan i bin laik tru long kam kirapim wanpela fektori bilong wokim rais long Lae na tu i laik helpim ol fama long provins long planim rais.

Mista Pogo i tok olsem Gavman nau i save tromoi klostu

long K600 milien long wanwan yia long baim rais i kam long Australia. Olsem na insait long kantri yet mipela i mas lukluk nau long planim na kamapim rais long fektori bilong mipela yet.

Long bekim toktok bilong memba bilong Finsafen Alfred Pogo, Gavana bilong Morobe Luther Wenge i tok wok bilong agrikalsa inap kamapim strong long kantri taim ol gol na kopa i pinis na em i tok Morobe i gat plen long wok bilong rais.

Plantu hap bilong Morobe provins i planim rais pinis.

Ol Derim pipel amamas long nupela haus lotu

OL pipel bilong Derim Sevis Senta na ol ples klotu long Deyamos Lokol Gavman Kaunsil eria long kabwum distrik, Morobe provins i gat nupela haus lotu. Dispela em namba wan strongpela haus lotu ol i gat. Derim Sevis Senta i bin kamap long 1980 taim Morobe Provinsal Gavman i kamapim bilong lukautim ol wok bilong gavman sevis i go long ol pipel long ples.

Long 1986 olpela Praim Minista Sir Julius Chan i bin go raun long Derim long opim Ombo Top Ap Praimeri Skul na i bin givim K5000 long ol pipel i wokim haus lotu long stesin. Dispela i bihainim askim bilong Kabwum memba Ginson Saonu i go long Sir Julius Chan long dispela taim.

Long Novemba 1999, memba Mista Saonu i givim narapela K5000 gen na ol manmeri i wok strong long mekim dispela haus lotu i kamap gut na strong na pinisim olgeta wok bilong haus lotu ya. Long Oktoba 29, 2000, ol pipel i opim dispela stesin haus lotu.

Memba bilong Kabwum Ginson Saonu i tokim ol pipel long dispela taim bilong opim haus lotu olsem, olgeta manmeri i gat bodi we spirit na laip bilong graun i stap wantaim long mekim man i kamap olsem wanpela bodi. Olsem na long strongpela bilip bilong mi olsem lida, olgeta pipel i mas gat gutpela haus lotu insait long ilektoret bilong ol wanwan long strongim wok bilong spirit insait long bodi bilong wanwan manmeri. Mipela i gat ol samting na ol wok i stap pinis long lukautim na strongim bodi bilong mipela long ol wok bilong bodi. Olsem na mipela i mas



• Olgeta lida bilong sios wantaim ol manmeri long ples na ol bikman bilong Derim i sanap wantaim memba Ginson Saonu long fran bilong nupela haus lotu bilong ol.

gat samting i stap long sevim wok bilong spirit long bodi na dispela haus lotu em wanpela bilong dispela rot, Mista Saonu i tokim ol pipel.

Mista Saonu i tokaut olsem olgeta lida, pablik sevans na ol pipel long olgeta level i mas gat dispela rot bilong wok bilong spirit i ken wok i go insait long ol pipel.

Mipela i save toktok long balens developmen. Mipela i gat skul, helt senta, ples balus, rot, wara saplai, maket na ol stua. Dispela em ol helpim bilong bodi. Tasol dispela haus lotu i bin helpim mipela long save long wok bilong mipela long gutpela kristen laip na sindaun we mipela i ken painim gutpela amamas na bel isi long en, Mista

Saonu i tok.


Pastor Jonathan Kua bilong Martin Luther Seminary long Lae i makim opis bilokng Bisop bilokng ELC-PNG i blesim dispela haus lotu. Memba Mista Saonu i katim rop long opim dispela haus lotu.

Moa long 1000 manmeri bilong Timbe Seket i bin kamap long

lukim dispela opim bilong bikpela haus lotu ya.

Lida bilong sios, Tengkeo Ou i makim ol pipel bilong Derim na tok amamas i go long Gavman na memba bilong Kabwum na Distrik Edministreta lokng wok klostu na sapot wantaim long pinisim dispela haus lotu na i kamap long dispela bikpela de.

trukai. RICE



SAPOS NAMBA BILONG YU ISTAP LONG HIA. YU WINIM K200

| | | | |
|-----------|-----------|-----------|-----------|
| B00838495 | C01003265 | B00737862 | F00261648 |
| C00437895 | D00662826 | F00129816 | |
| A00921655 | A00592098 | E00741183 | |

LONG KISIM PRAIS BILONG YU. GO LONG TRUKAI DISTRIBUTION CENTRE.

Yunaitet Sios strongim edukesen, helt na yut

YUNAITET Sios bilong Papua Nugini i bin holim Jeneral Asembli bilong en long Mosbi long dispela mun insait long tupela wik.

Insait long dispela Asembli i bin gat 8-pela rijinel bishop, ol bos bilong ol sampela institusen bilong ol olsem long Rarongo Tiologikal Colis, Gaulim Tisas Colis na ol arapela moa i stap.

Demas Tonggogo em Jeneral Seketeri husat wok bilong em bai pinis long dispela mun, long opening serimoni i bin tokim Jeneral Asembli olsem Yunaitet Sios i no givim inap mani long baset bilong edukesen long ol yia i go pinis. Dispela i no bin helpim tumas ol edukesinel institusen, ol yanpela na ol lida manmeri long kisim gutpela save long skul. Em i mekim dispela toktok long wanem Sios mas lukluk long dispela long bung bilong en long mekim baset bilong yia, 2001.

Em i tok strong olsem ol pikinini i futjsa bilong sios na ol edukesinel institusen mas kisim gutpela sapot long sait bilong fainens long skulim ol gut. Sapos i gat inap fainens, dispela bai helpim ol skul ong stretim ol samting bilong ol na long kamapim gutpela ples bilong stadi. Ol hai skul long Redscar long Central, George Brown long Is Niu Briten, na Wesley long Salamaua i sampela bilong ol dispela skul i pulap long ol pikinini bilong yumi, tasol i no bin gat gutpela baset long lukautim dispela ol skul, Mista Tonggogo i tok.

Long sapotim toktok bilong Mista Tonggogo, Pasta Geita Nigani bilong Kaugere Yunaitet Sios i tok olsem nau em i taim we yumi mas givim bikpela sapot long ministri bilong yut na ol pikinini. Gutpela funding em i tok, bai helpim ol long wokim ol gutpela program long kamapim gutpela lida insait long sios. Planti ol yut na pikinini i ranawe long sios long wanem i no gat gutpela fun long wokim ol gutpela program long helpim ol. Sapos Sios i no givim gutpela luksave dispela samting bai go het. Westen Yut Kodinata, Rev. Isaac Seda i bin tok olsem planti ol yut i wok long lusim sios long wanem ol lida i no luksave na helpim ol long ol nid bilong ol. Ol Yut kodinata bilong ol 8-plea risin i bin kamap long dispela Asembli long harim na luksave long sampela samting Asembli i toktok long ministri bilong yut.

Yunaitet Sios i bin transferim Nesenel Yut Opis bilong en i go long Misin na Lidasip trening senta long Timal, Rabaul long wanem ol bin sot long mani. Reveren Rau Vetali, Ekting Kodinata bilong Yut i strongim dispela tok olsem nau em i wok namel long Rabaul na Mosbi olsem tisa. Long dispela 17th General Asembli, ol i toktok sapos ol inap long bringim bek dispela Opis kam long Mosbi. Rev. Bishop Laka Renagi (Is Papua meinlan risin) i tok ol no ken brigim bek opis long wanem dispela bai kositim planti mani moa. Em i tok ol risin i ken givim finensel helpim long wanpela na narapela long opis i ken go het long wok bilong en.

Rev. Bishop Hasu Lokoloko i tokaut long Asembli olsem sios politik na pesinel interes bilong manmeri i wok long bagarapim strong bilong finens long Yunaitet Sios long Wes Galp rijen. Long ripot bilong namba 17 Yuniated Sios Jeneral Asembli, Bishop i tokaut long dispela. Long ripot em kisim i tok olsem Wes Galp rijen i gat dinau i sanap long K22, 000 long levi moni. Ripot i soim olsem long 1997 na 1998 totel bilong levi mani i K2, 900. Dispela i bin go antap long K12, 900 namel long 1998 na 1999 taim narapela K10, 000 i kam insait. Bishop Hasu i tok long dispela fiskal yia (1999/2000) narapela K10,000 levi i kam insait na mekim totel dinau bilong sios i sanap long K22,000.

Rev. Lokoloko long ripot bilong em i tok olsem moniteri sistem na metod bilong givim helpim i gutpela tasol, asua i stap long rot bilong kisim mani kam insait long risen. Em i tokim tu Jeneral Asembli olsem sample kongrigesin ol i bin kolim nam now i wok long mekim ol privet ministri olsem salim ol sumatin long skul long baibel kos long ovasis, sapotim ol kristen missioneri ovasis na i no ol misioneri long risin yet.

Bishop i tok tu olsem panti ol influensil lain long kongrigesin na ol grup i wok long usim sios long rot bilong politik na ol pesinel difrens i wok long kamap long dispela tu. Dispela i daunim apostolik ministri bilong sios na stopim tu Gut Nuis o Tok bilong God i ken spret long planti hap bilong risin.

Bishop Lokoloko long ripot biong em i tok long ol mas kamapim gutpela rot bilong daunim dispela hevi. Em i hop olsem Jeneral Asembli bai givim han long kamapim ol dispela rot long dispela nupela milenum.

Tok skul bilong Santu Simon na Jud

Papa bilong Bratahud Asbisop Ellison Pogo i raitim long tok i go pas long opis buk bilong Melanesien Bratahud ol dispela tok daun-bilo. Planti developmen na senis olsem long spiritsuel na sosel laip i bin kamap taim Ini Kopuria i statim dispela Bratahud. Tude, yumi selebretim 75 yia bilong dispela developmen na senis i bin kamap na dispela i go het wantaim wok bilong komisin bilong ol Brata long autim Gut Nius wantaim trupela spirit na komitmen.

"Tude yumi gat sampela samting long selebret: yumi selebretim festival de bilong Santu Simon na Jude, yumi kisim i kam insait 12-pela nupela brata, yumi amamas na tok tenk yu long God long 75 yia ol Brata na ol novis i givim trupela witness na sapot na helpim long ol ministri bilong ol taim i kam bihain.

"Festival bilong Santu Simon na Jud i impoten de bilong Bratahud. Yumi ken tingim Jud olsem man bilong bel isi taim yumi lukim em wantaim Simon, man husat i stap klostu wantiam em. Posisin bilong ol em 10th na 11th long lista bilong ol aposel long Nupela

Testamen. Simon i no bin raitim wanpela pas long Nupela Testamen. Em wanpela hatpela man, nesinelis, enti Roman na man bilong sakim tok."

"Simon tupela Jud i soim olsem tupela i no wankain. Ol 12-pela aposel i no wankain olsem narapela narapela long planti we. Simon na Jud i bin lusim laip bilong tupela long han bilong birua long Pesia we tude lol i kolim olsem long Iran. Ol birua i bin katim Simon tupela hap na Jud ol i bin stabim em. Tupela i bin stap trupela bilip man inap long dai i painim tupela.

Long onarim trupela kristen man olsem Simon na Jud yumi tingim bek long singaut bilong yumi wanwan i kam long God na dispela yes yumi mekim long em. Long bihainim dispela tupela disaipel i min olsem yumi mas redi long tok yes long God na mekim sakrifais. Sampela samting yumi ken mekim sakrifais long en olsem long taim bilong yumi, talen or gif bilong yumi na mani samting. I no olgeta manmeri i redi long bekim dispela singaut. Na tru tumas nogat wanpela inap long mekim dispeal long strong bilong em yet. Long

taim yumi traim long mekim dispela ating bai yumi mas pundaun pastim bipo long yumi stat. Tasol, yumi ol manmeri i baptais long Krai mas tingim olsem promis yumi mekim wantaim Krai i mas trupela na mas soim long laip bilong yumi. Taim yumi bekim singaut bilong God, yumi kam klostu long em na askim em long strong bilong em long mekim kamap plan bilong em long laip bilong yumi.

"Tude yumi mekim dispela i kamap ples klia long taim yumi edmitim 12-pela novis long kamap ful memba bilong ol Melanesien Bratahud. Ol i kam bilong kisim strong long Bikpela, givim ol yet long han bilong em na mekim kamap plan bilong em long laip bilong ol. Ol givim ol yet tude olsem wanpela gutpela sakrifais long sevis bilong God. Ol i nidim tru sapat na helpim bilong yumi olsem wantok, ol brata, family na poromanmeri. Gutpela eksampel em faunda Ini Kopuria i bin soim long givim laip bilong em olsem gutpela sakrifais. Em i bin wok hat tru long bringim Gut Nius long ples ol i no bin harim Tok bilong God.

Em i bin serim laik, pis, joi nad pogivnes bilong God long pipel em i stap wantaim. Dispela eksampel nau bai i kirapim bel bilong ol brata bilong yumi na sambai long ol long wok na sevis ol i givim na bai go het long mekim long ministri bilong ol.

Dispela selebresin bilong 75 yia i gutpela sans we bai yumi lukluk long wanem hap yumi bin stap, wanem hap yumi stap nau na wanem rot yumi wokabaut i go. Olgeta dispela i bilong wanwan haus lain; sios i pulap long pasin holi; ol bikpela bung olsem long divosin, diskassin, rifresmen na rinuiel bilong tok promis.

Long sampela hap bilong driman bilong yumi, yumi save lukim ol wait Brata. Tasol nau yumi no singaut na krai moa long planti wok man. Dispela bikpela singaut i winim singaut bilong yumi i mekim dispela olgeta samting i kamap na ol i harim na bihanim. Taim dispela 75 yia i pinis, planti driman bilong yumi i kamap tru na yumi bai wokabaut i go insait long dispela wol wantaim wok bilong Evangelaisasin, "Asbisop Ellison Pogo i tok.



Taim bilong smail!

• Ol pikinini long 8 mail setelmen i amamas long lukim skul bilong ol i kamap. Piksa: WOL VISEN.

Wokim samting long han ken helpim sindaun bilong setelmen lain

BRADLEY NAVI i raitim

Ol lain meri long setelment bilong Mosbi i bin graduet long Sarere 18th Novemba long 10 am wantaim misa long Mosbi Setelmen Apostolate Senta long Boroko. Dispela em ol namba 2 graduet. Asbisop Brian Barnes i bin selebran bilong dispela graduesen misa wantaim 5-pela pris. Namba bilong ol graduet i 32 olgeta: Ileven-pela bilong samap, 9-pela bilong kuk, na 12-pela bilong rit rait.

Ol lain bilong literesi i bin skul long rit rait, we i bihainim namba wan kos long rit rait ol bin holim pastaim long en, bisnis manesmen na basik helt trening. Ol lain bilong kuk i bin skul long we bilong beik na redim o kain kaikai, wok gaden na planim na lukautim ol gaden kaikai, katering na lukautim haus na wokim baset. Ol lain bilong samap i bin skul long basik somap, wokim ol kain stail somap long masin na ol kain klos samting.

Klostu long 200 pipel i bung long witness dispela graduesen. Planti bilong ol dispela lain i bung em ol famili memba, ol wantok, pren, ol sista, na ol

seminaren. Ol graduet i amamas moa long lukim olgeta dispela lain i kam bung bilong givim sapot long olgeta skul na trening ol i kisim bilong helpim sindaun bilong ol long famili.

Asbisop Barnes i tok, "planti samting i hat long Mosbi.

"Laip long setelmen bilong Mosbi i hat moa. Ol lain long steelmen, em i tok, i no gat graun long wok gaden, painim kaika na nogat ol diwai samting bilong wokim haus. Taim ol i no gat graun ol i no gat kaikai na mani samting. Ol kaikai long stua i dia tumas long ol. Sapos yu sindaun nating, no gat samting bai kamap, Bisop i tok. Sapos wanpela manmeri i tok mi traim mekim samting na kirap na mekim long han bilong yu yet em bai karim kaikai."

Em i tok, "sapos ol i mekim samting long han bilong ol, dispela bai gat kaikai." As tinting bilong Asdaiosis, Bisop i tok i bilong helpim ol lain long setelmen long kuk, samap, rit rait na kisim save long ol arapela samting long kamapim gutpela sindaun long famili na long komuniti.

Asbisop i tokim ol graduet olsem tude yumi ken tenkim ol tisa na God long ol

gutpela save yumi kism. Em i tok olsem Jisas i bin kam daun long givim tingting bilip na laip long yumi. "Bilip tasol i kirapim man long mekim wok," Bisop i tok. Yumi no ken lus tinting long pre." Bisop i tok olsem dispela i karim kaikai tude na dispela i ken Karim kaikai long han bilong yumi. Bikpela sanap baksait na givim strong long yumi. Askim God long strongim yumi long mekim wok na pre oltaim bambai yumi ken painim gutpela sindaun long laip bilong yumi.

Kodineta em Sista Eli Beas i bin tok amamas long ol graduet, Asbisop, Pater. Rod Rigo ol tisa na planti ol lain husat i givim bikpela sapot na helpim long mekim skul bilong setelmen lain kamap gutpela tru.

Ol lain long setelmen i bin graduet wantaim setifiket na ol gif ol yet i bin mekim fun raising na baim long taim ol i skul. Dispea em olsem praktikol wok bilong skul bilong ol na dispela i soim tu olsem ol i ken mekim samting long han bilong ol yet taim ol i go bek long famili na setelmen bilong ol. Ol graduet i amamas long Bisop, Fr. Rodrigo, Sr. Eli Beas na givim sampela gif long olsem mak bilong soim tenk yu long olgeta sapot na helpim ol bin kisim.

OL SKUL na INSTITUSEN

SAPLIMEN BILONG WORD PUBLISHING





• Poto i soim ol pikinini i lainim kainkain samting long Bava Intanesenel. Poto: Skul i salim kam.

BAVA International pri-skul save lukautim ol pikinini

BAVA International pri-skul save lukautim ol pikinini long taim ol i liklik tru na long dispela taim tu ol i skulim ol. Ol dispela pikinini mas igat 2-pela krismas inap long 10-pela krismas.

Bava save ofaim plei skul, skul bilong ol pikinini laik statim skul na grad 1, 2 na 3. Dispela skul igat registreisen wantaim Dipatmen bilong Edukeisen long 1983 yet. Dispela skul em wanpela nesenol bisnis, na tu em praiwet skul. Bava i skulim ol pikinini gut tru. Em save lukautim ol pikinini, skulim ol bai ol iken harim tok bilong ol papa mama bilong ol.

I gat planti samting moa ol save lainim long Bava International Pre-School na Kindergarten. Sapos yu laik painim aut moa long dispela ringim opis bilong na askim tasol. Ol man meri husat i wok long dispela skul em ol gutpela lain tru.



BAMBI DAY-CARE & PRE-SCHOOL, AND BAMBI PRIMARY SCHOOL IS NOW OPEN FOR 2001 ENROLMENT FOR THE FOLLOWING EDUCATIONAL PROGRAMME;

- Play-School & Day-Care Programme (2-3 year olds)*
- Pre-School & Day-Care Programme (4-5 year olds)*
- Primary School Programme (from Prep - Grade 7)*



Bambi is not just another school, but a second family home for your child. Bambi has reasonable School and Transport Fees.

For further information contact the Office on Ph/Fax: 326 1394 or 326 1822.



IEA IEA College of Technical & Further Education (TAFE)

The International Education Agency of PNG Ltd (IEA) has formed a partnership with the North Coast Institute of TAFE (TAFE NSW) to provide international courses commencing 19 February 2001.

IEA College of TAFE offers Australian TAFE Certificate in;

| Course | Duration | Cost # |
|---|-----------------------------|--------|
| Business (Office Administration) | 18 weeks F/T / 36 weeks P/T | K2,200 |
| Financial Services | 18 weeks F/T / 36 weeks P/T | K2,200 |
| Information Technology | 18 weeks F/T / 36 weeks P/T | K2,100 |
| English for Speakers of Other Languages | 18 weeks F/T / 36 weeks P/T | K1,800 |
| Childcare | 36 weeks P/T | K2,900 |
| Library and Information Systems | 36 weeks P/T | K2,000 |
| Computer Applications for the Office | 36 weeks P/T | K1,800 |
| Frontline Management | 36 weeks P/T | K1,800 |
| Management (Team Leadership) | 36 weeks P/T | K2,800 |
| Computers A First Course | 36 weeks P/T | K1,400 |
| Assessment and Workplace Training | 36 weeks P/T | K2,700 |
| Adult Literacy and Numeracy | 36 weeks P/T | K2,100 |
| Occupational, Health and Safety | 72 weeks P/T | TBA |

F/T = Full Time P/T = Part Time (evenings)

Cost of course in Port Moresby. The costs at other centres vary between K2750 and K3250. The length and delivery mode of courses may vary also.

All courses offered by IEA College of TAFE will be:

- registered, international courses from TAFE New South Wales
- registered with the PNG National Training Council
- taught by highly qualified and experienced teachers
- assessed using TAFE NSW standards
- quality assured through overseas inspection processes
- taught in modern, state-of-the-art facilities
- taught in safe, secure and pleasant IEA schools

Certificates and Records of Transcripts will be issued by the North Coast Institute of TAFE (TAFE NSW) and have international standing.

Courses will be available at various Provinces throughout PNG.

For further information, brochures and application forms, please contact:



| | | | |
|-----------------|-----------------|-----------------------------------|----------------------|
| Port Moresby | Stephen Garrett | Port Moresby International School | 325 3166 |
| Lae | Jonika Paulsen | Coronation Training Services | 472 1011 |
| Highlands | Doug Hales | Highlands Provinces | 735 1262 or 732 1452 |
| Other provinces | Stephen Garrett | Port Moresby International School | 325 3166 |

Compare prices, compare courses, compare quality then enrol at IEA College of TAFE

Your life - your choice

OL SKUL na INSTITUSEN

SAPLIMEN BILONG WORD PUBLISHING



• I gat taim long skul wok na taim long tok pilai na lap.

Port Moresby Grammar School

THE School for the twenty-first century

2001 ENROLMENTS are now open

Port Moresby School is now accepting Enrolments for 2001.

There are vacancies in all grades from Grade 3 to Grade 12, PLUS our unique Grade 11 Preliminary Year for students who were not selected for Grade 11.

Ask about our special "Early Bird" Fees where parents can save up to One Thousand Kina (K1000) in School Fees.

Contact the School (or better, call in) for a Prospectus and to meet with the Principal and Staff.

Port Moresby Grammar School

Tel 321 7775 fax 321 1719 email info@pomgrammar.ac.pg or pmgs@datec.com.pg

OL SKUL na INSTITUSEN

SAPLIMEN BILONG WORD PUBLISHING

PORT MORESBY GRAMMAR SCHOOL -

Skul bilong dispela senturi

LONG 1999 ol nambawan studen long gratuet long Port Moresby Grammar School i gratuet wantaim wantaim ol digri bilong ol long Univesiti bilong Papua Niugini na Univesiti bilong Teknoloji. Prinsipol na man i statim dispela skul, Don Daniels, i hamamas tru long wanem ol dispela studen i bin go long Port Moresby Grammar 8 yia i go pinis long wanem Edukasi Dipatmen i tok olsem ol no nap long go het wantaim skul bilong ol.

Pom Grammar i soim Edkasi Dipatmen olsem ol i ken halivim ol dispela sumatin. Pom Grammar i gutpela tru long wanem i gat planti ol sumatin i wet long go long dispela skul. Planti ol papa mama, husat i laik salim ol pikinini bilong ol i go long dispela skul save olsem bai ol pikinini bilong ol bai skul gut.

Port Moresby Grammar i save kisim ol sumatin long grad 3 igo long grad 12. Emi i wanpela skul we olgeta grad i stap wantaim, na nogat narapela skul insait long Port Moresby i ken tok olsem ol gat grad 3 i go long grad 12. Long ol narapela skul, sampela sumatin save go long ol tupela o tripela skul long pinisim skul bilong ol. Dispela emi no gutpela long wanem ol ken bagarapim ol mak bilong dispela studen taim ol laik wokim eksem. Long Pom Grammar ol papa mama ken save olsem pikinini bilong ol bai no nap lusim skul inap long grad 12.

As tingting long wanem i wokim skul nambawan

Bilong wanem na dispela skul i kamap nambawan? Mista Daniels i tok olsem: "As ting ting bilong mipela i no senis inap long taim mipela i ol long 1993. Mipela i lainim ol sumatin long skul long hap i gat strongpela lo tasol mipela save lukautim ol suamtin tu. Mipela save skulim ol sumatin long wokim gut skul wok bilong ol."

"Ol tisa bilong mipela i gutpela tru. Ol i kam long olgeta hap bilong wol, na ol i no kam nating, mipela save lukluk gut long ol skul ol save tis long em bipo. Bai yu no nap tru long painim wanpela hevi i stap wantaim ol tisa bilong mipela. Long dispela yia, taim mipela i putim wanpela ad long kisim ol niupela tisa, olsem 200 na moa man meri i raitim pas i kam. Mipela i gat ol tisa bilong lainim ol sumatin long yia 2001."

Skolasip na olsem K100,000

Pom Grammar i wok long kisim ol gutpela nem olsem nambawan skul. Bod bilong ol Dairekta putim moni inap long K100,000 long givim olsem skolasip long sumatin insait long 2001.

Graham Bamford siaman bilong bod i tok olsem: "Mipela i laikim tru long kisim ol studen husat save wokim gut long skul wok bilong ol. Olsem na mipela i wok long givim ol skolasip, we bai em bai peim olsem 90 pe sen bilong ol skul fee bilong ol grad 11 studen husat i kisim 4-pela distingsen long grad 10 eksem. Long ol grad 9 husat i kisim Very High Achievement long COBE eksem bai kisim skolasip. Mipela laik kisim ol sumatin husat save wok hat tru long skul wok bilong ol."



Ol sumatin ken usim komputa

Olgeta sumatin, long grad 3 i go long gret 10 save lainim long yusim komputa. Long gret 11 na 12, Port Moresby Grammar tasol insait long PNG husat save ofaim komputa stadi. Dispela skul i gat koneksen long intanet. "Em i gutpela tru long lukim ol sumatin i wok long painim info-maisen long ol komputa, o long toktok wantaim ol niupela poro bilong ol long ol narapela hap long wol," Thomas Sarufa, IT teknisen bilong skul i tok.

Niupela Pom Grammar

Long Tunde, long grad 12 greduesen long Parkroyal, prinsipol i wokim wanpela tok we i mekim ol papa mama na ol sumatin kirap nogut. Mista Daniels i tokaut olsem bai i gat nupela Pom Grammar long olpela RSL na Bowling Club long Is Boroko. Dispela projek bai pinis long mun Julai na bai givim Pot Mosbi wanpela edukasi institusen wantaim ol nupela samting bilong em. Pom Grammar i no olsem ol narapela skul, long wanem nogat wanpela toea i kam long gavaman o ol eid ejensi. "Mi laik tok olsem Bod na mi i gat bikpela bilip long ol sumatin bilong PNG, olsem na mipela i bildim dispela nupela skul" Mista Daniels i tok.

Port Moresby Grammar School em skul tru bilong dispela sentri.



• Hetmasta na man i statim dispela skul, Don Daniels i gat taim long sindaun wantaim ol studen.

• Raithan: Namba wan greduesen bilong Pot Mosbi Grammar.



BAVA INTERNATIONAL SCHOOL

"In the new millenium, make Bava International School - Your choice for your Child's" :-

- EARLY CHILDHOOD CARE AND PRIMARY EDUCATION,
- PHYSICAL DEVELOPMENT,
- SOCIAL & EMOTIONAL DEVELOPMENT,
- COGNITIVE & SPIRITUAL DEVELOPMENT,
- DISCIPLINE, EXCELLENCE & QUALITY.

Bava specialises in providing Early Childhood CARE & EDUCATION. Special attention is given to ages between 2 - 10 year olds. Bava offers following classes:- Playschool, Preschool, Prep, Grades 1, 2 & 3.

**So Call us now on 325 8715 or Fax us on 325 8197
or email us at: ziba@global.net.pg**

*Enrolments for all sectors are now open.
Call BOIO BESS DARO
Now for further details*



PORT MORESBY INTERNATIONAL SCHOOL

(Operated and Owned by the International Education Agency)

*PMIS offers the best range of
nationall/international curriculum
options in PNG.*

- PNG (National) School Certificate and Higher School Certificate
- ACT (Australia) School Certificate and Higher School Certificate
- IGCSE (International) International General Cert. of School Education (Cambridge)
- IB (International) International Baccalaureate

PMIS offers:

- Highly qualified and motivated PNG and International staff
- An outstanding academic record of student success
- Student centred learning where teachers care about every student
- Extensive sporting, cultural and social activities
- The best computer, technology, science, library and art facilities in PNG
- A harmonious, multicultural school that develops self confidence and respect
- Quality education in a safe, caring and disciplined environment.

Inquire about our range of courses and fee options now. Contact Mrs Hahane Ranu for enrolment information or come to our Information Day on Saturday 2nd December from 9.00am to 12 noon to collect a Prospectus and discuss enrolment with our staff.

Phone: 325 3166
Fax: 325 4439
Email: hranu@pmis.iea.ac.pg

West Moreton Anglican College

Open a Gateway to Opportunity... Your regional college

- **Christian values**
- **Extension classes for Gifted and Talented Students: Primary and Secondary**
- **Catering for individual needs and interests**
- **Innovative academic program**
- **New Junior School: Prep - Year 6**
- **Member of The Associated Schools' sporting programme (T.A.S.) Primary and Secondary**
- **Dedicated and professional staff**
- **Comprehensive pastoral care programme**
- **Computer classes in all years**
- **Vocational Education**



ENROL NOW FOR 2001

*Limited Places Available
In pursuit of individual excellence*

**FOR MORE INFORMATION PLEASE CONTACT:
WEST MORETON ANGLICAN COLLEGE**

Keswick Road, Karrabin, Ipswich, Qld 4306. Australia.

Ph: 61 7 3813 4555 Fax: 61 7 3813 4566

Email: enrol@wmac.qld.edu.au
Home Page: wmac.qld.edu.au

OL SKUL na INSTITUSEN

SAPLIMEN BILONG WORD PUBLISHING

Wokabaut i wokim

TAIM i bin i gat tok long ol gret 8 studen long St. Joseph Intanesenel Katolik Skul bai i go long Kokoda Trail, planti long mipela hamamas na pret wantaim. Dispela wokabaut long Kokoda Trail, em long makim wanpela projek long taim bilong woa insait long PNG, tasol mipela wok long tingting long strong bilong mipela yet long dispela wokabaut.

Stat bilong Kokoda Trail em 40 kilomita long dauntaun Pot Mosbi, tasol dispela nem tu bai mekim yumi tingim Sydney Olympic Torch Relay i bin stat long hia insait long PNG.

Long ol lapun bilong Australia na Papua Niugini, ol bai tingim dispela hap olsem hap ol i pait wantaim ol Japan, na i gat planti ol stori long hat wok bilong ol.

Dispela wokabaut bai soim mipela long wei ol soldia i bin wokabaut long em. I tru olsem mipela bai i no nap long pilim ol pen ol i pilim long woa long 1942. Tasol

dispela wokabaut bai wokim mipela i lukim sampela samting long ai bilong mipela yet.


Tude ol gavman bilong PNG na Australia i halivim long lukautim Kokoda Trail long wanem, i gat planti manmeri husat save kam wokabaut long em. Long ol narapela trek long wol, Kokoda Trail em wanpela long ol dispela hap ol manmeri i save painim hat tru long wokabaut long em. Na mipela laik wokabaut long dispela hap wantaim ol skul pikinini husat krismas bilong ol em olsem 15.

Long hamaspela mun bipo long dispela wokabaut mipela wokim ol kainkain eksasais tasol dispela i no redim mipela long wokabaut long Kokoda Trail.

Klostu long dispela taim mipela laik go nau long Kokoda, mipela i lukim olsem taim bilong san wok long pinis na mipela i wok long poret long wanem tain bilong ren wok long kam.

Long taim bilong go long Sogeri

WEST Moreton skul we ovasis studen i save go



- **Praimery klasrum i gat kompyuta we ol studen i save yusim olsem Robbin Pearce (raithan).**

WEST Moreton Anglican College em wanpela kolis we ol ma meri save go long em. Dispela kolis i stap long wanpela hap ol i save kolim Ipswich, long Queensland insait long Australia.

Dispela kolis i bin opim dua bilong em long Januari 1994, na i wok long skulim ol sumatin long pre skul inap long grad 12.

Dispela kolis i skulim ol pikinini long Australia yet wantaim ol pikinini long ol narapela kantri. I gat ol planti samting long lainim long em na tu, ol save skulim ol sumatin long ol narapela kantri long tok inglis sapos ol i askim. Ol sumatin long dispela i ken long yunivesiti tu.

Igat hap bilong ol sumatin long silip long em sapos ol laik kamap boda, na dispela ol sumatin inap long go long ol raun long Gold Coast, Sunshine Coast na Brisbane.

Long West Moreton Anglican College ol sumatin ken lainim long usim komputa, ol kainkain spot na ol progrem olsem at, musik, danis na we bilong woim ol pilai. I gat gupela laibrari, house lotu, hap bilong wokim at na ol klasrum bilong komputa na saiens.

Ino dispela tasol, ol igat hap bilong lukautim ol pik, kakaruk, kau na tu i gat ol samting long lainim long raidim hos. Olgeta samting ya i stap long dispela wanpela hap.

I gat 40 o moa samting long wokim long abinun bihain long skul. I gat ol spot progrem long taim ples i kol tru o taim i gat sun.

Olsem wanpela skul West Moreton i laikim bai Papua New Guinea luksave long em olsem wanpela skul em i ken salim ol pikinini bilong em i kam long em.

West Moreton Anglican College i stap 45 minit, wes bilong Brisbane na olsem 90 minit sapos yu kam long Gold na Sunshine Coast.

OL SKUL na INSTITUSEN

SAPLIMEN BILONG WORD PUBLISHING

mipela i lukim sampela samting long ai bilong mipela



• Gret 8 studens long Owers Corner.

Plateau i gat olsem 25-pela sumatin na 12-pela bikman meri. Long taim mipela i lusim kolta hariap tru wanpela trak mipela i kalap long em i pas long graun. Mipela olgeta i ting olsem bai mipela mas wokabaut i go olgeta long maus bilong Kokoda Trail. Wanpela gutpela tingting i kisim mipela na mipela na olgeta samting i stap long dispela trak i kam daun. Mipela i skelim mipela yet wantaim ol kago bilong mipela long tupela nara-pela trak na mipela i go long

maus bilong dispela trail.

Nambawan nait bilong mipela long Goldie River na mipela i laikim tru. Nogat das na simuk olsem Pot Mosbi i gat. Mipela i kisim win gut tru.

Long moning mipela i statim wokabaut bilong mipela, wantaim strongpela tok olsem mipela mas noken abrusim man i go pas long dispela wokabaut o lusim Goldie River inap mipela olgeta i kamap.

Taim mipela laik wokabaut i go

daun long Goldie River, dispela hap rot i wel nogut tru long wanem em i bin ren long ol de i go pinis. Mipela olgeta pundaun planti taim tru taim mipela wok long wokabaut i go. Gutpela tru long wanem mipela i no kisim wanpela kain hevi.

Mipela lusim Goldie River nau na mipela laik i go long Imita Ridge. Mipela wokabaut i go antap long dispela hap na em luk olsem em i long we tru.

Taim mipela i kamap long Imita

Ridge, mipela malolo gut tru, tasol em no pisin long wokabaut bilong mipela, nogat. Bai mipela i mas wokabaut igo long Ua Ule Creek, long wanem em hap mipela bai silip long em. Na mipela i wokabaut igo long traipela ren. Mipela kaikai bulli-bif, bush bisket na chis long belo.

Taim mipela wok long wokabaut igo long UaUle Creek, mipela wok long tingting long mipela yet long wanem kain kaikai bai mipela kaikai.

Mipela kamap long hap mipela bai silip long em na mipela hamamas tru long lukim olsem i gat paia i lait.

Mipela senisim ol kolos mipela werim long wanem ol i wet nogut tru na statim stori long wanem samting i kamap long mipela. Long dispela taim, mipela kukim rais na tin meat na dring milo i swit nogut tru. Bihain long kaikai, ai bilong mipela olgeta i hevi nogut tru, olsem na taim mipela olgeta silip nogat man o meri i komplian long wanem hap ol i silip long em.

Long moning mipela gat wanpela miting, pasim tok olsem mipela mas kam bek long Owers

Corner long wanem ren wok long kam.


Mipela wokabaut i go bek na ren i kam yet. Taim mipela kamap long Owers Corner sam-pela long mipela ino kamap yet inap long nait.

Dispela wokabaut bilong mipela i kisim tupela dei, tasol mipela i pilim ol kain hevi ol soldia i pilim long taim bilong woa long 1942. Mipela i lainim olsem nogat wanpela man nap long wokabaut em yet long dispela hap, em bai mas wokabaut wantaim planti man meri.

Long wokabaut bilong mipela, planti long mipela i wari olsem bai mipela bai mipela painim sampela kain hevi tasol nogat.

Tupela man long wanpela ples ol i kolim Vesilogo, Matthew na Jonah, husat i go pas long wokabaut bilong mipela i lukautim mipela gut tru. I no ol tasol mipela laik tok tenk yu long ol, mipela laik tok tenk yu tu long ol man meri long gest haus long Owers Corner na ol tripela sekuriti gad long City Watch. Ol pikinini i tok olsem ol pilim olsem raun bilong ol long Kokoda i gutpela tru winim Port Moresby, long wanem ol i no poret.

ST. JOSEPH'S INTERNATIONAL CATHOLIC SCHOOL



GENERAL INFORMATION

- Private Catholic school
- Established in 1917
- Located at East Boroko, on Vaivai Avenue
- Over five hundred (500) students


For further information about enrolments for 2001:
Ph: 325 37 33
Fax: 325 32 37

We do
community
service with
Cheshire
Homes!!!

INCLUDING EXCURSIONS
FOR GRADES 4,5,7
TO
DIFFERENT PARTS OF PNG
AND GRADE 8'S TO
KOKODA TRAIL!!!

- ✓ More than 30 upgraded computers
- ✓ Environmentally conscious
- ✓ Project based activities in senior grades (7&8)
- ✓ Annual musical productions (2001-Wizard of Oz)

This advertisement was prepared in the school computer laboratory by students from 7M as part of their Projects course.



OL SKUL na INSTITUSEN

SAPLIMEN BILONG WORD PUBLISHING

Peter Pan -

Skul bilong ol pikinini

PETER PAN Pilai senta i bin stat long 1985 insait long Boroko-Is na senta ya i bin kamap bikpela taim em i kisim planti moa pikinini bilong narapela kantri insait long Mosbi siti, nau yet em i gat intenesenel priskul, pilai skul grup na tu i gat skul kea bilong ol skul pikinini na ol bebi tu.

Senta ya i bin kisim laisens long dipatmen bilong Child na Welfare webai ol lain ya i save kam long inspektim senta long lukim olsem olgeta samting bilong senta ya i orait tasol.

Pri-skul

Bos bilong pri-skul em Jasween Dighton husat i gat diploma bilong wok tisa na em i bin bikpela eksperiens long wok bilong em na em i bin wok long taim tru long New Zealand na Australia.

Pilai skul

Long pilai skul na bebi grup i gat wanpela meri husat i save lukautim ol na meri em i menesin dairekta tu bilong Peter Pan senta. Meri ya, em Elke Lunn husat i pinisim skul bilong em long lukautim ol pikinini long stat bilong dispela yia.

Lukaut bilong ol pikinini

I gat kainkain wokman insait long senta we ol i mekim kainkain

wok bilong ol;

olsem ol asisten:

Sampela ol meri PNG i gat ol diuti bilong ol long lukautim ol pikinini insait long wanwan hap bilong pri-skul, pilai-skul na tu ol bebi. Peter Pan senta i gat trenin progrem bilong ol nupela wokman long wanem senta i laik holim yet dispela bikpela luksave olsem ol i nambawan nem. I gat ol senia wokman husat i bin stap long senta planti yia nau na ol i save searim save bilong ol wantaim ol nupela wokman long lainim ol pasin bilong lukautim ol pikinini.

Sekuriti gad

Senta ya i gat wanpela sekuriti gad husat i save stap klostu na em olsem wanpela saveman long ples na tu long ol pipel husat i stap klostu long senta.

Gadena

Gadena ya i wankain olsem sekuriti gad husat i wanpela saveman long ples na pipel tasol em i save lukautim ol flaua gaden na em i mas lukim olsem senta ya i mas stap klin olgeta taim na tu long wan wan taim em i save helpim sekuriti gad.

Bilip bilong senta

Peter Pan Pilai senta i traim long

givim kainkain samting bilong lainim na tu samting bilong pilai long ol sumating bilong ol.

Ol i bihainim sefti, helt na ol kainkain progrem senta i givim long ol pikinini we bai i sutim stret lewa bilong pikinini. Long senta i gat ol gras na sedo ples bilong ol pikinini long pilai na ol asisten bai i mekim ol pikinini i kamap self relations na idipeden tu.

Peter Pan senta i laik kamapim wanpela femili insait long senta, na lainim ol pikinini long bilip long ol yet, lainim rispek, tras na tu ol i mas luksave long tingting bilong narapela.

Ol taim bilong senta i save op na pas

Senta i save op namel long 7:15 o kwata pas seven moning na 4:45 o kwata to faiv apinun. Skul i save op long Mande i go long Fraide na em save pas tasol long taim bilong pablik holidie.

Tasol i gat tupela seson bilong ol papa mama long aplai long en;

I gat 7:15am kwata pas seven i go 12.00 belo o ol i kolim haf de sesen na i gat ful de sesen. Senta yet i save givim kaikai long pikinini.

Skul fi

I gat kainkain we bilong papa na mama long peim skul fi. Ol papa

na mama bilong pikinini i ken peim skul long wan wan wik, mun, tem o long ful yia. I gat moa toksave long we bilong peim skul fi i stap long opis bilong Peter Pan.

Grup

Long bebi grup i gat ol pikinini husat krismas bilong ol i namel long 12-pela mun i go inap 2-pela krismas bilong ol. Long dispela grup i gat ol gutpela was bikos long dispela grup ol pikinini i yangpela stret na pilai graun bilong ol yet na ol i fri long wokim long laik bilong ol. Ol i gat kainkain tois na ol narapela samting bilong lainim wantaim.

Na long pilai-skul i save kisim ol pikinini namel long 2-pela yia na 3-pela yia. Long dispela grup ol tisa i save redim ol pikinini ya long go insait long priskul long dispela ol tisa i save lainim ol long drowin, singsing, harim ol stori na lainim ol kainkain pilai.

Priskul i save kisim ol pikinini namel long 3-pela yia na 5-pela yia na skul ya i gat ol kainkain ekwipmen bilong ol sumating. Peter pan senta i bin baim planti ol ekwipmen bilong skul ya long ovasis we bai ol pikinini bai gat sampela ol pilai na tu sampela save wankain olsem ol pikinini bilong wol nau.

I gat wanpela kompyuta bilong ol priskul sumating tasol webai ol sumating i ken lainim long yusim na tu ol i gat wanpela laibreri long lainim ol sumating long ridim buk. Priskul i save kisim 25-pela sumating tasol na sapos yu hariap bai pikinini bilong bai gat sans.

Fesilitti

Ol pikinini long olgeta grup i gat sans long yusim ol siso na ol narapela samting long pilai graun ausait. Olgeta hap long ausait graun i gat ol diwai webai givim gutpela ples bilong malolo na kisim kol win. Ol bebi tu i gat hap bilong ol we i gat ruf i karamapim ol na i gat ekwipmen bilong olsem rokera, slaid, siso, na ol narapela pilai.

Helt na haijin

Ol pikinini i gat ol toilet na ples bilong waswas bilong ol yet. Ol tisa i gat diuti bilong ol yet long lukautim ol pikinini. Ol i save lainim ol pikinini long yusim toilet tu.

Senta i gat ol matres na karamap na olgeta pikinini i mas bihainim lo bilong helt long yusim ol samting ya, na sapos husat pikinini i gat sampela kain sik webai i ken givim long narapela bai i no inap kam long skul inap sik bilong em bai pinis.

PAU i gat ol gutpela progrem bilong skul

LONG taim dispela skul i kisim new yuni- vesiti long 1996, Pacific Adventist University (PAU) i wok long halivim ol man meri long kisim ol digri bilong ol.

PAU wok long halivim ol man meri insait long Papua New Guinea long skul wok bilong ol 1984 yet.

Ol papa na mama wok long salim ol pikinini bilong ol long na ol sumatin tu laik kam long dispela skul long wanem ol i skelim olsem dispela em gutpela skul tru. PAU i gat ol gutpela progrem bilong skul wantaim strongpela tingting long bel isi. Na tu yu ken kisim eksperiens long wok long skul na long wok.

PAU i ofaim ol skul long BA na BSc digri long dispela hap olse: Accounting na Computer, Biology, Business Administration*, Chemistry, English, Fine Arts, Geography, History, Industrial Technology, Management, Maths, Office Administration, Physics, Religious Studies, Primary Education and Theology*. Ol tupela skul i gat sta long sait bilong ol i soim olsem yu ken kisim Masters digri bilong yu long dispela hap.

Pacific Adventist Univeristy em wanpela yunivesiti we istap long bush. Em i olsem 15-pela kilomita long Port Moresby. Dispela em i wanpela ha p we yu ken putim ol hap hap bilong laip bilong yu igo wantaim.



The University Offers
BA and BSc Degrees

Specialising in the Following Areas

Accounting and Computer
Biology
Business Administration *
Chemistry
English
Fine Arts
Geography
History
Industrial Technology
Management
Maths
Office Administration
Physics
Religious Studies
Primary Education
Secondary Education
Theology *

* Masters Degree also offered

Pacific Adventist University is the Place
for You to put the Pieces of Life's Puzzle
Together.

PETER PAN INTERNATIONAL PRE SCHOOL



* Govt Approved International
Pre-school

* Play School

* Tiny-Tots Play School


* Child Care

Established over 20 years with spacious tree-shaded
playgrounds & all weather play areas. Licensed for
children from 12 months to 5 years. Inspection
welcome.

24 Moru Street, East Boroko

Ph: 325 4772

Fax: 325 8196



Bunbun autim olupela tim bilong em

MENS SOPBAL RIPOT

PITSA bilong Brown Eagles Anslam Bunbun i go pas long helpim tim bilong em long daunim AB Bears 5-0 insait long Pot Mosbi mens softball resis.

Bunbun em i save pisa long AB Bears las yia, tasol nau em i lusim na joinim ol wantok long Matupit Ailan.

Nau yet Anslam Bunbun em i namba wan pisa insait long kantri i soim olgeta stail taim em i rausim strongpela beting lainap bilong Bears. Em i rekotim 11-pela strai- aut olgeta.

Na long beting, nara- pela Bunbun gen, Cornelius i wok long paitim tu bes hit long bringim ol pilaia i kam hom. Tasol em yet i no kam hom bikos nogat wanpela gutpela beta long bringim em hom.

Insait long namba wan inining, Cornelius Bunbun i bringim Robert Mago na Lucas Marut i kam hom, na long namba tri inining em Alan John, na long namba faiv inining, em i kisim Marut gen na Paul Tabede i kam hom.

Ol strongpela beta bilong AB Bears olsem Bobby Bais, Joe Avuchulus (jnr), Mark

Simon, Tul Malisa na Chris Avuchulus i painim hat tru long paitim bal bilong Bunbun olsem na ol i no rekotim wanpela skoa.

Dispela win i soim strong bilong ol boi Matupit wantaim ol sampela nupela pilaia em ol i sainim. Sampela ol top pilaia i joinim Brown Eagles long dispela sisen em Anslam Bunbun, Robert Mago, Marut, Alwin Remi na Pedro Kinavai.

Insait long arapela gem, kepten bilong Manalos Danny Mong i no tromoi gut bal long helpim ol Gazelle i kam

levelim skoa 2-2 long fultaim.

Ol boi long Niu Ailan i go pas wantaim skoa 2-0 tasol ol yet i no pilai gut na Gazelle i levelim skoa.

Na long gem namel long Tigers na Elcom, ol Elcom i givim hat taim long pisa bilong Tigers Patrick Gebore.

Ol boi Elcom i rekotim 8-pela ran i kam long Isikiel Tovia (jnr), Tommy Kipma, Albert Koniel, Tony William, Cleland Tukana na John Campbell.

Na skoa bilong ol arapela gem i sanap olsem Tisa Jets autim MSC 3-0 na NGL i nekim Hawks wansait 8-0.

Pablik Sevens soka i redi long kukim Mosbi

HENRY MORABANG i raitim

NESENEL Kapitel Distrik Pablik Sevan Soka Asosiesen (NCDPSSA) bai statim sisen propa bilong em long dispela wiken long Yunivesiti oval.

Presiden bilong NCDPSSA Bede Tomokita i tokaut olsem ol i redi tasol long statim sisen propa bihain long ol i pinisim pri-sisen las wiken.

Insait long pri-sisen, Trensport i autim NPF 3-1. Na insait long kik resis bilong ol meri, BPNG i nekim Telikom 1-0.

Tomokita i tok pri-sisen i ran gut tasol tupela biknem tim, Edukesen na Defence i no putim tim bikos nogat inap pilaia.

Em i tok em i las sisen bilong em olsem presiden na em i laik mekim dispela sisen i kamap gut na em i pinis.

Insait long 2000/2001 soka sisen, i gat tripela nupela tim i givim nem. Ol tim ya em Pangtel, Nesenel Palamen na 1RPIR Taurama.

Tomokita i tok em i amamas tru long lukim pilai bilong Nesenel Palamen. Maski ol i nupela tim, ol i soim tru olsem ol i laik pilai soka na amamas wantaim ol arapela pablik sevans.

Gem bilong ol wantaim Elcom tupela wik i go pinis i soim tru olsem ol arapela tim i mas was aut long ol boi bilong Palamen.

Tupela klab IRC na NCC i no tokaut yet long tingting bilong ol long pilai.

Ol eksekutiv bilong NCDPSSA i singaut i go long olgeta soka klab long baim nominesen na afiliesen fi bilong ol bipo long

pinis bilong dispela mun.

Tomokita i tok nominesen fi em K100 na affiliesen fi em K400. Na olgeta man i bung bai go antap long K500 wanwan klab. De bilong pinisim olgeta rejistresen fi bilong ol pilaia em Disemba 31. Em i singaut i go long ol klab long baim fi. Em i tok em i no laik long kain pasin bilong las minit.

Insait long arapela soka stori, bikpela gem namel long Hailens na Momase bai surik i go long Januari neks yia.

Presiden bilong Hailens Soka Asosiesen David

Chung i tok ol oge- naisa i surikim taim bikos tupela sait wantaim i no redi.

I gat ripot olsem Highlands Pacific kampani husat i spon- sarim Momase long dispela soka salens i rausim ken sponsasip bilong em. Na Hailens tu i painim wan- kain hevi taim sponsa bilong ol i lusim ol.

Mista Chung i tok dispela nau bai givim ol bikpela sans long tupela tim wantaim long painim sponsa inap niu yia long kamapim gen dispela soka salens bilong ol.

Junia kompetisen i stat long Lae

ELLEN VAVITAN-TIAMU i raitim

LAE Kriket (cricket) Asosiesen (LCA) bai statim kompetisen bilong ol wimen na ol junia long dispela yia. Dispela tupela kompetisen em wanpela eria LCA i tingting long mekim dispela spot i kamap bikpela.

Dispela junia kompetisen em bilong ol Anda 15 man.

Sekreteri bilong LCA Neville Maha i tok dispela bihainim tingting bilong LCA long kamapim bikpela gem bilong kriket insait long Morobe provins.

KRIKET RIPOT

Insait long dispela tupela nupela kompetisen, 6-pela tim i givim nem pinis long stap long kompetisen bilong dispela yia. Ol tim ya em Hoods, Yunaited, Raukele, Sirowai, Koukou na Coronation.

Na long ol gem i kamap las wiken, Hoods (2-75) winim Coronation (10-14).

Bikpela gem bilong A gret yet i stap namel long Sirowai na Korobin. Sirowai i win (10-109) na nekim Korobin (10-99).

Sempion tim Hoods i go pas long gem na winim olgeta pilai bilong em i kam inap nau.

Long dispela wiken long Raun 5 Koukou nau bai traim bun bilong ol Yunaited, Coronation bai salensim Raukele na Hoods bai pilai wantaim ol Sirowai cricket bilong ol meri.

Maha i tok em i ting olsem Hoods bai winim Sirowai. Em i tok gutpela gem. Na long go lukim gutpela gem long wiken bai kamap namel long Koukou na Yunaited.

Em i tok Koukou em i wan- pela gutpela tim na sapos ol narapela tim i no lukaut em i ken winim ol wansait.

Jets autim 8-mail settlers

OP-SISEN RIPOT

SEVEN Mail Jets i soim pawa bilong em tru insait long Wollom Op- sisen ragbi lig resis taim ol i autim 8-Mail Spiders 12-10 long las wiken long CIS oval long Bomana.

Tupela tim wantaim i kamapim strongpela gem tru na i nogat wan- pela gutpela stail o gem plen i kamap long dispela gem. Long namba tu hap, tupela tim wantaim i no givim sans long arapela arapela.

Ol Jets i no strongim sait bilong ol long difendim gut wing na senta posisen long lukim ol lain Spiders i kam skoa na win.

Jets i nidim tru dis- pela win bihain long ol i lus long Siherena Brothers las wik.

Hapbek bilong Jets na olupela junia Kumul pilaia Godfrey Luke i tok em i amamas long winim dispela gem long traim stap insait long top foa. I gat tupela wiken i stap yet na kom- petisen ya bai malolo.

Gutpela pilai bilong Luke i mekim na em i kisim K10, man of the match awot.

Gem ya klostu i dro tasol gutpela penalti kik bilong Joseph Moxy i mekim na ol i abrusim ol lain Jets.

Jets i putim namba wan trai i kam yet long Luke. Em i kikim kon-

vesen na skoa i sanap 6-0.

Namel long namba wan hap bilong pilai, Willie Norman i bekim wantaim wanpela trai na skoa nau i sanap olsem 6-4.

Klostu long hap taim, referi Jeffrey Kera i givim penalti long 8-Mail, na Luke i kikim na skoa i go antap 8-4.

Insait long namba tu hap, gem i wok long kamap strong tru. Ol fowat bilong 8-Mail olsem Benny Wai, Jimmy Taine, Samson Kay na Joseph Moby i painim hat tru long brukim difens bilong 7-Mail Jets.

Jets nau i mekim sisen long larim tupela nupela pilaia olsem

Jeffrey Bare na Philip Kensen i pilai. Orait taim ol i pilai i go, Bare i joinim ol beklain long skorim trai 12-4.

Dispela em gutpela wok bung namel long ol beklain na skoa i kamap.

Ol 8-Mail settlemen i no wari. Ol i pilai strong tru long skorim wanpela trai ken. Dispela trai i kam long huka yet Moxy na fulbek Wanpis Kaupa i kikim konvesen na skoa i sanap 12-10.

Insait long arapela gem long Sarere, Siherena Bros i dro wantaim Bomana Koles 10-10, Erima Bulls i nekim 5-Mail Spiders 17-14, na long bikpela gem, IBS Keras i lus long 8-Mail Wildlife.



• Kain soka eksen i wok long kukim Yunivesiti oval olgeta wiken. Foto: HENRY MORABANG.



IKEN WOKIM GUTPELA SAMTING LONG YU

Netbal painim ol pilaia

NETBAL RIPOT

PAPUA Niugini Netbal Federesen (PNGNF) i statim pinis wanpela program bilong painim ol pilaia insait long Motu Koitabu eria insait long Nesenel Kapitel Distrik.

Presiden bilong PNGNF Janet Sape i tokaut olsem samting wanpela ten seven (70) tim bai stap insait long wanpela netbal resis bai stat long January neks yia. Kompetisen ya bai kamap long netbal kot long Taurama Leisure Senta.

Sape i tok "Dispela program ya bai traim long lukluk long ol netbal pilaia insait long ol viles husat i nogat sans long pilai long bikpela kompetisen. Na dispela kompetisen bai kamap olgeta taim."

"Mipela laik bringim netbal gem i go bek long ol pipel long larim ol yet i mas kam na pilai.

PNGNF bai traim long helpim ol tasol long we bilong lukautim dispela program bilong ol.

"Moa namba bilong ol pilaia mipela i gat, em bai gutpela long traim skelim ol long banis bilong mipela yet.

Dispela em i no samting bilong haitim. Mipela nidim ol longpela meri na ol gutpela golsuta, husat i nogat save long pilai, tasol PNGNF bai traim skelim ol na ol i ken redi long bikpela tonamen long bihain taim.

"Mipela i ting i gat planti ol pilaia i hait i stap, na em i wok bilong mipela long traim painim ol. Sapos wanem ol pilaia i kamap gut long ai bilong ol selekta, mipela bai askim em long kam insait long developmen skwat.

"Dispela kompetisen i kamap gut na pulim moa mama na meri. Na i luk olsem mipela bai holim dispela kompetisen long olgeta ya," Sape i tok

Samting olsem 19-pela klab i gat ful tim we bai stap insait long

5-pela divisen olgeta na em Open, A, B, Oldies, Anda 19 na Anda 15.

Interim komiti husat i lukautim dispela program em Hoge Baeau na Asi Mou. Misis Mou em olpela presiden bilong Lae Netbal Asosiesen (LNA).

Ol tim i givim nem pinis em Tatana, Baruni, Kila Kila, Pari, Mahuru, Korobosea na Vabukori. Planti tim tru bai kam yet long Hanuabada we ol i tingting long putim samting olsem 12 o 13 tim olgeta.

Wanwan tim bai baim K50 bipo long stat bilong dispela kompetisen.

• Insait long arapela stori, Misis Sape i go pinis long miting long Nu Silan. Toktok we bai kamap long dispela miting em, seleksen o kwalifikens bilong tim i go insait long mini Saut Pasifik Gems, Saut Pasifik Gems, Komenwelt Gems long 2002 na ol arapela developmen bilong spot insait long rijen.



• Ol meri husat i bin stap insait long semina we i bin kamap long Mosbi las wiken.

POM i statim miks na open resis

NETBAL RIPOT

POT Mosbi Netbal Asosiesen (POMNA) bai statim op-sisen bilong em long dispela wik Sande long Rita Flynn netbal kot.

Nau yet 10-pela tim i givim nem pinis long traim kamapim dispela op-sisen salens bilong Pot Mosbi. Ol tim ya em Australia Hai Komisin, Coca Cola, HIH Insurens, Belteck, Copycat, Shell na Mazda-Foam.

Kodineta na sekretari bilong POMNA Iga Lahari i tok olsem dispela kompetisen bilong netbal i op long miks tim na open. Insait long miks tim, em ol man na meri i ken putim tim long traim pilai netbal.

Misis Lahari i tok olsem dispela kompetisen bai ran inap 5-pela wik olgeta bipo long krismas na Niu

Yia wantaim. Em bai ran inap sisen tru bilong Pot Mosbi i ken statim kompetisen bilong em.

I gat bilip olsem POMNA i gat hevi nau long mani long lukautim netbal kot bilong em. Tupela kompetisen husat i save kamap na givim mani long POMNA, Pablik Sevans na Praivet Kampani netbal i lusim Rita Flynn kot bikos POMNA i sasim ol bikpela mani tumas ya.

Insait long ripot i kamap las wik, POMNA i sasim Praivet Kampani netbal asosiesen long K26,000 we i bikpela tumas. Long ol sampela yia i go pinis, ol i sasim ol tasol long liklik mani inap long K4,000.

POMNA i statim dispela kompetisen long traim kisim sampela mani long stretim netbal kot bilong ol. Nau

yet tupela sinia netbal kot, kot 1 na kot 2 i kisim bikpela bagarap na i nidim tru sampela simen floa gen.

Olpela presiden bilong PNG Netbal Federesen Emily Taule i askim POMNA na ol eksekutiv bilong Praivet Kampani netbal asosiesen long sindaun gut long traim stretim toktok long dispela.

Pasin POMNA i mekim i no gutpela tumas bikos ol i dau-nim laik bilong ol lain meri long pilai netbal.

Misis Iga Lahari i tok kompetisen i op nau. Sapos wanem tim i laik givim nem i mas lukim em long netbal kot. Sapos ol i putim tim bilong man o meri, em i no samting bilong POMNA, tasol bikpela samting ol i laik kompetisen i mas stat nau bipo long krismas holide.

Air Niugini bai sapatim Arafura Gems tim

ARAFURA GEMS RIPOT

HENRY MORABANG i raitim

AIR Niugini i orait pinis long helpim Arafura Gems Orgenaising komiti karim tim bilong Papua Niugini i go long Arafura Gems long Darwin, Noten Territori, Australia, long mun Mei long 2001.

Maketing menesa bilong Air Niugini Bob Martin i tokaut long dispela taim ol bekim askim bilong orgenaising komiti long stretim wokaut bilong PNG tim i go long Darwin, Australia.

Martin i tok "Air Niugini i redi tasol long wok wantaim orgenaising komiti long salim 200 spotman na meri, na bai givim gutpela mak bilong baim tiket bilong dispela spotman na meri."

Eksekutiv Dairekta bilong PNG Spots Komisin John Kambuou i tok olsem bikpela hevi bilong ol spotting grup insait long kantri em "balus tiket".

Em i tok em i laik luksave long helpim bilong Air Niugini husat i save helpim PNG Spots Komisin taim ol i nidim ol tru.

"Travel em bikpela samting tru long ol spotting bodi, na taim Air Niugini i go long Praivetasesen, ol bekim gut singaut bilong PNGSC long traim toktok long statim fanraising bilong Arafura Gems.

"Arafura Gems i gat strongpela wok pren wantaim Air Niugini stat long 1991. Na klostu olsem PNGSC na Arafura Komiti i tromoi K3 milien long baim balus tiket bilong ol man long go pilai long Darwin.

"Dispela i helpim tru kantri bilong mipela wantaim balus bilong PNG yet i karim ol spotman na meri. Na las taim, ol PNG pilot na ensinia



• John Kambuou ... bikpela hevi bilong ol spotting grup insait long kantri em balus tiket.

tasol i kisim Darwin i go long Australi," Kambuou i tok.

Jenerel Menesa bilong Arafura Gems Thomas Kahai i askim ol spots long tingim de bilong baim fi em Disemba 2.

Wanpela memba bilong Ogenaising Komiti Moses Tolingling i tok olsem planti spot i soim laik na nau em i taim bilong ol long bai fi bipo long de bilong baim fi i pas long Disemba 2.

Ol tim i soim laik pinis long stap resis em disebel spot, hoki, wimen soka (CIS), netbal (POM na PNG), men's na wimens (bowls), ragbi lig, tas futbol, Bogenvil soka na volibal.

Ol tim i husat i no tokaut yet em beach volibal, asi ruls, basketbal, atletik, sofbal na ragbi union.

Mista Tolingling i askim wanem ol sapat i no tokaut kia long ringim em na stretim toktok. Na sapos wanem spot i no redi, em i sori tumas olsem ol bai aut long lista bilong ol spots.

PNG swim kosa tren long Australia

SWIMMING RIPOT

WANPELA swim kosa wantaim Boroko Swimming Klab Tony Sari i stap nau wantaim Bairnsdale YMCA Swimming klab long Victoria, Australia.

Sari i go stap wantaim Bairnsdale klab bihain long John Katal i toktok wantaim PNG swim kosa Elizabeth Wells long askim wanpela kosa i go trening long Australia. Katal em bilong Manus tasol em i sitizen bilong Australia na stap long Victoria. Em i fultaim swimming kosa.

Dispela askim bilong Sari i go stap long Victoria tu i kam long

Swiming Victoria, stet bodi long Victoria long helpim ol wanwan Pasifik kantri.

Sari i lusim PNG long Novemba 11 na i stap pinis long Victoria. Em bai kambek long kantri long Disemba 9.

Sampela wok bilong Sari taim em i stap long Australia em long makim klab long ol pati, swimming kem na ol arapela program.

Nesenel Kapitel Distrik i mesa sponsa bilong Sari long wokabout bilong em. Ol i baim balus na tu stretim visa bilong em.

Misis Wells i tok olsem nau em i bisi taim bilong Victoria Swiming na dispela em bai gutpela eksperiens bilong Sari long go stap insait long ol kainkain

swiming kem.

Las wik, Sari wantaim ol kosa bilong Victoria Stet tim i go resis long Australia Institut ov Spot long Canberra - hetkwata bilong Australia.

Misis Wells i tok olsem dispela em wanpela plen Boroko Swiming klab i gat long traim helpim ol kosa bilong em long kisim gutpela trening. Sari em wokman bilong NCDC, na em i save wok long swimming pul na i gutpela i mas kisim gutpela trenning.

Taim Sari i stap long Victoria, em bai sindaun tu long Level One swim kosa kos. Dispela kos i save stap longpela taim bipo long kosa i kisim setifiket.

Nupela karate klab op long Lae

KARATE RIPOT

NUPELA karate klab i op pinis long Lae Teknikel Koles.

Dispela klab i save holim t'rening bilong em long nait aninit long lukaut bilong instrakta Zoran Lee, husat i gat 4th blek belt.

Dispela gredding bilong karate skul bai

skelim olgeta pilaia long ol divisen olsem senia man, sinia meri, junia na skul studen.

Lee i tok Zen Ki Do i wanpela nupela karate i bihain skul bilong Japanese Bushidos o warrior.

Dispela karate i skul ol studen long disiplin, stretim pasin bilong studen na bikpela samting em long lukautim yu yet

(self defence). Dispela Zen Ki do em bungim tupela pasin, olpela na nupela pasin bilong Japanese martial at.

Em i tok karate skul i op long Mande i go long Wednesday stat long 5.30 i go long 7 kilok long nait.

Lee i tok em yet i save tisim ol studen long nupela karate. Bipo em i kam long hia,

em i ranim sem skul tu long Australia.

Nau yet PNG Spots Federesen i holim wanpela taekwando Olimpik solidarity kos. Kos ya i stat long Mande i go inap long Fonde neks wik. Dispela solidariti kos ya i kamap long Don Bosco Teknikel skul, na sem kos tu bai kapa long Taurama Leisure Senta.

Sir Mekere givim mani long Defence bowling klab

BOWLING RIPOT

PRAIM Minista Sir Mekere Morauta i givim K8000 i go long Defence Bowling klab long Pot Mosbi long stretim ples pilai na klab haus bilong ol.

Sir Mekere i givim dispela mani taim em i mekim lukluk raun long Murray Barreks las wik. Dispela mani em i givim i kam aninit long Ilektoel Dvelopmen Fan bilong em we ol memba i save kisim.

Dispela ples pilai (grins) long Defence Bowling klab em las grins insait long Pot Mosbi. Dispela bowling klab i save sevim klostu 300 ol bowla bilong klab yet na ol arapela bowla.

Arapela bowling klab em RLS long Boroko we Katolik Sios bilong Pot Mosbi i kisim bek na laik sanapim teknikel

skul. Tasol ripot i kamap long dispela wik, Pot Mosbi Grammer bai wokim skul bilong ol.

"Dispela helpim bilong mi i no kamapim gutpela klab haus tasol nogat em bilong helpim tu ol arapela bowla," praim minista i tok.

Presiden bilong Defence Bowling klab Lt Colonel Sio Maiasa i tenking Sir Mekere long taim bilong em long go givim mani. Em i ting olsem wanpela wokman bai go na mekim presentesen tasol Sir Mekere yet i daunim em yet na go givim mani long ol bowla bilong Defence klab.

Bowling em hap bilong histori bilong kantri. Insait long Pot Mosbi i gat tripela klab, Pot Mosbi, Boroka na Defence. Tasol nau tupela bowling klab i pinis na wanpela tasol, Defence, i stap yet.

Presiden Maiasa i tok spot bilong bowling i mekim dispela kantri i amamas. Bowling i winim planti ol medal long ovasis tonamen tasol em i no save kisim bikipela pablisiti olsem ol arapela spot olsem Kumul. Kumul i no winim wanpela samting na watpo em i save kisim bikipela sapat long gavman na ol kampani nambaut.

Presiden i tok em bai yusim gut mani long stretim grins na tu klab haus. Na em bai givim ful ripot taim olgeta mani i pinis.

Long soim amamas bilong Defence Bowling klab, Mista Maiasa i askim Sir Mekere long kisim wok patron bilong klab. Nau yet opis bilong Praim Minista i no save wanem taim Sir Mekere bai mekim disisen long kisim dispela wok.

NGI daunim pawa bilong Aviat

LAE SOFBAL RIPOT

WANPELA biknem tim bilong bipo, Aviat, i kisim bikipela bagarap tru long han bilong ol lain NGI 9-5 insait long bikipela men's sofbal resis las wiken.

Aviat husat i lusim planti ol biknem pilaia i go long arapela tim, i kisim ol yangpela pilaia nau long holim tim. Dispela lus bilong ol las wik olsem wanpela skul em ol yangpela mangi i kisim long strongim ol long ol bikipela resis bai kamap long sisen propa.

NGI i redi gut tru long winim dispela gem, olsem na pl i no soim marimari long yangpela tim, Aviat.

Sempion tim Brown Eagles i wilwilim stret Islands Hawks 4-0. Insait

long dispela gem, tripela top inining, tupela tim wantaim i painim aht tru long skorim poin.

Tasol insait long namba foa inining, Brown Eagles i yusim eksperiens bilong em long rekotim ol ran.

Boi ros Ephraim Kulaut bilong Hawks i kamapim strongpela pilai tu maski tim bilong em i lus.

Karanas i nekim wan-tok bilong em yet, Manalos, 7-6. Dispela gem i tait tru i go inap long namba faiv ining we skoa i sanap 5-5. Tasol Karanas i yusim gut betting bilong em long kam hom na win.

Telikom i rekotim namba wan win bilong ol long dispela yai taim ol i autim Bismarck Sharks 6-

4 na Malangan i strong moa long daunim na rausim trausis bilong ol YMCA 7-1.

Burma Raiders autim Admiralty Marlins 5-2. Raiders i wok long kamapim gutpela gem taim ol pilaia olsem tupela brata ya, Tony Karani na David Karani i go pas long win bilong Raiders.

Marlins i gat ol pilaia olsem Peter Simon na Pomelau Pomelau tasol ol i no kisim gutpela sapat long ol arapela pilaia.

Presiden bilong Lae Sofbal Asosiesen (LSA) Enoch Darius i tok i gat tripela gem i stap yet na ol bai malolo. Taim bilong malolo bai stat long Disemba 17-Januari 7, 2001.

Lae winim Fours taitel

BOWLING RIPOT

LAE i winim Split Fours kompetisen bilong bowling we i bin kamap long Lae Bowling klab long las wiken. Dispela bowling resis ya em las kompetisen bilong PNG Bowling Asosiesen.

Dispela Split Fours em resis bilong tupela man na tupela meri i fomim wanpela tim fours long resis long pilai bowls.

Trukai Industri, SP Holdings na Lae Bowling klab i sponsarim dispela Split Fours kompetisen.

Samting olsem 26 tim i bin stap insait long dispela bowling resis. Ol tim i kam long ol dispela senta olsem Pot Mosbi, Mt Hagen, Goroka, Madang na Lae yet. Insait long dispela 26 tim ya i pulim moa long 104 bowla olgeta.

Insait long resis ya i gat 4-pela seksen olgeta. Tupela seksen bilong seven na tupela seksen bilong siks, na i gat 5-pela seksenel plei-ol.

Ripot i kam long Lae i tokaut olsem tripela tim bilong Lae i bin go long fainel.

Seksen wan tim bilong Mt Hagen. Ol pilaia bilong Mt Hagen em John Taylor, E Sageo; I Kisokoi na I Kumera.

Seksen two tim wina em J Takolu, M Moata-Nadu, B Takolu, Sip Namun-Nadu bilong Lae, Seksen tri tin wina em L. Bill, D. Harry, Sip P Sapul na L. Harry (Lae) na seksen foa wina em M. William, B Sheldrick, J Piru na H. Habai (Lae).

John Taylor bilong Mt Hagen i salensim Nadu Namun bilong Lae long semi fainel na Hedwick Labai i bungim Loa Henry. Nadu na Labai i win na taim bilong gren fainel, Namun i autim Labai22-11.

Siaman bilong Lae Bowling klab Albert Barakeina i tok olsem namba wan prais bilong K2000 i go long Nadu Namun wantaim tim bilong em, na namba tu prais (K1,600) i go long Labai.

Namba tri na namba foa ples tim i kisim K1000 na ol i skelim we wanwan bai kisim K500.

Barakeina i tok dispela em i las tonamen we i kamap gut tru. Narapela bikipela tonamen bilong PNG Bowling Asosiesen em bai kamap long Februari, 2001. Dispela tonamen ya em Masters Pair.

Tim i givim nem long Supa Tas salens

TAS RIPOT

SAMTING olsem 7-pela tim i givim nem pinis long stap insait long Supa Tas salens we bai kamap long Sir Ignatius Kilage stadium long Lae. Coca Cola (Lae) i sponsarim dispela sempionsip.

Ol tim i givim nem pinis em Niugini Electrical, Bank South Pacific, Coca Cola Amatil, Belltecks Chemicals, Associated Mills na Boroko Motors.

Ol ogenesis bilong dispela tonamen i tok olsem olgeta tim i mas bihainim ol dispela lo sapos ol i laik stap insait long resis;

- Olgeta tim bai pilai bihain lo bilong Nesenel Tas Ragbi na bai-lo.

- Dispela tonamen em miks tas tonamen we bai i

gat tripela man na tripela meri long taim bilong pilai.

- Olgeta tim yunifom i mas gat logo bilong Coca Cola.

- Olgeta tim yunifom i mas gat wankain kala na trausis na siot. Dispela i min tu long yunifom bilong pilai na i no taim bilong pilai.

- Olgeta pilai i mas gat su long taim bilong pilai.
- Wanwan tim i ken rejistarim 14 pilaia, tasol long taim bilong pilai 12-pela tasol bai pilai.

- Olgeta pilaia i mas gat ID kat, na soim long ol sekyuriti long taim bilong go insait long gem na go autsait long gem.

- Na long taim bilong gem i stap, wanem opisal

i go pas long stapim gem bai lusim gem long fofit.


- Drop-op tasol bai kamap long taim bilong fainel.

Ol ogenesis i tok olgeta gem bai kamap long raun robin tonamen we tripela top tim tasol bai go insait long fainel. Olgeta gem bai ran 15 minit, na 2 minit long malolo (break).

Prais bilong tonamen bai sanap olsem K500 (namba wan ples), namba tu ples bai kisim K300, namba tri K150 na namba foa em K50.

Ol referi bilong dispela tonamen em Dennis Seeto, Richard Seeto, Valentine Otto, Ari Peters, Eddie Mikes, Willie Kakamara na John Taylor.

Kipit i givim siti ki long Kumuls



• Mista Kipit givim ki bilong Pot Mosbi siti i go long kepten bilong PNG Kumuls Adrian Lam.

RAGBI LIG RIPOT

STAT long kempen bilong 2000 Wol Kap, PNG Kumul i tokaut olsem ol bai go pilai insait long kwata fainel, na ol i pinisim kempen taim ol i lus long kwata fainel long Wels 22-8.

Dispela em toktok bilong Ekting administreta bilong NCDC Bernard Kipit taim em i bungim ol PNG Kumuls long Sir John Guise stadium las wik Fraide.

Em i tokim ol Kumul olsem long taim ol i red long pilai, em i save ol i nidim tru sapat na komitmen i kam long kantri na tu gavman.

Dispela wokabaut long pilai insait long Wol Kap em i "Mission Impossible" tasol ol PNG Kumul i mekim long pinisim kempen long kwata fainel.

"Mi gat bikipela bilip olsem em i misin impossible, tasol dispela pasin yupela wokim long stap long kwata fainel i soim olsem yupela em nesenel hiro", Kipit i tokim ol sapota husat i kamap long lukim ol Kumul.

Em i tokim ol pilaia, kosa Bob Bennett na ol sapota olsem kwata fainel em bikipela samting, na mi ting sapat yupela i kisim ya bai wanpela strongpela samting stret ol arapela kantri long wol i lukim.

Kipit i givim ki i go long kepten bilong Kumul olsem gutpela sapat ol lain long NCDC i givim i go long ol.

"Yupela i pinisim wok misin pinis. Skoa egensim Wels em i no bikipela samting, tasol yupela i pilai long kwata fainel.

"Mipela amamas long yupela (Kumuls) long winim olgeta gem bilong yupela insait long pul bilong yupela, yupela salensim sampela ol top pilaia long wol insait long pul, na mipela olgeta i amamas.

"Olsem sifi menesa, mi save olgeta pipel insait long Pot Mosbi siti amamas na yupela i yusim gut mani bilong mipela," em i tok.

MILO IKEN WOKIM GUTPELA SAMTING LONG YU



• Ol mangi Kalibobo husat lus long West United long soka gren fainel bilong Goroka 1-0.




• Sempion tim bilong Goroka long 2000 soka sisen, West United bihain long ol i winim Kalibobo 1-0.



• Ol meri Telikom sanap na kisim piksa insait long Goroka soka kompetisen.




• Ragbi lig long Pot Mosbi i strong tru. Kain bagarap i save kamap sapos yu no tren gut.



• Raithan: Tupela susa ya i skelim strong long Pot Mosbi soka resis. Sisen tru i pinis na op-sisen i wok long kamap strong tru.

• Lephon: Autfilda bilong Norths Elizabeth i ketsim gut bal long wimen sof-bal kompetisen long Pot Mosbi.



IKEN WOKIM GUTPELA SAMTING LONG YU

Wari na resis i stap yet long husat i bos bilong Amerika

Washington, Amerika:

Wari i stap olsem wol bai kisim bikpela bagarap sapos man i no mekim, yusim na lukautim gut ol samting i stap long envoirnmen. Olsem na planti grup na lida i wok strong long lukautim envoirnmen na daunim ol wok developmen we i bagarapim envoirnmen samting.

Wol Konprenswe bai lukluk long Klaimet senis o senis long weda olsem taim bilong san, ren, win, bikpela solwara, graun, bus, solwara, wara na ol samting i stap ausait, insait na aninit long ol i kmap nau long Hague, Nedalens.

Konprens ya i bin stat long las wik Mande Novemba 13 na bai pinis long neks wik Fraide Novemba 24.

Presiden bilong Kauntapat Intenesenel Elizabeth Silverstein i tok bai nogat wel na ges long dispela graun long yia 2050 o long 50-pela krismas i kam sapos wol i no mekim samting kwiktam long isi long yusim ol fosil piul.

Mis Silverstein i bin wanpela muvi ekta bilong Australia pastaim tasol nau em i lida bilong wanpela strongpela non gavman grup we i gat bikpela luksave long wol long en.

Em i bilip strong olsem em i taim nau long ol bikpela industriel kantri long wol bilong luksave long 1997 Kyoto agrimen we i singautim ol bikpela kantri long

daunim mak bilong autim ol posin ges we i kamap taim ol i yusim ol fosil piul.

Em i tok i no gutpela long bagarapim graun na sindaun tasol na lukluk long ol pipel na ples i kisim bagarap.

Em i tok ol tok tru i kamap olsem global woming o pasin we hevi long wol i kamap tuhat moa em as long ol strongpela kantri na ol wok developmen we i yusim na autim tumas ol posin ges na piul samting.

Em i tok dispela tu i kamapim bikpela solwara i wok long rausim graun na bagarapim ol liklik ailan na ol arapela naturel birua moa i wok long kamap klostu klostu long ol liklik na bikpela kantri wantaim.

Silverstein i bilip olsem ol manmeri i mas lukautim gut ol bus, graun, solwara na ol samting insait na ausait long en olsem tasol rot we ol i lukautim helt bilong ol yet long en.

Em i tok 50 krismas i longwe yet tasol i no ol liklik ailan kantri we i kisim hevi long dispela samting.

"Em i taim long senisim rot bilong yusim ol piul samting na givim bikpela tingting long ol liklik ailan kantri." Mis Silverstein i tok.

Ol minista na diplomat bilong 160 kantri i bung long Hague na ol bikpela toktok bai kamap long rot bilong daunim ol posin ges samting.

Birua namba wan!



• Lukaut long em bikos em i kila sak ya!

Na em i no liklik samting, Traipela mama bilong sak em dispela wait pointa sak we ol i piksaim long Seal Ailan long Saut Afrika. *Piksa i kam long Weekend Australian niuspepa.*

Bikpela bilong dispela sak em siks mita long na hevi bilong en em 1,000 kilogrens.

Bikpela pret i stap long publik long Australia bihain long wankain sak i bin kaikaim tripelas man pinis, wanpela em long Cottesloe Nambis long Perth, Westen Australia tupela

wik i go pinis long Novemba 6 na i kamapim bikpela bagarap long poroman bilong en na tupela em tupela sefa we sak i kaikaim ol long nambis bilong Saut Australia.

Tasol maski ol birua olsem i kamap, wanpela publik sevei we ol i karimaut long Australia i

no laikim bai ol i kilim dai dispela bikpela kila sak long solwara bilong Cottesloe.

Dispela i soim olsem ol sai-entis na ol konsevesen lain i mwkim planti bilong yumi i bilip olsem ol dispela birua animel i klostu pinis na yumi gat wok long lukautim ol.

Ol Samoa i no wanbel long hiro nesanel boksa i lus long wol taitel

Samoa:

Ol pipel bilong Westen na Ameriken Samoa i wari taim top boksa i lusim long wanpela poin wol hevi wit taitel long Amerika.

Samoa i bin gat bikpela bilip olsem lokol hiro David Tua bai winim taitel long kamap olsem wol hevi weit sempion insait long resis pait we ol i bin holim long Yunaitet Stets las wik.

Tua i bin pait wantaim top boksa bilong Amerika

Lennox Lewis na em (Lennox) i bin win long poin disisen.

Ol ripot long Samoa i tok ol pipel i kirap nogut na ol i no bilipim disisen we jas i wokim long givim wanpela poin long Lennox na Tua i lus. Sampela i tok sampela wok pail o samting i no stret i kamap na Tua i lus.

Tasol sampela i lukim sampela gutpela samting i kamap olsem Tua i bin yunaitim Samoa na ol

pren olsem foma biknem wol basketbal pilaia bilogn Amerika Magic Johnson na foma wol boksing sempion George Foreman.

Ripot i tok planti lain i sapatim Tua long dispela resis i bin putim klos bilong ol ailan na retpela nekles we long Samoa ol i kolim long "ulafa" taim ol i lukim pilai i stap.

Tua i save putim retpela nekles, em tumbuna bilas, olsem gutpela mak.

Coca Cola i kisim taim na peim rekot milien long wokim nogut long ol blak woklain



• Tripela long ol blek wokmeri bilong bikpela na namba wan dring kampani bilong Amerika, Coca Cola long brens long Australia bai kisim klostu \$200 milien long kot setelmen. *Piksa i kam long Weekend Australian niuspepa.*

Sief eksekutiv bilong Australia brens bilong Coca Cola Doug Daft i tok kampani i peim rekot \$US192.5 milien o \$Aus370 milien long stretim komplek bilong pasin i no stret we sampela blek woklain i bin putim long kot. Long dispela komplek, ol blek woklain i bin tok bikos skin kla bilong ol i blek, ol i no kisim ol promosen na tu ol arapela pasin bilong rabisim ol i kamap long

wokples. Nau kampani i luksave long hevi na i peim bikpela mani long stretim.

Dispela em namba tu bikpela mani we wanpela kampani i peim long wankain hevi.

Bikpela wel kampani em Texaco i bin peim \$US176.1 milien long 1997 bilong resel diskeiminesen o wokim nogut long sampela lain bikos skin kala bilong ol i narakain.

Hai Kot disisen i tok olpela Fiji gavman em raitpela gavman long lukautim kantri

Fiji:

Hai Kot long Fiji i tok gavman bilong Mahendry Chaudhry we George Speight na lain bilong em i bin rausim long Me19 ku long dispela yia em i rait gavman yet aninit long lo.

Jastis Tony Gates long las wik Trinde i bin mekim disisen we i tok gavman bilong Praim Minista Chaudhry i mas sanap gen na asples interim gavman we Fiji ami i sapatim na i

operet nau i no rait bikos em i no stret aninit long lo.

Kot i painimaut tu olsem Ratu Sir Kamisese Mara em i stap presiden yet.

Jastis Gates i tok Mama lo bilong 1997 em i stretpela lo na ol i no bin bihainim long long rausim ilektet gavman taim ku bilong Mista Speight i bin rausim na putim dispela interim gavman we i stap nau.

Jastis Gates i bin tok Sir Ratu Mara i

mas singautim palamen na ilektet gavman i ken go het long karimaut wok long luakutim kantri.

Interim gavman we i lukautim kantri long dispela taim i stap long ligel presa nau long risain na bihainim disisen bilong kot na mama lo tasol ol ripot i tok ol bai ino inap long mekim dispela.

Jas i bin tok Sir Ratu Mara i mas kwiktam makim

Praim Minista husat i memba bilong Haus ov Representativ na em na sapat bilong haus bai makim gavman. Na dispela em baiu gavman bilong Fiji.

Olgeta memba long gavman bilong Chaudhry em Hai Kot i tok em ol i ligel gavman memba bilong Palamen yet.

Ol ripot i tok Fiji ami bai salensim dispela disisen bilong Hai Kot ya.

Ripot i kamap olsem Prins Charles i gat pikinini long meri Kanada



• Ms Jackson na pikinini Jason. *Piksa i kam long Weekend Australian niuspepa.*

Nu Yok, Amerika:

Nupela stori i kamap na mekim Bakingham Pales i wari bihain long wanpela meri Kanada Janet Jackson i tokaut olsem em bin sikret pren bilong Prins Charles long 22 krismas.

Mis Jackson i tokaut olsem pren pasin namel long en na Prins Charles i bin stat taim meri ya i wok long Britis Konsal opis long Montrie, Kanada long 1975. Na presip bilong tupela i bin pinis tripela krismas i go pinis tasol.

Planti ol poroman bilong Mis Jackson i tok pikinini man bilong em Jason husat i gat 16 krismas i klostu luk wankain olsem Prins William.

Nau ol poroman bilong Mis Jackson i laikim bai Prins Charles i kisim blut tes long luksave sapos manki ya i pikinini tru bilong em o nogat.

Sapos dispela ripot i tru, Jason em bai namba wan pikinini bilong wanpela Prins o King o royel famili bilong Inglan moa long 100 krismas.

Siapan givim K44 milien long PNG

SIAPAN i givim moa long K44 milien long Papua Niugini long helpim kantri long straksarol edjasmen program bilong en.

Mani ya em i hap bilong bikpela lon mani i kam long Siapan bihain long tupela kantri i sainim ol pepa long dispela yia.

Intanesinol Moniteri Fand (IMF) i bin givim K70 milien lon mani long PNG na i no wanpela wik i pinis na Siapan i givim mani tu we nau bai dispela mani i helpim ekonomi bilong kantri.

Narapela mani ogenaisesen insait long riji em Esien Developmen Beng (ADB) husat i tok orait pinis long givim namba tu lon bilong en long PNG we mak bilong mani i stap

olsem K30 milien long stretim ol liklik mani sevis long kantri.

ADB i tok ekonomi bilong PNG i senis we bipo ol manmeri i save planin ol kaikai bilong ol yet tasol nau ol i yusim mani long baim ol kaikai na dispela bai kamapim bikpela hangre na tu ol pipel bai painim hat long baim ol samting olsem skul fi na helt sevis.

ADB i tok mani em i givim bai helpim ol kain liklik wari olsem.

I no longpela taim i go pinis ADB i bin tok orait long kirapim wanpela projek long helpim long developim vokesenol na pasin bilong kirapim bisnis we i ken helpim ol man long kirapim ol liklik bisnis na wokim mani bilong ol yet.

Painim gol long Kuta Rids bai go het

Eksploresen wok long Kuta rids bihain long Maunt Hagen siti i bai go het moa bihain long eksploresen kampani, Rift Resources (PNG) i bin kisim tok orait long rejista bilong maining, Nellie James long sukurim wok bilong ol.

Mis James i bin putim toksave long nius i no long taim i go pinis olsem em i lukim aplikesen bilong Rift Resources (PNG) na i bin tok orait long ol i ken go het long wok bilong ol bikos ol i bihainim seksen 101 bilong Maining Ekt na em i amamas olsem kampani i bihain olgeta samting aninit long seksen 103 (a) na 105 (2) bilong Ekt.

Kampani i bin laikim laisens bilong ol namba 1311 long ron tupela moa yia long wokim wok bilong ol antap long Kuta rids.

Wanpela wodens harim bai kamap long Novemba 22 long Kuta rids.

I bin gat tok win olsem Kuta rids i gat planti sain bilong gol na tu Kuta i bin wanpela ples we ol i save painim gol bipo long Wol Woa II.

Nupela yunion bai pait long helpim ol wokman bilong timba kampani

LYNNE MINIRU i raitim

PAPUA Niugini Timba na Konstraksen Wokas Yunion (PNGTCWU) wantaim ol Intanesinol Federesen ov Bilding na Hudwokas i bin holim pinis wanpela bung wantaim ol Rimbunan Hijau long stretim ol wari bilong ol.

Rimbunan Hijau em wanpela bikpela timba kampani husat i save katim timba insait long kantri.

Jenerel Menesa bilong Rimbunan Hijau, James Lau Sze Yuan i bin bung wantaim ol PNGTCWU long harim ol wari bilong ol.

Presiden bilong PNGTCWU, Fred Mariman i bin makim maus bilong ol memba na wokman bilong Rimbunan Hijau na givim ol as tingting bilong wari bilong ol long Mista Yuan long ples Panakawa insait long Balimo long Westen Provins we ol Rimbunan Hijau i save katim ol diwai.

Mista Mariman i toktok strong olsem wok bilong yunion em long harim ol krai bilong ol memba bilong en na pait strong long sait bilong ol long kisim gutpela pe

na ol narapela samting we ol dispela samting i stap insait long Emploimen Ekt sapta 373 we i stap long lo bilong kantri

PNGTCWU eking jenerel seketri, Beatrice Dindillo i tok em i amamas long Mista Yuan long makim kampani bilong en na kam kisim ol wari bilong ol.

Em i tok nau yet bai ol i wet tasol long taim bilong bung gen we bai kamap long neks yia we ol i bai save sapos timba kampani ya bai stretim ol wari bilong ol o nogat.

"Kampani i tok orait pinis long sindaun na toktok wantaim ol yunion na ol i bin makim Janueri 10, 2001 olsem det bilong skelim ol wari bilong ol wokman," tupela eksekutiv bilong yunion i tok olsem.

Jenerel Seketri bilong Papua Niugini Tred Yunion Kongres, John Paska i tok TUC i sapotim ol tingting bilong PNGTCWU na hop bai Rimbunan Hijau i bihainim stret promis bilong ol long stretim ol wari bilong ol wokman bilong ol.

"Ol wokman bilong timba i save stap long bus na hatwok long katim ol diwai long wokim mani bilong ol manmeri husat i save stap long taun na siti," Mista Paska i tok.

Em i tok ol wokman bilong Rimbunan Hijau i bin komplem olsem kampani i no save lukautim ol gut tasol Rimbunan Hijau i tok strong olsem ol i lukautim gut ol wokman.

"Rimbunan Hijau em i wanpela bikpela kampani husat i gat planti mani na em i mas harim krai bilong ol wokman bilong en na helpim ol," Mista Paska i tok.

Hia em ol wari bilong ol wokman bilong Rimbunan Hijau:

- Kampani mas luksave long ol wok bilong yunion;
- Rausim ol wokman long wok;
- Salim ol wokman i go long narapeka hap long wok;
- Haua bilong wok;
- Lip long wok;
- Ol kaikai ol wokman i save kisim;
- Kios bilong wok na ol narapela samting;
- Pe na sekuriti bilong mani bilong ol wokman;
- Haus bilong ol wokman;
- Helt, sefti na welfe;
- Ol we bilong stretim ol wari, kros na pait bilong ol wokman;
- Trening bilong ol wokman;
- Kampani mas givim wok long ol meri na ol yangpela na
- Wok bung wantaim.

RAMU SUGAR



The Sweetest Thing

Kakao maket ripot

Cocoa Board of PNG Economics Section

Actual Dis and Wet bean prais (Monday, Novemba 20, 2000).

| | | Dis | | Wet Bean | |
|--|----------|----------------|---------------|----------|--|
| | | Kina Per Bag | Toea Per Kilo | | |
| Maket Ripot bilong Kakao long dispela wik | | Rabaul 121 - | 127 | 30 - 45 | |
| | | Kokopo 114 - | 123 | 30 - 49 | |
| | | Kavieng 104 | | 30 - 40 | |
| Mande, Novemba 20 inap long Fraide, Novemba 24. | | Namatana 103 | | 30 - 40 | |
| | | Kimbe 104 | | | |
| | | Buka 17 | 120.50 | 30 - 40 | |
| | | Kokopau 120 | | | |
| | | Lae 108 | | | |
| | | Madang 108 | 25 - 40 | | |
| | | Popondetta 104 | | | |
| | | Wewak 86 - | 112 | | |
| | | Lorengau 103 | | | |
| Indicative cocoa prices | | | | | |
| Current | Previous | Change | | | |
| 02.11.00 | 02.11.00 | | | | |
| New York Closing on 02.11.00 | | | | | |
| 749 | 753 | -4 | | | |
| New York Closing Kina Equivalent | | | | | |
| 2203 | 2282 | -79 | | | |
| London Closing on 02.11.00 | | | | | |
| 583 | 582 | 1 | | | |
| London Closing Kina Equivalent | | | | | |
| 2546 | 2555 | -9 | | | |
| Exchange Rate US\$/Kina | | | | | |
| 0.3400 | 0.3300 | 0 | | | |
| Exchange Rate Pound/Kina | | | | | |
| 0.2290 | 0.2278 | 0 | | | |
| Average Kina per tonne equivalent | | | | | |
| 2374 | 2418 | -44 | | | |
| Estimated FOB Price (less C.I.F Costs) - a/ | | | | | |
| | 2177 | 2221 | | | |
| -44 | | | | | |
| Estimated DIS (Kina/tonne) - b/ | | | | | |
| 1742 | 1777 | -35 | | | |
| Estimated DIS (Kina/bag) | | | | | |
| 109 | 111 | -2 | | | |
| Estimated Wet Bean Price (K/t) - c/ | | | | | |
| 697 | 711 | -14 | | | |
| Estimated Wet Bean Price (toea/kg) | | | | | |
| 70 | 71 | -1 | | | |

Notes:

- a -Weighted average of a CIF, discounts and other costs to export destination
- b -assumes 80 per cent of FOB
- c -assumes 40 per cent of recovery rate

Maket Komentri

Despite the presence of a few potentially bullish items this morning, the cocoa markets of London and New York ended fairly quiet sessions with moderate losses. The early dealings in London included a sharp rise in the value of the Euro against the Pound (and the Dollar) which came as a result of an early round of intervention by the European Central Bank (ECB). The impact on cocoa was expected to be Bullish, as a initial removed the immediate threat of fresh origin sales from Ivory Coast shippers. Unfortunately for the bulls, that never happened. The inability of the New York market to rally, coupled with an afternoon retracement for the Euro to spark an afternoon decline in London which ultimately pulled the nears roughly 1D pounds off of the a.m. highs. The apparent emergence of hedge setting from Ivory Coast sources in the afternoon also added to the downside pressure of both markets while options related selling in New York ahead of today's expiration of Dep00 options magnified the decline further.

Gavman i laik ronawe long ol hevi, Skate i tok

GAVMAN i no stretim yet ol bikipela hevi na wari bilong kantri na em i laik kisim 8-pela mun malolo we i no stret tru long ol pipel bilong Papua Niugini, Oposisen lida Bill Skate i mekim dispela tok long las wik.

Oposisen lida i kolim ol bikipela hevi olsem, stretim ol toktok bilong Bogenvil, hevi bilong Lo na Oda, hevi bilong Hausing, hevi bilong Maining, hevi bilong Edukesen na sampela moa we i wok long kamapim bikipela hevi na wari

insait long kantri.

Mista Skate i tok i no gutpela tru long Gavman i laik lusim ol dispela bikipela hevi i stap na ronawe i go malolo long 8-pela mun olgeta.

Mista Skate i tok sapos Gavman bilong Sir Mekere Morauta i gat namba long lukautim Gavman, em i no ken pret o wari long wanpela samting. Ol i mas go het na holim miting long stretim ol bikipela hevi na wari we i stap tude long kantri.

Em i tok ol bikipela toktok tu

bilang toktok long en em long Fud Sekyuriti. Palamen i mas toktok long ol rot bilong ol pipel i ken kamapim moa kaikai na salim long ovasis bikos tude kantri i wok long kamapim ol kaikai bilong salim long ovasis na tu bilong mipela yet i salim insait long kantri. Gavman i mas sanapim ol polisi na sapot bilong em long strongim ol dispela samting, Mista Skate i tok.

Narapela samting tu Palamen i mas toktok long en em Tred we planti samting em kantri i save

kamapim na salim i go long ovasis. Tasol taim ol kago i go long ovasis maket, mani i save stap bek long ovasis beng inap sampela taim bihain.

Olsem na Mista Skate i tok dispela em wanpela hevi na Palamen i mas toktok long en.

Praim Minista Sir Mekere Morauta i bin tokaut pinis olsem taim Palamen i pasim 2001 Baset bilong kantri, bai ol i go malolo inap long Julai 23 neks yia.

Dispela em long abrusim vot i nogat bilip we inap kamap long Jenuari 23 long neks yia.

Tasol Praim Minista as bilong abrusim vot i nogat bilip em long larim Gavman i sanap strong bai ol wok we Gavman i kamapim long kantri na ol samting em i laik mekim i kamap i ken ron gut. Gavman tu i no ken bungim salens bai ol i ken sanap strong na mekim gut wok bilong em long sevim kantri, Sir Mekere Morauta i tokaut olsem.

Kantri ken senis, ledi Morauta

LYNNE MINIRU i raitim

Papua Niugini bai kamap wanpela gutpela na ris ples sapos olgeta manmeri insait long kantri olsem ol politisen na pablik sevan i bihainim eksampol bilong ol YWCA, meri bilong Praim Minista, Lady Roselyn Morauta i tok olsem long pinis bilong YWCA konvensen long Goroka.

Lady Roselyn i tok YWCA save tok-tok strong long sait bilong ol meri na givim skil trening na givim skul long sait bilong lukautim ol liklik pikinini insait long kantri.

YWCA save givim haus long ol yangpela wokmeri long slip na go long wok na tu kaunseling bilong ol meri husat i gat wari o hevi.

Em tok wanpela gutpela eksampol em wok we YWCA i bin karimaut long pait egensim ol meri na sosaiti.

Long sait bilong famili kros pait, nogat rekod long toksave stret tasol yumi save pinis olsem em i wanpela bikipela problem long kantri, Lady Roselyn i tok.

"Mi lukim olsem nogat planti komyuniti awenes na luksave bilong planti as bilong famili kros pait," Lady Roselyn i tok.

Baset bilong 2000 i katim moa mani i go long ol bikipela eria olsem edukesen, helt, infrastraksa, praimer i indastri na lo na oda, em i tok.

Lady Roselyn i tok bikipela tenkyu i go long YWCA long ol gutpela wok ol i save mekim insait long kantri.

Pipels Progres Pati (PPP) laikim isi Lo bilong ol Pati na Kendidet

LIDA bilong Pipels Progres Pati (PPP) Michael Nali i tok ol i win long stapim nupela Lo bilong Intagriti long Politikel Pati na Kendidet long Palamen long las mun.

Mista Nali i tok gutpela long ol i stapim vot bilong dispela pepa long mekim i kamap Lo bikos dispela inap kamapim wanpela kain Lo we i ken kamapim wan pati Gavman insait long kantri.

Mista Nali i tok dispela inap kamapim wanpela man o grup tasol long lukautim kantri na holim olgeta pawa bilong Gavman. Olsem na i gutpela long em i kamapim dispela salens long stapim vot long i no bin kamap.

Em i tok bikipela tingting tru bilong pati bilong em PPP, ol i laikim wanpela isi Lo long mekim ol memba i join wantaim ol poli-

tikel pati i go inap long taim bilong nesenel ileksen i kamap. Sapos wanpela memba i lusim pati na i laik go joinim narapela pati em i mas risain na go bek long pipel bai pipel i ken kamapim ileksen gen, Mista Nali i tok.

Mista Nali i tok olsem dispela pepa o Bil i mas kam bek long palamen na ol memba i ken mekim ol toktok o senis ol i laikim i go antap long en.

PPP lida i tokaut tu olsem sanap bilong pati long wok bilong Praivetaisesen i olsem ol i no laikim eksen we i wok long kamap tude. Pati i no laikim Gavman i salim olgeta bisnis bilong Gavman long wanpela taim tasol.

Ol i laikim bai Gavman i salim wanwan long wanwan taim. Na bikipela beng bilong Papua

Niugini, PNGBC beng i mas las Gavman bisnis we Gavman i ken salim bihain tru aninit long dispela praivetaisesen wok.

Em i askim Gavman tu long givim wanpela gutpela kliia disisen long wanem eksen Gavman bai mekim long amamasim ol wokmanmeri long planti praivet bisnis na kampani husat i gat mani long Nesenel Providen Fan (NPF) tude.

Mista Nali i tok Gavman i mas tokaut stret long wanem rot em bai i kam insait long stretim hevi bilong planti tausen memba bilong NPF na stapim dispela eksen nau we i laik kamap long katim hap mani o seving bilong ol manmeri long NPF bihain long NPF i bungim bikipela hevi nau long mani.



• Wanpela bikman long hallans i kamap wantaim stail bilas bilong em long Goroka So dispela yia. Foto: SAPE METTA.

Geming Bod skelim mani long ol memba, Skate i tok

GAVMAN i wok long skelim na tilim mani bilong Geming Bod long ol memba bilong Palamen long holim ol i stap strong na sapotim Gavman wantaim namba bilong ol, Oposisen lida Bill Skate i tokaut long dispela long las wik.

Mista Skate i tok ol i save olsem long wik i go pinis na tu long las wik, ol memba bilong Palamen i wok long kisim mani i kam long Geming Bod long baim ol ka bilong ol wantaim. Tasol dispela mani i bilong Gavman i stretim ol hevi na wok bilong haus sik, skul na ol arapela sevis insait long ol komyuniti.

Mista Skate i tok tu olsem Praim Minista Sir Mekere Morauta i no bin bekim wanpela gutpela ansa long ol toktok o askim bilong ol memba na ol Oposisen memba long Palamen long las wik i kam. Planti kwesten i sut-

long hevi bilong mani na ol bikipela hevi we kantri i stap long en tude.

Mista Skate i tok em ino amamas tru long ol bekim bilong Praim Minista bikos ol ansa bilong em i no stret na i no sut stretim long bekim na mekim kliia ol kwesten we i kamap. Dispela i soim olsem Praim Minista wantaim Gavman bilong em i no wari long ol hevi na ol samting we i no stret long kantri, Mista Skate i tok.

Mista Skate i tok em i kisim sampela tok stia long ol Lo man olsem pasin Praim Minista i mekim long sainim pasbuk wantaim wanwan memba long kisim Rurel Eksen Program (RAP) mani bilong ol i no stret olgeta. Na em i skelim dispela olsem wanpela pasin we Praim Minista i laik mekim long pulim ol memba long stap long sait bilong em wantaim mani bilong ol distrik.



PNG Tisas Seivings na Lon Sosaiti Limited
Opis bilong Genel Menesa

Taim bilong 1999 Enuel Genel Miting i senis


Toksave i go long olgeta Fainensel Memba olsem, taim bilong holim 1999 Enuel Genel Miting i senis pinis. Dispela Enuel Genel Miting long Wewak long St. Benedik's Kaindi Tisas Koles Hol long Sarere, 25th November bai i NO NAP go het.

Mipela bai i tokaut gen long olgeta Fainensel Memba long nupela de na ples long holim dispela miting long sampela taim bihain.

PETER MARYOUSHU AURU,
Siaman bilong Bod

ANDREW IMAROTO,
Genel Menesa

Tupela brata i stilim wanpela pik



LONG bipo bipo tru, tupela brata i stap. Nem bilong tupela em Kera na Nikinits. Tupela i bilong ples Kumb insait long Westen Hailans.

Tupela em gutpela na yangpela man tasol nogat wok gaden bilong tupela. Wok tru bilong tupela em stil tasol.

Tupela i save stilim pik, dok, kakaruk na planti ol gaden kaikai. Long wanpela nait tupela i go painim pik long narapela sait. Nikinits i lukim traipela pik i slip klostu long wanpela haus. Kera i no lukim, tasol Nikinits i tokim Kera na Kera i kisim spia bilong em na kilim pik ya.

Tupela i karim i kam long wanpela haus we i nogat man long em. Kera i tokim Nikinits long go kisim paia na katim bus kumu. Kera yet em i redim ples bilong mumu. Em i go insait long haus na putim han i go antap long bet bilong kisim paia-wut. Tasol i nogat paia-wut na em i putim han stret long wanpela samting i kol tru. Kera i laik save long wanem samting na em i holim i go kam. Bikos i nogat paia o lait. Em i holim i go na holim susu bilong wanpela meri. Meri i dai na ol i putim bodi bilong em long hap. Kera i pret nogut tru na em i lusim pik

na em no toksave long brata bilong em Nikinits, na em i go long haus bilong tupela. Orait Nikinits i kisim paia na kumu na karim i kam long haus ya, em i lukim dai pik ya i stap, tasol brata bilong em Kera i no stap.

Em singaut i go nogat nau, em yet wokim paia na kukim gras bilong pik. Nau smel bilong gras bilong pik i inapim haus na tewel bilong meri ya i kamap ples klia na Nikinits i lukim em. Man Nikinits i pret nogut tru na gras long skin bilong em i kirap. Hariap tasol em kukim gras bilong pik na kukim ston na long mumu. Em mumu pinis em i

putim wanpela ston long paia na ston em hat na hat nogut tru stap. Nikinits pret wantaim em rausim mumu. Smel bilong mumu i kisim haus na Nikinits i lukim tewel meri i sanap long arapela sait bilong mumu. Em pret wantaim rausim mumu, putim long bilum na redi gut, em kisim dispela ston long paia na putim long maus bilong tewel meri na kisim bilum pik na stat ron.

Tewel meri i pen na ronim Nikinits na Nikinits i ron wantaim bilum pik.

Nikinits i ron i go kamap long haus tasol sori tumas Kera i pasim dua strong na em i slip pinis.

Nikinits i ron go tasol putim het long dua na dua plai i go slip antap long paia. Tewel i ron i go long dua bilong haus na lukim Nikinits i stap insait long haus, na em i kam bek.

Nikinits slip long plua i no em i orait em kisim wanpela stik givim long het bilong Kera na blut i kapa-sait, tupela pait i go na bihain pait i stap na tupela kamap wanbel.

Tupela kaikai dispela las pik na bihain moa tupela i no stil.

**Jomaki Mango
Mt Hagen**

Nem: Shorty Steven Undi
Krismas: 17 (man)
Adres: P.O Box 282, Waigani, NCD.
Save laikim: Pen pren long PNG, lainim narapela kastom, raun lukim narapela ples na raitim pas.

Nem: Lesslie Luke Kerry
Krismas: 17 (man)
Adres: c/o David Jessy, P O Box 1, Port Moresby, NCD.
Save laikim: Mekim pen pren, lukim narapela ples, amamas raun wantaim ol poroman na lukim narapela ples.

Nem: Tisa Andrew
Krismas: 20 (man)
Adres: P O Box 282, Waigani, NCD
Save laikim: Raun wantaim pren, go lotu, draiv na raun wantaim ol poro na raitim pas.

Nem: Ben Kama
Krismas: 16 (man)
Adres: P O Box 40, Minj. WHP
Save laikim: Harim musik, raitim pas i go kam, senisim poto, raun tok pilai wantaim ol mangi.

Nem: Raymond Hansip
Krismas: 18 (man)
Adres: Madang, P O Box 1122, Madang province
Save laikim: Pilai ragbi harim lokol musik, go long skul olgeta de na ridim Wantok niuspapa.

Nem: Adolphia Ergov
Krismas: 15 (meri)
Adres: Josephstaal Catholic Mission, PO Box 750, Middle Ramu, Madang Province
Save laikim: Harim lokol musik, go danis, harim tumbuna stori, mekim pren long kantri o provins na senisim presen.

Nem: David Dalsen
Krismas: 18 (man)
Adres: Bulal village, PO Box 521, N.C.R, Madang Province
Save laikim: Go lotu, pilai soka, voliball, waswas long solwara, harim musik na tokpilai wantaim ol poroman o meri.

Nem: Selisa Kapango
Krismas: 21 (man)
Adres: Bebere Plantation, PO, Kimbe, WNB
Save laikim: Go lotu, harim gospel musik, pilai soka, ragbi tas, basketbol, volibol, tok pilai wantaim narapela bratasusa, raitim pas wantaim pen pren long narapela provins.

Nem: Cletus Motop
Krismas: 16 (man)
Adres: PO Box 206, Tabubil, Western Province
Save laikim: pilai basketbol, soka, lukim EMTV, raitim leta long pen pren, harim singsing lotu na go long lotu.

Nem: Jenny Taraby
Krismas: 15 (meri)
Adres: Tabubil High School, PO Box 206, Tabubil, WP
Save laikim: Raitim leta long pen pren.

Nem: Elajjah Nasnas
Krismas: 16 (man)
Adres: St John's Napakoi, PO Box 107, Wewak, ESP
Save laikim: Harim musik, raun wantaim pren, raitim pas i go kam na sensim poto.

Nem: William Serex
Krismas: 17 (man)
Adres: St John's Napakoi, PO



Box 107, Wewak, ESP
Save laikim: Harim musik, pilai soka, raun wantaim ol poro, raitim pas i go kam na sensim poto.

Nem: Andrew Ame
Krismas: 16 (man)
Adres: New Town Store, PO Box 41, Bialla, WNB
Save laikim: Pen pren wantaim wanpela gutpela meri, salim pas go kam na marit, pilai soka, volibol na waswasBai bekim olgeta pas.

Nem: PriscillaAgyeman
Krismas: 25 (meri)
Adres: P O Box cc 366, Royal Lane. Cape Coast. Ghana.
Save laikim: mekim luv, raun lukim ples, musik, danis, senisim tingting na ol presen.

Nem: Joyseline Ayensu
Krismas: 26 (meri)
Adres: P O Box cc 1542, Oguaa, Ghana. West Africa.
Save laikim: Raun lukim narapela ples, bungim ol narapela pipel, mekim luv, painim marit, senisim presen, waswas.

Nem: Queen Victoria
Krismas: 23 (meri)
Adres: P O Box SU 375, Agona Swedru, C/R. Ghana, West Africa.

Save laikim: mekim luv, kuk, rait long ol pren, musik, danis, raun lukim narapela ples na tingting strong long painim wanpela man bilong marit.

Nem: Pristila Joel
Krismas: 25 (meri)
Adres: P O box-sw 325, Agona Swedru c/r. Ghana, West Africa.
Save laikim: pen pren wantaim ol manmeri na laik marit.

Nem: Francis Estanban Yankson
Krismas: 29 (man)
Adres: Asuansi Technical Institute. P O Box 162, Cape Coast, Ghana, West Africa.
Save laikim: danis rap, musik, basketbal, senisim presen na raun lukim ol pren.

Nem: Enoch Otobil
Krismas: 16 (man)
Adres: Asuansi Technical Institute. P O Box 162, Cape Coast, Ghana, West Africa.
Save laikim: danis, pilai futbol, musik, senisim presen, swim long nambris.

Nem: George Williams
Krismas: 19 (man)
Adres: Asuansi Technical Institute. P O Box 162, Cape Coast, Ghana, West Africa.
Save laikim: pen pren, singsing, senisim presen.

Nem: Henry Adotey
Krismas: 18 (man)
Adres: Asuansi Technical Institute. P O Box 162, Cape Coast, Ghana, West Africa.
Save laikim: singsing, musik,

Toksava: Olgeta laik rait long ol penpren bilong Africa mas raitim pas bilong yu long tok English.

Mi wari bikos i hat long mi painim gelpren



Dia LAIPPLAIN,

Mi bin wok long disiplin fos long 10-pela yia nau. Mi painim hat tru long painim wanpela gel pren.

Taim mi stap long wanpela kostal taun, mi bin gat wanpela gel pren. Mi stap long hailans nau. Taim mi transfe i kam antap long hailans, mi painim i hat moa. Mi traim long painim wanpela gel pren tasol olgeta we mi traim i no wok.

Lonely

Dia Pren

Situasen bilong yu i kamap

bikpela long planti ol taun bilong yumi na i gat tupela bipela risin long dispela. Namba wan samting en, ol man olsem yu i bin lusim ol pasin tumbuna na kastam bilong ples. Namba tu samting en, namba bilong ol man i antap moa long ol meri. Tasol dispela tupela risin mipela bilip in no inap long pasim save bilong yu long painim wanpela gutpela patna o pren.

Yu no bin tok klia long sampela we yu traim long bungim ol meri. Yu bin jonim wanpela grup olsem spots klub, sios felosip o sampela arapela grup we yu ken lainim nupela skil o bungim ol arapela man i gat wankain interes long dispela ol taun?

Ating sampela bilong ol wanwok bilong yu i mas gat ol gel pren huset inap long introdusim yu long ol pren meri bilong ol. Yu bin askim tu ol lain famili bilong yu long makim wanpela meri long eria bilong yu?

Yu bin tok long nambawan gel pren bilong yu. Yu misim em tu? Yu save rait o toktok wantaim em long telipon? Em bin kisim wari tu long taim yu lusim em? Yu bin bungim tu ol lain famili bilong em na ol i amamas long dispela prensip bilong yutupela? Yu bin toktok wantaim em na traim mekim sampela samting long mekim em i kamap meri bilong yu?

Sapos nogat wanpela bilong ol dis-

pela sagesen i helpim yu, ating ol hevi bilong yu i no bilong mekim pren wantaim ol meri tasol i mas olsem yu no inap long mekim dispela presip i go het.

Yu save givim taim long ritim ol buk samting na kisim save long ol samting i no wankain long ol man na meri? Dispela em ol kain samting olsem we ol man save fil, tingting na mekim samting na we rilesinsip save wok.

Traim sindaun na skelim ol sampela pasin bilong yu yet sapos i gat sampela samting i pasim yu long pren wantaim ol meri. Skelim yu yet sapos yu gat kros o bel hat tingting long ol meri, pasin bilong so of o apim nem bilong yu yet we i mekim ol meri na ol man i no laikim yu.

Traim senisim ol sampela intres na ol samting yu save laik long mekim. Traim divelopim skil bilong yu long rit, rait na toktok gut we bai i helpim yu long serim ol tingting na filim bilong yu wantaim ol arapela.

Yu ken kisim kaunseling sapos i gat dispela sevis i stap long wok ples bilong yu. Yu ken toktok long ol dispela hevi bilong yu wantaim wanpela mamba bilong famili yu gat trus na bilip long em o yu ken kisim helpim tu long pasta or pris bilong yu.

LAIPPLAIN

KANAGE



man. Nau maus i abrus na tok, coming forever ya maybe.

Tom Fullru Madang

Kanage em i bilong Sitak 15 long Yangkok, Sandaun provins. Em kam wok long Vanimo taun na em i gat gaden long bus bilong Rawo. Em long Vanimo, Wes Sepik provins. Long wanpela Sarere moning Kanage wantaim meri pikinini bilong em kism ka na tekov long gaden long rot. Yu save long pasin bilong Kanage, em i no man ya? resa bilong Sandaun. Kanage i go stopim ka arere long gaden nau Misis Kanage wantaim ol kism ol samt- ing go putim i stap na ol rausim ol pipia long gaden. na Kanage em gat bilum bilong em. Dispela bilum em rais beg 10 kilogrem em pulumapim buai, daka long en. Em go sindaun long wanpela diwai na kaikai buai i stap. Misis Kanage wantaim ol manki wok i stap. Nau Kanage kaikai buai pinis em i laik go long wok. Taim em i laik go long wok em tingting long lusim trausis, em ting em dabolim trausis, nau em stat long rausim T-siot hangamapim long diwai pinis orait em rausim trausis na laik hangamapim wantaim T-Siot bilong em, nau Misis Kanage tanim lukim Kanage em stap wantaim pens tasol na em singaut long ol manki yupela lukim Kanage em mekim wanem. Kanage tu em paul na em tu lukluk nabaut nau em lukuk i go daun long em yet na em luksave olsem em stap wantaim pens. Long dispela taim ol manki lap i dai stret long gaden.

Alphonse Guri

Vanimo

Kanage em bilong Wes Irian na nau em stap wantaim wanpela wantok long Kiunga. Poroman bilong Kanage i no save olgeta hap kona long Kiunga taun. Tasol em save long las kona ples we em i stap na wanpela em Michael Kona. Wanpela taim Kanage em go raun long Michael Kona long 4 kilok. Em go raun long Monfot komyuniti skul fil na em lukim wanpela kona meri wokabaut kam long Jung Jundo Trening ples na meri ya em holim bikipela kap tu na kam. Na trangu Kanage i kirap na askim meri ya olsem, meri yu kam longwe na meri ya i bekim em olsem mi kam long dispela trening ples. Na Kanage i kirap na tokim meri ya olsem yu westim taim bilong yu long wanem. Tasol mi wanpela nambawan faita bilong wol olsem na mi ken lainim yu. na meri ya i amamas nogut tru long em na em pren wantaim em. Na Kanage i kirap na tokim meri ya olsem sapos yu no bilip tumas long mi yu ken tromoi kap long testa bilong mi na meri ya i tokim em olsem nogut mi kilim yu. tasol Kanage i fosim em na meri ya i gimanim em long tromoi tasol Kanage em i no biokim wanpela samtng em putim han bilong em fri. na bhain meri ya em tromoi kap stret long testa bilong em na Kanage em dai nating antap long mat. Na em kism bikipela hevi na blut i roh olsem wara. Dispela taim tasol Kanage i givap long stap long Kiunga na em go olgeta long ples.

Elias Katep Kiunga

Kanage em bilong Sepik insait long las Kubex. Poro bilong em i Gret 5 drop aut bilong Urimo komyuniti skul. Long tingting

bilong Kanage, dispela em i gat bikipela tingting stret olsem em i mas go long hai skul tasol yet em i no go long hai skul so bikipela wari i kilim em stret. Wanpela taim bikbro Kanage i laik i go long taun na painim wok. Em i karim Gret 6 pepa na i laik painim wok. Tasol ol bos i tokim em olsem, sori tumas. Mipela i painim Gret 12 tasol. Kange i belhat na i go raun long Goroka. Yet em stat long konim ol meri Goroka olsem em wanpela pablik sevan. Olgeta taim em save pulim su soks i go antap long bun lek na ekting stret. Wanpela meri Goroka i pundaun long em. Meri Goroka i ting em sans long maritim dispela pablik sevan na sindaun nating long haus na kaikaik mani bilong em i stap. Sampela taim bhain meri ya i painim hat long mani na tokim Kanage. Yu Kon man. Kanage i smail tasol na tekov.

Stanley Numbokas Wewak

Kanage i bilong ples endipi. Kanage i wanpela hetman we olgeta Sande em i save autim tok long ol manmeri i harim. Wanpela Sande Kanage i autim tok na em i lukim wanpela naispela na yangpela meri tru sindaun long kona bilong haus lotu. Kanage i bin gat tingting long dispela yangpela meri. Na taim lotu pinis olgeta manmeri i go ausait. Kanage i giman long lewa bilong em i pen. Kanage i tokim meri ya olsem kism wara na givim mi. Lewa bilong mi i pas. Trangu yangpela meri ya i sori long Kanage i pilim pen wantaim lewa bilong em. Na em i go kism wara i kam givim Kanage. Long dispela taim Kanage i autim wanem tingting em i gat long en, meri ya i tok em i gutpela tingting bilong yu. Tasol mi

pret papamama bilong mi bai kros long mi tupela pren. Kanage i tok hey. Yu harim it's our like and we friend don't talk it out stay for you and stay for me. Meri ya harim olsem na kilim long lap na das i go ausait.


Robert Les Endipi

Kanage i bilong Manus. Em go raun long Rabaul na wanpela masta i kism em long wok klina. Orait masta i salim Kanage i go long stoa long baim hambaga. Kanage i stat wokabaut i go long stoa em kolim hambaga, hambaga, hambaga, hambaga i go kiostu long stoa na em bamim lek bilong em long ston. Na em i lus tingting long kolim hambaga na em go insait long stoa. Em putim mani antap long kaunta na stoakipa kism mani na askim Kanage. Yu laikim wanem. Kanage i tok mi laikim samtng ya bilong skinim i go antap na skinim i kam daun. Na stoakipa kism mani na askim Kanage yu laikim wanem na Kanage i tok mi laikim samtng ya bilong skinim i kam daun. Stoakipa i no save long dispela samtng na i askim Kanage gen Kanage i tok em ya samtng ya ol save skinim i go antap na skinim kam daun ya. Stoakipa stat holim olgeta samtng na Kanage i tok nogat, nogat, nogat, nogat na taim stoakipa holim hambaga na Kanage i tok em tasol ya samtng ol save skinim i go antap long taim bilong raun ya. Na stoakipa i tokim Kanage olsem dispela samtng yumi save kolim hambaga na Kanage harim olsem na em kism hambaga na em tekov i go long masta bilong em.

Ken Jacob Bliala

Macheal Amapos Aitape

Kanage i bilong Madang hap long ples Amele. Wanpela taim Kanage wantaim ol poroman bilong em i go long wanpela Tred Stoa na baim rais na sampela samtng gen. Na ol i go long wara bilong kuk. Taim ol i kuk pinis nau taim bilong Kanage i laik serim kaikai. Kanage serim kaikai pinis na em tokim ol boi bilong em long pasim maus na brukim het na pasim ai bilong ol. Na ol i pasim ai bilong ol na Kanage i stat long pre. Na em i laik pre olsem kam bik-





Word Publishing has vacancies in the following positions:

EDITOR, PNG BUSINESS

Qualification: A Degree or Diploma in Journalism with five years experience in business reporting.
Housing not provided.

EDITOR, SUPPLEMENTS

Qualification: Degree or Diploma in Journalism with five years experience as a journalist.
Housing not provided.

JOURNALIST, Lae Office

Qualification: Degree or Diploma in Journalism. Five years experience as a journalist.
Housing not provided.

JOURNALIST, Wantok Niuspepa

Qualification: Degree or Diploma in Journalism. Five years experience as a journalist.

SALES REP, Lae Office

Qualification: Diploma or Degree in Marketing. Five years in newspaper advertising sales.
Housing not provided.

LAYOUT & DESIGN - 2 positions.

Qualification: Degree or Diploma in Arts/Design would be ideal. Three years experience in layout and design using Quark XPress and Adobe Photoshop.
Housing not provided.

Applications must be addressed to:

The General Manager,
Word Publishing,
P.O.Box 1982,
BOROKO, NCD.

Applications close on
Friday November 17, 2000.

BEREAVEMENT

We the Vanua Rei, Hanua Rei and Geuanamo Rei Family would like to thank the following people for their assistance and support during our time of bereavement.

- NOU TUBUNA FAMILY
- NURSES CHRISTIAN FELLOWSHIP OF PMGH
- PNG TOURISM PROMOTION AUTHORITY MANAGEMENT & STAFF
- WORD PUBLISHING STAFF ESPECIALLY RAINBOW ESTATE STAFF
- GEREHU STAGE 6 COMMUNITY

THANK YOU

REI FAMILY OF GEREHU STAGE 6.

Memorial Service

for



Br Fridolin Schlierenzauer, SVD

This is to inform friends of the passing of **Br Fridolin Schlierenzauer** in Brisbane on Tuesday, November 21.

A memorial service for Br Fridolin will be held at 5pm today, Thursday November 23, 2000 at St. Joseph's Church Boroko.

POSITION VACANT

CATHOLIC EDUCATION SECRETARY

The Catholic Diocese of Goroka seeks the applicants for the position of the Catholic Education Secretary. The appointed person will also be required to coordinate religious education activities within the Diocesan Schools.

Applicants should be qualified teachers with headmaster experience and should be in good standing with the Catholic Education Agency. A Curriculum Vitae will be required.

Applications close on Friday 15th December 2000.


For a formal application form please apply in writing to:

The Chairman,
Diocesan Education Board, P. O. Box 760, GOROKA, EHP.



DIPATMENT BILONG LENS NA FISIKO PLENING

SINGAUT LONG PEIMENT




MINISTA BILONG LENS NA FISIKOL PLENING I LAIK SALIM TOKTOK GEN I GO LONG OL STET LIS-HOLDAS OLSEM OLGETA AUTSTENDING LEN RENTELES WANTAIM OL ARAPELA BILONG DISPELA YIA, 2000 I OVADIU PINIS. SAPOS YU NO BIN KISIM WANPELA RENT DIU NOTIS O TOKSAVE YU GAT KOMITMEN YET LONG BAIM RENTELES BILONG YU ANINIT LONG TEMS NA CONDISEN BILONG OL STET LIS. DIPATMENT BAI FOFITIM OL STET LIS SAPOS OL STET LIS HOLDA I NO BAIM OL RENTELES BILONG OL.

DISPATMEN BILONG LENDS NA FISIKOL PLENING I KEN GIVIM RENT DIU NOTIS O TOKSAVE I GO LONG OL STET LIS HOLDA WANTAIM RAIT POSTEL EDRES. I GAT SAMPELA STET HOLDAS HUSAT I NO BIN TOKSAVE LONG DIPATMEN LONG POSTEL EDRES BILONG OL. DISPELA TASOL NA SAMPELA RENT DIU NOTIS O TOKSAVE I BIN KAM BEK KEN LONG DIPATMEN BIKOS NAGAT MAN I BIN KLEIMIM OL. OLGETA STET HOLDAS NA OL ARAPELA LAIN I MAS TOKIM DIPATMEN BILONG LENS NA FISIKOL PLENING SAPOS OL I SENISM POSTEL EDRES BILONG OL.

DISPELA WOK LONG KISIM BEK OL STET LIS LONG OL MAN HUSAT I NO BAIM RENT BILONG OL I WOK LONG GO HET. DIPATMEN BAI KISIM BEK PLANTI PROPATI BIHAIN LONG OL WIK I GO HET SAPOS OL STET HOLDAS I NO BAIM RENTELES BILONG OL HARIAP. OL DISPELA STET LISES HUSAT I NO BAIM YET BAI DIPATMENT I EDVETAISIM OL TOKSAVE LONG OL LONG BAIM HARIAP, TASOL DISPELA I NO MIN OLSEM DIPATMENT BAI PABLISIM OL NEM BIILONG OL STET HOLDAS BEIFO EM I FOFITIM OL PROPATI BILONG OL.

LONG PAINIM AUT MO LONG OL AUT STENDING RENTEL BILONG LIS BILONG YU, PLIS RINGIM KASTOMA SEVIS LONG TELEFON NAMBA 301 32 85 O 301 3277.


GUAO K. ZURENUOC, OBE
SECRETARY FOR LANDS AND PHYSICAL PLANNING

Where to go Where to stay Accommodation Guide



Port Moresby

BUDGET INN

QUALITY FOR LESS

Affordable airconditioned rooms with ensembles for Business and Holiday makers Pokies and Restaurant Facilities available

323 1611

Fax: 325 5991
P.O. Box 6361, Boroko.

Rabaul

THE BEACH HUT LODGE

K95.00 per night

P.O. BOX 924, RABAUL, E.N.B.P.
PHONE: 982 9226 FAX: 982 9225

Lae

KLINKII LODGE

Lae

25 Rooms

Breakfast, Lunch, Dinner available

GROUP BOOKING DISCOUNTS

472 6040 472 7359

Facsimile: 472 5931

Hagen

NU-WAKA LODGE

Cheapest Executive Style Rooms at Affordable Rates:

- * Two Restaurants * Hauswin Bar * 17 Deluxe Rooms
- * Satellite TV's, In-House Movies, Phones, Freezers, Shower and Coffee making facilities in each room.
- * Located 11m to Town from Airport * Safest, Friendly Environment
- * Special Weekender-Rates

"When in Hagen, Stay With Us"

Ph: 542 2888 Fax: 542 2886
P.O. Box 739, Mt Hagen

IN THE HEART OF THE CITY

The Most Convenient And Comfortable Budget Accommodation

All Airconditioned Rooms with Satellite Colour TV

321 7983

Fax: 321 7396

Cnr Douglas & Hunter Sts.
P.O. Box 1319, Port Moresby

Rabaul

Hamamas Hotel

"Simply the best address in town"

BUDGET rent-a-car CAR

Airport Lounge

P.O. Box 214, Rabaul

Phone: **982 1999** Fax: **983 1970**
hamamas@global.net.pg

HONALE 414

LAE GUEST HOUSE

Weybank Street Opposite Sp Brewery

Planning a weekend hideout in comfort or on business trip to Lae. We have a place for you at our prestigious guest house at the corner of Weybank Street. We invite you to experience our service and check out the unbeatable rates: Single K50/night, Double K65/night day only K50.00. Self-contained K65/night Double K76. We also provide airport pick up and drop off at mere K10 for our guest. For reservation please ring us on

Phone: 472 7761 Fax: 472 3702.
Enquiries are welcome and hope to see you soon!

HAGEN AIRPORT MOTEL

- 20 Deluxe Rooms • Multi Channel TV
- Alcohol and Pokies Free Zone • Restaurants
- Pick up bus available

Only a minute away from the airport

For a quiet and relaxing stay in Mt Hagen.

Call Paul Owen on 545 1647 or fax 545 1618.

Double Rooms K110.00 VAT inclusive
Single Rooms K 88.00 VAT inclusive

The Weigh Inn

PORT MORESBY

Excellent Accommodation at budget prices. Great location on freeway. One minute to town, drive five minutes to Airport. Free Airport Transfer

- * 22 Air-conditioned rooms with ensuites
- * Bars
- * 25 Channel Satellite TV
- * Restaurant
- * Back-up power & water

PH: 321 7777 or 321 1332
Fax: 321 3888

KOKOPO VILLAGE RESORT

100% NATIONALLY OWNED

- * Budget Priced to Luxury rooms • Air Cond. TV & Coffee/Tea Facilities in all rooms • Large garden setting with a superb sea view • Central to all Amenities & Attractions • Excellent Restaurant
- * Car Rental • Airport Transfers

We specialise in catering for all occasions

Call us Now on
Phone: (675) 982 8060 or (675) 982 8070 or (675) 982 9096 or (675) 982 8360
Fax: (675) 982 9061, P.O. Box 288, Kokopo.

LAE TRAVELLERS INN

Newly Open!

Providing Affordable but Quality Accommodation in Lae

Lae Travellers Inn boasts 36 fully sec. complexes comprising: 3 Deluxe suites *20 standard rms with ensuites *11 Budget rooms *Conference room to fit 20 *Dining facilities *Commercial laundry and more than adequate off street parking all in a quite area of Lae City.

All deluxe and standard rooms are a/con. have direct dial tel. cable and channel TV. Located on Vee St. of Coronation Drive, For enquiries and bookings call us now!

PH: 479 0416, P.O. Box 1918, Lae, MP 411

POPONDETTA

ORO GUEST HOUSE & Sun-Biripa Lodge

* ECONOMICAL * TOWN CENTRE * GOOD QUALITY ACCOMMODATION

CENTRE OF TOWN 21-CH. TV

"At Home" Atmosphere K65 Single K92 Double K114 Triple

WEEK END SPECIAL Fr/Sa 1/2 Price FOR TOURISTS...ESCAPE MORESBY Pass.Ship:
Lae(We) Alotau (Mo)

PH: 329 7127/438 Fax: 329 7246,
Box 2, Popondetta, Oro Province.

KOKODA TRAIL MOTEL

(SOGERI)

16 Family Rooms self contained Bar, Pokies, Restaurant, Conference facilities, BBQ, Swimming Pool.

We cater for functions, conferences. Just 35km from Port Moresby. Room rate K60.00 per night.

Quote for conference or functions.

P.O. Box 374. WAIGANI NCD.
Ph: 325 4403, 325 4890

Seaview Beach Resort

Superb in Location, Best in Value

To make your stay with us a great experience we have comfortable air condition rooms, with private shower and toilet, cable TV, mini bar fridge, phone, coffee/tea making and study facilities.

ROOMS: Singles K75.00 per night, Double K100.00 per night, Transit K55.00 per day.

Added Bonus: Tropical Breakfast, Airport Transfers. For enquiries or reservation contact: Anne Marie Arns, Ph: 982 8447/982 8377. Fax: 982 8071, e-mail: arns@datec.com.pg
P.O. Box 2259, Rabaul, ENBP.

MADANG

MADANG LODGE MOTEL & APARTMENTS

WATERFRONT ROOMS & APARTMENTS, SWIMMING POOL - CABLE TV, PIZZA, SEAFOOD & CHARGRILL STEAKS, CONFERENCE FACILITIES - HERTZ RENT A CAR.

PH: 852 3395 FAX: 852 3292

EMAIL reservations@madanglodge.comp.pg
website www.madanglodge.comp.pg

GOROKA

GOROKA LODGE GOROKA

Budget Accommodation Single to Family including Ensuites

- COURTESY BUS • COLOUR TV
- LICENSED • LARGE SWIMMING POOL

2 minutes from Airport

Ph:732 2411 or 732 1009 Fax: 732 2307
McNicholl St-P.O. Box 343, Goroka

The Shady Rest Hotel

The Best Rest in Town offers full facilities including

- Pub Bar and dining facilities • Gaming area and Lounge • Small conference and function Venue
- Low to Medium Rate Accommodation

We Look Forward to Being of Service to You

P.O. Box 5367, Boroko Ph: 323 0000
Fax: 323 0060
Email: shadyrest@daltron.com.pg

SUBMARINE BASE RESORT HOTEL RABAUL

- * 10 Air Conditioned Bangalows on Beach
- * Single to Family room
- * Beautiful snorkelling and diving on doorstep
- * Bar and Restaurant on Waterfront
- * TV Satellite
- * Submarine caves and Japanese Tunnels
- * Daily sightseeing tours * Airport Transfers

Phone: (675) 982 7200
Fax : (675) 982 7206
Nonga Road, P.O. Box 1, Rabaul, ENB.

MADANG

RESORT HOTEL

- All rooms Fully Air conditioned • Private Facilities/ Shower, Toilet
- Coffee Making facilities • Multi Channel TV, Telephone, & Radio
- Deluxe & Executive rooms with fax machines • Mini Bars

Accommodation Rates:
Standard: - K165/single, K180/twin double,
Deluxe: - K220/single, K235/twin double,
Executive: - K300/single, K315/twin double

All Rates are per night and are subject to 10% VAT

P.O. Box 111, Madang, 511, Papua New Guinea
Tel: (675) 852 2655 Fax: (675) 852 3325 Email: mzh@meltours.com

BUKA

RABANZ GUEST HAUS

IN THE HEART OF BUKA

"a 3 minute drive from the airport walking distance from the market & commercial centre & overlooking the Buka Passage"

Catering for Functions-6 Rooms, TV in Rooms-Laundry-Coffee Shop/Restaurant

Phone: 973 9730
Facsimile: 973 9950
P.O. Box 78, Buka, NSP.

GRANVILLE MOTEL

Excellent Conference Facilities Hire Car & Stretch Limousine

- 129 Ensuite Rooms • Self-Contained Units
- Bar/Restaurant • Weekly Live Bands
- Cable TV/Air Conditioned.

CLOSE TO AIRPORT
P.O. Box 1246, Boroko, NCD
Ph: (675) 325 7155 Fax: (675) 325 7672
Email: granvill@online.net.pg

KAVIENG

MALANGAN BEACH RESORT

ROOM RATE: Single K180.00 + Vat
Twin K195.00 + Vat

Rooms with A/C, Ciding fan, Bar fridge, Tea/Coffee facilities, Private Bathroom, IDD/STD Telephone, Restaurant, Bar available. P.O. Box 238, Kavieng, Ph: (675) 984 2344 Fax: (675) 984 2452

Smugglers Inn Resort Madang

(MADANG MODILON ROAD)

- Deluxe Accommodation
- Waterfront Accommodation
- Apartments (2&3 bedrooms)
- Waterfront Restaurant
- Conference Facilities
- Guest Swimming Pool & Spa
- Cable TV & Airconditioning
- Free Pick Up & Transfers

PH: 852 2744 Fax: 852 2267
P.O. Box 303, Madang, Madang Province

Hani's Inn

Experience the Newest Comfort in Buka

- Air Conditioned Self-contained units for privacy
- Fridge & coffee making facilities
- TV equipped with multi-channels
- Restaurant & Tumola Coffee Shop available
- Within the heart of Buka Township

Visiting Buka!! Book early!!

Phone: 973 9930
Facsimile: 9739930
P.O. Box 973, Buka, North Solomons Province

AMBER'S INN - BOROKO

30 BEDROOMS

Single, Double & Family
Airport Transfers
Garden Courtyard
Satellite TV, Swimming Pool,
Guest Kitchen, Dining Room,
Laundry Service, Private & Share Bathroom Facilities,
Courtesy Transfer, Guest Laundry

FACSIMILE: 325 9565
Mairi Pl, Boroko **323 0624**
P.O. Box 1139, Boroko **325 5091**

KAVIENG HOTEL

- 22 Air Conditioned Rooms
- Licensed Restaurant
- Budget Accommodation
- Airport Transfers - Hire Cars
- Cable TV

VANIMO

Vanimo Beach Hotel

(Owned by Relat Indah Limited)

- Hotel Rooms & apartment units
- Self contained, fully air conditioned, TV cables
- International standard restaurant
- Poker machine, video game, snooker etc
- Public bar
- Standby generator

Ph: 857 1102 or 857 1310, 857 1318 or 857 1018
Fax: 857 1131 or 857 1203 - P.O. Box 41, Vanimo
All are Welcome

ENGA

Orchid Lodge Ltd.

KOL ACCOMMODATION

SINGLE: K75.00 per night
DOUBLE: K85.00 per night

More than 10 people - 20% Discount
Children under 10 - 50% Discount
Children under 4 - Free

PH : 542 2087/547 1253
Fax : 547 1001

To Advertise in this section,
Contact: **WALTER D. EDWARD**
Telephone: **325 2500** or Fax: **325 2579**

LAE COCA-COLA CORPORATE TOUCH

Coca-Cola 6 A-side Supa Touch Challenge
Game Draws for November 25-26.
Number 25

| | |
|---------|--------------------------------------|
| 10.00am | Chemicals vs Toba Motors |
| 10.20am | BSP vs Boroko Motors |
| 10.40am | Associated Mills vs Coca-Cola Amatil |
| 11.20am | Chemicals vs NG Electrical |
| 12.00pm | BSP vs Toba Motors |
| 12.40pm | Boroko Motors vs Coca-Cola Amatil |
| 01.20pm | Chemicals vs Associated Mills |
| 02.00pm | BSP vs Coca-Cola Amatil |
| 02.40pm | NG Electrical vs Boroko Motors |
| 03.20pm | Toba Motors vs Associated Mills |
| 04.00pm | BSP vs Chemicals |
| 04.40pm | NG Electrical vs Coca-Cola Amatil |

| | |
|-------------|-----------------------------------|
| November 26 | |
| 09.00am | Toba Motors vs Boroko Motors |
| 09.40am | NG Electrical vs Associated Mills |
| 10.20am | Chemicals vs Coca-Cola Amatil |
| 11.00am | Boroko Motors vs Associated Mills |
| 11.40am | BSP vs NG Electrical |
| 12.20pm | Toba Motors vs Coca-Cola Amatil |
| 01.00pm | Chemicals vs Boroko Motors |
| 01.40pm | BSP vs Associated Mills |
| 02.20pm | NG Electrical vs Toba Motors |

• First Placed Team after the round-robin games are played will go straight into the grandfinal, second will play third, the winner going on to the grand final.

Finals
03.20pm Second vs Third
04.20pm Winner of 2/3 vs First

LAE FOOTBALL ASSOCIATION DRAW

| | |
|------------------------------|----------------------------------|
| Saturday, November 25, 2000. | |
| Grand Finals | |
| 09.00am | Omilli vs Taraka U13 Boys |
| 09.30am | St Pauls vs Taraka U15 Boys |
| 10.00am | Seminary vs B. Kumuls U19 Boys |
| 11.15am | Bara vs Tolec Buresong Reserve |
| 12.30pm | PNG Blues vs PNG Yellow U20 Boys |
| 01.30pm | Bara vs Women |
| 03.30pm | Blue Kumuls vs Poro League |
| Semi Final - Womens | |
| 10.00am | Nadzab vs Seminary Women |

Note: The looser of this match goes out of the competition and the wining team will proceed into the finals with Bara at 1.30pm on Saturday, November 25, 2000.

PORT MORESBY WOMENS SOFTBALL INC. 2000/2001 SEASON
Saturday, November 18, 2000.


| | |
|---------------------------|-------------------------|
| Week 6 | |
| Diamond 3 | |
| 09.00-10.15 | B All Bears vs Dolphins |
| 10.30-11.45 | A Wantoks vs Gazelle |
| 12.00-13.15 | A Norths vs Mazda |
| 13.30-14.45 | A Chebu vs Admiralty |
| 15.00-16.15 | A AB Bears vs All Bears |
| Diamond 2 | |
| 09.00-10.15 | B SP vs All Stars |
| 10.30-11.45 | B Tarangau vs Admiralty |
| 12.00-13.15 | C Dolphins vs Manolos |
| 13.30-14.45 | C NGI vs Gazelle |
| 15.00-16.15 | C SP vs Tarangau |
| Diamond 1 | |
| 09.00-10.15 | B Norths vs Chebu |
| Bye: Wantoks B Mazda C | |

LAE SOFTBALL WOMENS/MENS DRAW


| | |
|-----------------------------|--------------------|
| Saturday, November 25, 2000 | |
| Diamond 1 - A Grade | |
| 10.00-11.15 | Eagles vs Malangan |
| 11.15-12.30 | Karanas vs Aviat |
| 12.30-13.45 | YMCA vs Raiders |
| 13.45-15.00 | Manolos vs Telkom |
| 15.00-16.15 | Sharks vs NGI |
| 16.15-17.30 | Hawks vs Marlins |
| Sunday, November 26, 2000. | |
| Diamond 2 - B Grade | |
| 10.00-11.15 | Manalos vs Telkom |
| 11.15-12.30 | Sharks vs NGI |
| 12.30-13.45 | Eagles vs Malangan |
| 13.45-15.00 | Hawks vs Marlins |
| 15.00-16.15 | Karanas vs Aviat |
| 16.15-17.30 | YMCA vs Raiders |

PORT MORESBY MEN'S SOFTBALL


| | |
|---------------------------|-----------------------|
| Sunday, November 5, 2000. | |
| Game: 3 - Round 1 | |
| Diamond 1 | |
| 08.30-10.15 | A Jets vs Elcom |
| 10.15-12.00 | A Tigers vs NGI |
| 12.00-13.45 | A Hawks vs Gazelle |
| 13.45-15.30 | A Eagles vs MSC |
| 15.30-17.15 | A Bears vs Manolos |
| Diamond 2 | |
| 08.30-10.15 | B Manolos vs Gazelle |
| 10.15-12.00 | B Bears vs Norths |
| 12.00-13.45 | B Elcom vs Malangan |
| 13.45-15.30 | B Dolphins vs Kopex |
| 15.30-17.15 | B Eagles vs Hawks |
| Diamond 3 | |
| 08.30-10.15 | C Norths vs Tigers |
| 10.15-12.00 | C Jets vs Dolphins |
| 12.00-13.45 | C Manolos vs Kopex |
| 13.45-15.30 | C Sharks vs NGI |
| 15.30-17.15 | C Aigobians vs Norths |



• Misis Veitu Diro, siaman bilong Wimens In Spot komiti i sanap wantaim tupela mausman bilong Goodman Fielders International (GFI) husat i save wokim Flame flaua. Flame em mesa sponsa bilong ol wimen spot long kantri.



• Edward Kassman na poroman bilong em i soim kain stail we i wok long kamap nau long grending bilong ol long Don Bosco Teknikel skul long Gabutu, Nesanel Kapitel Distrik.



• Gavana bilong Enga Peter Ipatas i sanap wantaim kepten bilong Enga Mioks Stanis Kales na so-op long tropi bihain long Mioks nekim Rabaul Guria. Foto: ISSAC IKUAVI.



WANTOK SPOT



TINGTING bilong Gazelle long stap insait long fainel bai kamap long dispela wiken taim ol i bungim Mazda long bikpela sobfal resis bilong ol meri.

Ol meri ya i kisim taim stret na sindaun long namba 5 ples long poin lata, na ol i mas winim dispela gem logn wiken.

Gazelle i lus 4-pela taim pinis long Norths, AB Bears, All Stars na Wantok. Sapos ol i gat tingting long stap long fainel, ol i mas stat long winim sampela gem long

Mazda bai skelim strong bilong Gazelle

dispela wiken.

Poin lata i sanap olsem: Norths 10, AB Bears 10, Mazda 8, Wantok 8, Gazelle 4, Chebu 4, All Stars 3 na Admiralty 1.

Dispela spes namel long Gazelle na ol top foa tim i bikpela tru. Dispela spes i wok long op olgeta wiken na sapos Gazelle i gat tingting long soim strong long train winim taitel, ol i mas win.

Jenny Pilak na Mathilda

Pondriket em tupela sinia pilaia, husat i mas train na toktok strong long ol yangpela pilaia long stapim win bilong Mazda.

Mazda nau i wok long kisim bek wining fom, na sapos Gazelle i no was gut, ol bai kisim bikpela bagarap stret.

Ol pilaia bilong Mazda husat bai strongim gem em

Alice Kalas, Shirley ToMananga, Tara ToMananga, Alice Kalas, Dorcas Horris, Rei Melepia na Emma Kalas husat bai paia long dispela wiken.

Mazda i laik bekim dinau tu bikos ol i lus long Norths 5-0 las wiken.

Na long gem namel long All Stars na Wantoks, em bai kamap strongpela tru.

All Stars i gat ol biknem

netbai pilaia olsem Mona-Lisa Leka, Lydia Veali, Winnie Mavara, Lua Mavara, Salome Mavara, Mary Worsley na kepten Claire Wut.

Leka, Wut na Veali i wok long kamapim gutpela gem tru long beting ya. Sapos ol Wantok i no was gut, tripela meri ya bai go pas yet long narapela win gen bilong ol All Stars.

Wantok i no dai. Pawa i save stap long las minit. Lapun bilong Wantok Kolish Banam bai kisim gutpela sapot pilaia i kam long Veronica Bagasel, Ensie Tovia na Aida Roberts long winim All Stars.

Pauline Wakit husat i wok long kisim fom bilong em bai mekim save long ol beta bilong All Star wantaim pitsing bilong em.

Na las tu gem, Norths bai nekim Chebu na AB Bears bai kisim isi win egensim Admiralty.

PNG welkamim Kumuls



• **Wanpela Kumul pilaia Andrew Norman i kisim Wol Kap medal bilong em long Praim Minista Sir Mekere Morauta long Sir John Guise stadium long Pot Mosbi las wik Fraide.**

BIKPELA welkam seremoni i bin kamap long Pot Mosbi taim PNG Gas Kumul i kambek long kantri las wik Fraide.

PNG Gas Kumul i bin go pilai long Wol Kap 2000 long Frens na Inglan. Ol i kambek bihain long ol i lus long kwata fainel egensim Wales. Ol boi Wales i bagarapim tru sindaun bilong Kumuls 22-8.

Kepten Adrian Lam na namba tu bilong em, Michael Marum i amamas nogut tru long tim bilong ol.

Ol i amamas bikos ol i makim kwata fainel long bipo ol i go pilai na ol i amamas long ol i mekim kwata fainel.

Insait long pul gem, PNG Gas Kumul i winim olgeta tim, Tonga, France and Saut Afrika.

Lam i tokaut olsem em i amamas tru bikos em i namba wan taim PNG i pinis long kwata fainel bilong bikpela kompetisen long wol.

Em i tok win bilong ol long go insait long kwata fainel i

opim tru ai bilong planti ol man husat i no save PNG i stap long wanem hap. Na tu Kumul i soim tu ol arapela top kantri long wol olsem PNG tu i ken pilai gutpela futbol.

Dispela welkam seremoni long Fraide i kisim PNG Kumul i go raunim siti na bihain ol i bung long Sir John Guise stadium. Long dispela hap nau, Sir Mekere Morauta i tok welkma long olgeta pilaia, kosa na tim menesmen bilong em.

Anda 17 soka tim go long Apia

HENRY MORABANG i raitim

PAPUA Niugini Futbol Asosiesen (PNGFA) bai salim tim i go yet long Oceania Anda 17 kwalifaing tonamen long Western Samoa, Apia.

Dispela Anda 17 tim bilong PNG i tren nau long Pot Mosbi, na bai lusim kantri long neks wik Tunde long go long dispela tonamen.

Watpo PNG i no redim kwik tim bikos ol yut selekta na ol yut kosa i no bung kwik long paitim toktok long wanem kain ol pilaia ol i laikim.

Dispela Anda 17 Osenia sempionsip bai pulim olgeta kantri insait long rijen olsem Australia, Nu Silan, Fiji, Solomon Ailan, Vanuatu, Samoa, Amerika Samoa, Tahiti, Cook Ailan, Tonga na Nu Kaledonia.

Kosa bilong Anda 17 tim, Ludwick Peka i gat bilip olsem bihain long pinis bilong trening em bai makim wanpela strongpela tim. Wantok ino inap kisim fainel skwat bilong ol pilaia.

PNGFA i bin tok olsem ol i laik kamapim yut na junia soka moa long sinia, tasol kain pasin nau i bagarapim tru nem bilong ol.

Ol yut komiti i givim bikpela taim long ol kosa tasol ol i no makim wanpela skwat liklik ya.

Ludwick Peka i kisim tasol pawa olsem yut kosa long Mei 31 long dispela yia. Tasol em i no kisim wanpela tok orait long go het long makim skwat.

Long tingting bilong em, em i makim wanpela trening skwat long Lae we i gat 60

pilaia na em i makim 15 tasol we i trening long winim spes long go long Amerika Samoa.

Long Pot Mosbi, planti kosa we ol i makim long mekim wok i nogat, olsem na Kisakiu Posman tasol i wok long hatwok tru long trening tupela skwat wantaim.

Posman i tokim Wantok las wik olsem em i givim wankain trening long Anda 17 na tu Anda 20, na i no olsem ol boi long Lae we ol i holim kem bilong ol wanwan yet.

Ripot i kam long PNGFA i tokaut tu olsem PNG Anda 20 tim bai go long Auckland, Nu Silan long holim trening bilong ol long Osenia Soka Akademi (koles). Dispela em namba wan taim wanpela nesenel tim bilong PNG bai yusim dispela koles long mekim trening bilong ol.

PNGFA bai i no inap tromoi mani bikos ol bai yusim sem sata i bringim ol pilaia bilong ovasis kantri long kam pilai long Osenia Kap long Pot Mosbi. Na dispela wokabout bilong ol Anda 20 bai kamap long Januari long 2001.

• Posman na presiden bilong PNGFA bai go stap insait long Osenia Jenerel Miting long Vanuatu long makim nupela presiden.

Resis bilong presiden i kamap bihain long Charles Dempsey i lusim wok bihain long em i sem long i no sapotim Saut Afrika long holim Wol Kap.

Nau resis ya bai stap namel long Johnny Tinsley Lulu na presiden bilong Soka Australia. Mista Lulu i gat gutpela sans long winim dispela resis sapos em i kempen gut bipo long ileksen.

**Em i Gutpela
Em i Tuna
Em i bilong
PNG stret...**



- ◆ Tuna kam long solwara bilong Papua Niugini Stret.
- ◆ 100% tuna mit stret, nogat bun na nogat skin.
- ◆ Planti mit istap long olgeta tin.
- ◆ Nambawan tru long kisim protein bilong buildim masol. Em i gat Vaitamen D. na Selenium bilong helpim yu long rausim na pait long sik kensa na ol sik bilong lewa.
- ◆ Prais inap tru long yu baim.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.